

# روح بلا جسد

رواية

ولاء رفعت علي



الكتاب: روح بلا جسد

المؤلف : ولاء رفعت علي

تصميم الغلاف: غادة عبد الرحمن

رقم الإيداع: :

2021\_14424

التقييم الدولي: :

978-977-6780-66-8

الآراء الواردة في هذا الكتاب  
لا تعبر بالضرورة عن

دار الفراغة للنشر والتوزيع والترجمة

لا يُسمح بإعادة طبع أو نشر هذا الكتاب أو  
جزء منه بأي شكل من الأشكال أو حفظه أو  
نسخه في أي نظام إلكتروني أو ترجمته إلى  
أية لغة دون الحصول على إذن خطي مسبق  
من الناشر وإلا تعرض فاعله للمسائلة  
القانونية.

الناشر



دار الفراغة للنشر والتوزيع والترجمة

رئيس مجلس الإدارة  
إكرام عيد

المدير العام  
أحمد عبد السميع

لإدارة:

واتس:

(+2) 010094144497

alfra3ina@gmail.com

جميع الحقوق محفوظة لـ دار الفراغة للنشر والتوزيع والترجمة  
يمكنكم متابعة أخبارنا وإصدارتنا من خلال شركائنا الاستراتيجيين

[www.alitgan.net](http://www.alitgan.net)

[www.zaat.vip](http://www.zaat.vip)

موقع الإيتقان

بوابة ذات

## مقدمة

كيف يكون للعدل مكان في مجتمع يترك الظالم  
حراً طليقاً ويلقي اللوم علي عتق المظلوم. !

لا تندهش سيدي فنحن في زمن العجائب و من  
يريد شيئاً إن لم يأخذه بالرضا يسلبه بالسرقة أو  
بالقوة لنقل بالأحري الإغتصاب. !

روح بلا جسد

بقلمي ولاء رفعت

علي

## الفصل الاول

\_ أصوات صاخبة صادرة من أبواق السيارات  
المتراصة خلف بعضها البعض، فهذا وقت  
الذروة المرورية أعلي كوبري قصر النيل، يُطلق  
عليه أيضاً كوبري العشاق و المواعيد الغرامية  
التي ينتهي أغلبها بجراح القلوب، لكن هناك قلب  
ليس بجريح فقط بل بئس و قانط، لم يعد يريد أن  
يحيا في وسط ظلام و ظلمة، هذا القلب تقف  
صاحبتة لدي حافة السور الحديدي، تنظر  
بذهبيتها التي أنطفأ بريقها منذ ثلاث سنوات إلي  
مياه نهر النيل الضحلة، تذرف لتوها عبراتها و  
تنساقط علي حافة السور، و ما أن تلمس السطح  
تجف علي الفور بفعل درجة حرارة الطقس  
الحارقة وقيظ الشمس المتوهجة.  
وضعت كفها المرتجف علي قلايتها، تتحدث ب  
سأم بالغ:

\_ سامحني يارب، أنا أستحملت كثير و فاض  
بيا، أنا كنت بدعي كل يوم أنك تاخذ روجي وما  
أعش كل لحظة مريت ببيها، لحد ما خلاص  
تعبت، ولا ناس بترحم ولا أهل.  
قامت بفتح القلادة، ف ظهرت صورة فتاة  
صغيرة لم تتجاوز العامين، أعتصرتها في قبضة  
يدها و ضمتهإ إلي صدرها، ف أشدت بكاءها و  
تتحدث ب قهر:

\_سامحيني يابنتي، سامحيني يا روعي،  
مقدرتش أجيبك حقا عشان لما تكبري ترفعي  
راسك وسط الناس، و محدش يجرك بكلمة  
ويقولك أنتي بنت حرام!

و في الجهة المقابلة تقف سيارة نقل جماعي  
خاصة تابعة لإحدى القنوات الفضائية المعروفة،  
تقل فريق إعداد هذا البرنامج الذي ذاع صيته  
مؤخراً منذ عامين تقريباً، و في المقعد المجاور  
للنافذة تتحدث في هاتفها مقدمة البرنامج المذيعه  
الشهيرة نيهال فريد بصوت مليئ بالحنفوان  
والغضب:

\_يعني أي نلغي أورد التصوير يا راجي؟  
\_يا مدام نيهال أبوس إيدك أفهميني، أستاذ  
مجدي لسه وربنا مكلمني حالاً قالي أوقفو  
التصوير مفيش حلقة النهاردة.

جزت علي أسنانها ب حنق تود الفتك ب هذا  
المخرج الذي يتخذ قرارات بدون الرجوع إليها و  
وضع كم من القيود الشائكة عندما تُعد لتصوير  
أحداث كل حلقة جديدة، ف كما أخبرها بإجبار  
وليس اختيار أنه متاح لها أن تحقق في أي قضية  
كما يحلو لها لكن هناك ملايين من الخطوط  
الحمراء أسفل القضايا السياسية والطائفية.  
ما زالت قيد المكالمة ويبدو إنتفاخ أودجها و علي  
وشك الإنفجار:

\_طيب بص بقي وأسمعي كويس عشان تروح

تقولو الكلمتين دول، نيهال فريد مبتاخذش أوامر  
من حد وأنا عارفه شغلي كويس و عارفة أي الي  
يتذاع وأي الي ميتذاعش، وأعلي ما في خيله  
يركبه .أستاذة نيهال.....

أغلقت المكالمة وألقت هاتفها علي المقعد  
المجاور لها وهي تزفر بقوة.  
\_مدام نيهال أنتي كويسة؟\_

سألته المساعدة الخاصة بها، أكتفت الأخرى  
بايماء بدون النظر إليها، ثم صاحت في السائق:  
\_لسه الطريق واقف يا أيمن؟\_

ألقت لها برأسه ويشير لها عبر الزجاج نحو  
الطريق المزدهم قائلاً:

\_والله يا مدام زي ما حضرتك شايفة كده،  
الطريق بقاله أكثر من نص ساعة واقف، بيقولو  
في موكب لوزير هيعدي عند ميدان الأوبرا.  
إرتفعت زواية فمها جانباً بتهكم وقالت:

\_يوسعلهم الطريق عشان يعدو براحتهم وإحنا  
نولع في الزحمة والشمس مش مشكلة.\_

ألزمت الصمت بعد ذلك، فتحت ستائر النافذة  
قليلاً لتلقي نظرة علي مركب شراعية، حتي  
أستحوذ علي كامل إنتبهها تلك الفتاة التي تضع  
قدمها علي أول درجة بالسياج الحديدي، جحظت  
عينها تدعو الله بداخلها أن يخيب ظنها، و إذا بها  
تصرخ وتهول نحو باب السيارة:

\_حد يلحق المجنونة دي بترمي نفسها في النيل.\_

تابعها ثلاثة من الشباب العاملين معاها، قال  
 إحداهم: أستني يا أستاذة نيهال.  
 \_فبين فرق الإنقاذ، حد يلحقها قبل ما تغرق.  
 هكذا صاحت، تعالت صيحات المارين مابين  
 إستغاثة من أجل هذه المسكينة و مابين الشفقة  
 عليها.  
 \_ربنا يستر.  
 قالها إحداهم  
 \_لا حول ولا قوة إلا بالله العلي العظيم.  
 قالها رجل آخر  
 \_يا عيني عليكي يابنتي، ده أنا لسه شيفاهها  
 الصبح بتشتري مني مناديل و فضلت أدعيها،  
 ربنا يحميها ويحفظها ويقدر و ينفذوها.  
 قالتها بائعة متجولة  
 وبالفعل تحركت قوات الإنقاذ بأقصى سرعة  
 و إنتشالها من المياه بعد أن كانت علي حافة  
 الموت.

\_ منذ عامين ونصف، في إحدى القرى النائية  
 التابعة لمحافظة البحيرة، تقطن عائلة روح تلك  
 الفتاة ذات الثامنة عشر ربيعاً في منزل صغير  
 تملأه البساطة والراحة النفسية، والداها مصطفى  
 السيد في منتصف العقد الخامس، موظف في  
 السكة الحديدية و زوجته السيدة منال ربة منزل  
 تبلغ من العمر أربعين عاماً، و لديها شقيقها  
 رامي يصغرها بأربعة أعوام في المرحلة

## الإعدادية.

ها هو قد أقرب موعد إمتحانات الثانوية العامة، يستعد الطلاب لها بالذاكرة والذهاب إلي دروس التقوية، وفي هذا المجمع التعليمي التابع لمسجد القرية، تخرج روح مع صديقتها وشقيقة هذا الشاب الذي تقدم لخطبتها منذ ست شهور و يدعي عمرو عبدالحكيم، لقد تخرج من كلية تجارة و يعمل محاسب في إحدى المجمعات التجارية الشهيرة في مركز المدينة بالقرب من قريتهم، يمكث هو وعائلته في المنزل المقابل لعائلة روح، و من الصغر يراها فتاة أحلامه التي لم تفارق قلبه و وجدانه، فتاته التي تربت علي مبادئ الدين والخُلق و العادات والتقاليد الصحيحة، أختطفته فؤاده عندما رآها لأول مرة بالحجاب الذي زادها زينة و جمال فوق جمالها الرباني، ظل حبها في قلبه حتي حانت اللحظة الحاسمة و سُيرت أغواره بعدما علم من شقيقته أسماء صديقة طفولتها و صباها بأن هناك شاب تقدم لخطبتها لكن روح وعائلتها قاموا بالرفض وليس مرة فقط بل زهاء ثلاث مرات، مما أسعد هذا قلبه وجعله يحسم أمره و عرض الأمر علي والديه، رحبت والدته السيدة ثناء بهذا وأعربت له عن سعادتها وكم تمننت له عروس مثلها في حُسن خُلقها وأدبها وجمالها، و عائلة يعلمون عنهم كل ما يُرسخ في صدورهم من طمأنينة و راحة، ولن

يختلف الأمر لدي عبدالحكيم زوجها يكفيه السيرة  
الحسنة عنهم.

تمت الخطبة في أجواء عائلية مُبهجة و بدأت  
قصة حب عمرو و روح، لكن كالعادة أو ما  
أعتدنا عليه دائماً، كثير من الفرح يقابله القليل  
وربما الكثير من الحزن، هكذا هو قانون الحياة،  
لا تُعطي لك إلا تأخذ منك المقابل و لكل منا ما  
يعطيه أو ما يدفعه من ثمنٍ غالي.  
\_الي واخذ عقلك يا عروسه؟.

سألته أسماء و هي تلكرها بخفة في زراعها، ف  
أجابت روح بعدما عادت من رحلة شرودها:  
\_بتقولي حاجة؟.

ضيقت أسماء عينيها ب مكر و مزاح قائلة:  
\_هو أبيه عمرو للرجدي شاغل تفكيرك، يابنتي  
ركزي شوية في الهم الي إحنا فيه، كلها أسبوع و  
هنلبس في وش الإمتحانات، و تخلص وبعدها  
ثلاث أسابيع و تتجوزو بقي، وأخلص من  
رخامته عليا.

قهقهت روح من حديث صديقته الفكاهي،  
وقالت:

\_ماشى يالمضة، خلاص هانت وأخلصك منه،  
بس مكنتش أصلاً سرحانة فيه.

توقفت الأخرى عن السير و قالت:

\_خير، أبيه زعلك ولا أي؟.

أعترأها بعض التوتر و أنبلج علي ملامح

وجهها، ف قالت بتردد جلي:

\_ممم مفيش، أصدي يعني مزعلنيش ولا حاجة.  
بداخلها يريد أن يجيش عن ما بصدرها من ما  
يؤرقها منذ أيام، أنتشلتها صديقتها من الشرود  
مرة أخري، وقالت:

\_أوعي يكون الزفت الي إسمه راجح ده بيكلمك  
ولا بيشفوك تاني؟.

أومأت لها بالإيجاب، أردفت الأخري:

\_نهار أبوه أزرق و أسود علي دماغه، هو  
متخلف ولا مجنون، عايز أي منك التتح ده؟.  
أجابت بتأفف:

\_وطي صوتك البلد كلها سمعتنا.

تنهدت أسماء و أخفضت من صوتها قليلاً:

\_حقك عليا يا روح، بس غصب عني أقسم بالله  
بيبقي بيني ومابين أقول لأبيه عمرو عليه و....  
قاطعتها و هي تضع كفها علي فمها:

\_إياكي، والله أزعل منك يا أسماء، أنتي عارفة  
كويس إن الكلب راجح ده عيل مدمن وشمام و  
السلاح مبيفارقش جيبه لا بيهمه حد، عايزاني  
أروح أقول لأخوكي أن فيه واحد لازق لي في  
الراحة والحاية وبيهددني أن أفسخ خطوبتي منه  
وإلا يخلص عليه. !

شهقت و كفها علي فمها، قائلة:

\_يا ابن ال..... ، اللهم عزرائيل يجي يخلص  
عليه هو الحيوان،البلطجي، بتاع المخدرات.

\_ أديكي قولتيها بلطجي وشمام، عايزة تقولي  
 لعمر و عشان يروح يتخانق معاه والتاني يقوم  
 مخلص عليه بطلقة واحدة من المسدس بتاعه. !  
 أصبحت أسماء في حيرة من الأمر، ف قالت:  
 \_ نروح نقول لمامته أو باباه يوقفو عند حده، هو  
 فإكر إنها سايبية ولا أي. !

هزت روح رأسها نفيماً وبتهمك تحدثت:  
 \_ عندك حق، نروح نقول لمامته الي لما  
 أتقدمولي ورفضناهم وقفت ردت لما علي  
 الباب بأعلي صوتها تقولها، بقي بنتكو المعفنة أم  
 نضارة ترفض إبني، راجح حامد الأنصاري الي  
 بنات مصر كلها بتجري وراه وتتمني يعبرها  
 بكلمة.

قالتها روح مُقلدة هذه السيدة الشمطاء في  
 الأسلوب والحوار، مما جعل أسماء لم تستطع  
 كتم ضحكاتهما، ف أطلقتها للنعان حتي دمعت  
 عينيها.

\_ ما تضحكوني معاكو.  
 قالها صوت رجولي جعل كلتاهما تصمت علي  
 الفور، أبتلعت أسماء ريقها من الذعر، وقالت:  
 \_ أبيه عمرو. !  
 أجاب بنبرة جدية صارمة لا يتقوه بها سوي مع  
 شقيفته:

\_ أي الي موقفك في الشارع لحد دلوقت يا هانم،  
 وكمان بالليل.

مدت له يديها تحمل دفتر ورقي وكتاب، أجابت:  
 \_والله كنا عندنا مراجعة علم نفس ولسه  
 مخلصين، و وقفنا ناخذ نفسنا شوية.  
 نظرت إلي روح التي عقبت:  
 \_أيوه، كنا مخنوقين شوية عشان ضغط  
 المذاكرة والدروس والامتحانات، و مروحين  
 علي طول أهو.  
 رمقهما ب عدم صدق لكن لايهمه سوي أمر  
 روحه، ف قال:  
 \_طيب تعالو أفلكو الخنقة دي شويه وأعزمكو  
 علي آيس كريم.  
 قفزت أسماء كالطفلة من فرط السعادة ب صياح:  
 \_أيوه بقي يا أبيه، حاسس بأختك الغلبانه.  
 أجاب عليها ب سماجة:  
 \_ده مش عشانك، عشان خاطر روح.  
 و نظر ل روح بايتسامه جعلت الدماء تكاد تنفجر  
 من وجنتيها خجلاً، فهي دائماً خجولة خاصة  
 عندما يوقع علي مسامعها كلمات من الغزل  
 العفيف والحب النقي، تنتابها حالة من الخجل  
 يلازمها الصمت و هذا لن يضايقه أبداً ، بل يزيد  
 من حبه لها أكثر وأقوي، ود لو تمر الأيام  
 بسرعة البرق وتصير زوجته، حينها سوف يلقي  
 عليها كل ما بداخله من مشاعر مكنونة لن  
 يستطيع إطلاقها إلا عندما تصبح زوجته.

\_ ماشي يا أبيه، بقي تكسفني وتقولي عشان  
خاطر روح! ، شوف بقي مين غير سمسة  
أختك حبيبتك الي هيعملك البيتزا ولا الكريب  
عمایل إيديا الي بتحلف عمرك مادوقت في  
حلاوتهم أبداً.

أطلق قهقهه علي تذمر شقيقته، يحب دائماً أن  
يشاكسها، ضربها بخفة علي مؤخرة رأسها قائلاً  
\_ أعمل أي بحب أنكش فيكي، يلا تعالو بقي  
عشان نلحق نرجع علي طول وتراجعو الي  
خدتوه.

تفوهت روح ب تردد:

\_ معلش يا عمرو مش هاينفع، بابا...

قاطعها عمرو قائلاً:

\_ متقلقش يا روعي، أنا كلمته وسلمت عليه  
وأستاذنت منه وعارف إن أسماء أختي معانا،  
عشان كده ما أعترضتتش.

\_ يلا بقي يا رورو، لسه هاتفكري! !

\_ و معايا الموتسيكل كمان.

أتسعت عينيها وبدي علي ملامحها الإعتراض،

تفهمت صديقتها ما تفكر به، فقالت:

\_ أنا هاركب ورا أبيه وأنتي ورايا، وفيزبا هنية  
تكفي فيه.

ضحك ثلاثتهم، أرضخت روح في النهاية

وذهبت معاهما ليستمتعا بأجمل اللحظات التي

لن تنساها أبداً ، وبعد إنتهاء رحلتهم القصيرة في

طريق العودة كانت هناك أعين مثل عيون الذئاب  
 عندما تراقب فريستها وتحيك وتدبر لها المكائد  
 والفخاخ، يزفر صاحبها دخان سيجارته  
 المحشوة، ف ينبعث من بين برائن الظلام  
 الدامس خلف أشجار المانجو، يقول ب تواعد:  
 \_مبقاش أنا راجح الأنصاري لو مخلتكيش  
 تجيلي راکعة تحت رجلي يا روح، والكلب الي  
 معاكي ساعتها ميطلقش ببص في وشك ولا يقدر  
 يرفع راسه في البلد تاني!  
 \_ (عودة للزمن الحالي)

تفتح عينيها رويداً رويداً و بدأ إدراكها يعي ما  
 تراه من حولها، غرفة متسعة إلي حد ما  
 وجدرانها بللون الأبيض، تجولت ب بصرها في  
 الأرجاء حتي أستقرت علي نيهال وهي تزرع  
 الغرفة ذهاباً وأياباً تمسك بهاتفها، يبدو إنها  
 تهاتف أحدهم ولم يجب، زفرت بتأفف ثم نظرت  
 إلي ساعة يدها وهي تقول:  
 \_ لازم أمشي كده هت....  
 صممت عندما وجدتها قد أفاقت، ف أقتربت منها  
 بللهفة تطمان عليها:

\_ حمدالله علي سلامتک، أنتي كويسه؟.

رمقتها روح و هي تتذكر آخر الأحداث و آخر  
 مشهد رآته هو مياه النيل الضحلة المُعتمة، أكتفت  
 بالإيماءة إجابة علي سؤال الأخرى، ف أردفت

نيهال:

\_ قبل ما أسألك ليه عملتي في نفسك كده، بس  
عايزه أقولك علي حاجة مفيش حاجة في الدنيا  
تستاهل أنك تنتحري عشانها، روحك أمانة لحد  
ما ربنا يأذن إن أمانته ترجع له، و طبعاً من غير  
ما ندخل في حوار الحلال والحرام أنتي عارفة  
كويس الي بينتحر ده نهايته أي.  
لم تتفوه ب بنت شفه بل و أشاحت وجهها للناحية  
الأخري، و بداخلها تقول بصوت صارخ باكي:  
\_ ما بقتش تفرق دنيتي من آخرتي، الأثنين

جحيم.

و بينما هي تصرخ في صمت أنتبعت أذنيها إلي  
صوت مُنبعث من التلفاز المُعلق علي الحائط، و  
ما هي إلا مُقدمة إحدى البرامج المعروفة لدي  
الكل ب (التوك شو)، تتفوه بإسم لن تنساه روح  
بتاً:

\_ والنهاردة أعزائي المشاهدين منورنا الأستاذ  
عادل البهنساوي.

وهنا أنتفضت فرائصها عندما رأت وجهه  
المبتسم مثل الأفعي التي تتلون و تتشكل حيثما  
يريد أن يكون، و إذ بذاكرتها تُعيد إليها هذا اليوم  
(منذ عامين ونصف)

\_ بداخل غرفة مكتب قديم و أثاثه الخشبي  
المهترأ و نافذة خشبية تآكل مقبضها الحديدي من  
الصدأ، يجلس خلف المكتب هذا المُدعو عادل

البهنساوي كما مدون علي القطعة الرخامية  
المتآكلة، يمسك بين يديه ملف ورقي يتطلع علي  
أوراقه باهتمام زائف، قائلاً:

\_ يا أستاذ مصطفى صورة البلاغ الي قدمته في  
المدعي عليه بتهمة الإعتداء علي الأنسة روح  
بنت حضرتك ملهوش أي لازمة من غير أي  
دليل يثبت أن راجح حامد الأنصاري أعندي علي  
بنتك.

رقمه مصطفى بإمتعاض ثم تساءل:  
\_ تقصد إيه يا متر ، يعني هافضح بنتي ونروح

نتبلي علي الناس من غير دليل. !  
إبتسم عادل بسماجة وهو يجفف قطرات عرقه  
بمحرمته المنسوجة من القطن ، فقال:

\_ لاء طبعاً ما أقصدش كده لاسمح الله ، يعني  
الي فهمته من كلام روح بنتك في المحضر إنها  
معها دليل قوي يُدين إبن حامد الأنصاري.  
نظرت روح بتردد إلي والدها الجالس مقابلها ،  
فأوما لها بنظرة طمأنينة قائلاً:

\_ معانا الدليل الي يوديه هو وعيلته في ستين  
داهية.

و مع آخر حرف تفوه به السيد مصطفى بكل  
طيبة وعفوية قابلها هذا الذئب الدنيئ بإبتسامة  
إنصار و زفر بأريحية ، فميزان العدل الذي  
يُزين الجدار خلفه لايُمت لأعماله بصلة ،  
ضميره في سُبَات عميق لن يستيقظ منه بل هو قد

باعه بئمن بخس لكل ظالم مُتجبر يعث في  
الأرض فساداً ويأتي له لكي يدافع عنه ويخرجه  
من أي كارثة أقترفها حيث يقوم بإستغلال كل  
ثغرات القانون بكل الطرق الملتوية.

أخرجت روح من حقيبتها هاتف من الطراز  
الحديث ويديها مُرتجفة من التوتر ، كاد يسقط  
منها لكن أنقذ والدها الموقف وأمسك به و وضعه  
أمامه فوق المكتب قائلاً:

\_أفضل ساعدتك ده الموبايل بتاع الي ربنا  
ياخده كان معاه في وقت الي حصل.

أمسك به الآخر و أخذ يحدق به يقول:

\_هو ده الي صور عليه الي عمله فيكي ؟.

أنتابتها حالة من الفشعريرة من سؤاله الذي يدل  
علي حماقته ، بدأت عبراتها بالتجمع في مقلتيها  
، فأجابت بصوت متحشرج:

\_أيوه هو ، لما فوءت من الإغماء الي كنت فيه  
قعدت أدور علي موبايلي ملقتهوش ، لاقيت  
موبايله واقع جمبي.

أنحني بجذعه جانباً ليلتقط حقيبتة الجلدية ، و  
وضع الهاتف بداخلها ، ثم نظر إليهما وبدأ  
بالنفاق يتحدث:

\_أطمئن يا أستاذ مصطفى إن شاء الله حق بنتك  
هيرجع وإبن حامد الأنصاري مش هيطلع عليه  
نهار غير وهو مشرف علي البورش مع  
المجرمين الي زيه ، و ده بعد ما أقدم للنيابة

الدليل ده ومعاه التقرير الطبي الي يثبت حالة الإعتداء.

\_ وبعد عدة أيام عاد والد روح من عمله بوجه مكفهر و كأنه يحمل من الهموم جبلاً غير الكارثة التي حلت بإبنته.

أستقبلته منال زوجته متسائلة عن حالته المُرزية \_خير يا مصطفى ، حصل أي تاني؟.

جلس أمامها علي الأريكة مجيباً بخزي:

\_ و هيجي منين الخير طول ما ولاد ال..... مالين البلد من ظلم و أرف.

جلست بجواره وهي تعقد وشاحها علي رأسها قائلة:

\_ هو المحامي قالك حاجة جديدة حصلت في قضية البت؟.

وضع كفيه علي رأسه المُنكس لأسفل من الحزن و الوهن ، أجاب بحسرة أب يشعر بالظلم:

\_ المحامي ربنا ينتقم منه أو بيتليه بمصيبة طلع بيضحك علينا وباعنا لحامد الأنصاري وأداله الدليل الي كنا هنقدمه للنيابة عشان يجيبولنا حق

بنتنا ، حتي تقرير الطب الشرعي الي قالي هيستلمه بنفسه روجت أسأل عليه لاقيت الدكتور

بينكر كل حاجة ، فهمت إن حامد والمحامي أشتروه بالفلوس هو كمان.

شهق بألم ليردف بصوت مختنق:

\_ بنتنا ضاعت يا منال ، حق بنتي ضاع ومش

عارف أعمل أي ، مش عارف هارفع راسي  
إزاي أدام الجيران ولا البلد ولا في الشغل.  
ربتت علي ظهره بمواساة قالت:

\_متقولش كده يا أبو روح ، ماعاش ولا كان الي  
يخليك تحني راسك ، بنتك مظلومه ومجني عليها  
، روح بنتي العالم كله يشهد بأخلاقها.  
رفع رأسه و حدق بنظرة خذل وتقهقر قائلاً:  
\_معدتش قادر أستحمل نظرات الناس ليا في  
الشارع ولا كلامهم الي من تحت لتحت ، الي  
يقولي ربنا يقويك ويعينك يا مصطفى ، والي  
يقولي أنا عندي عريس لبنتك يستر عليها ، و...  
قاطعته بصياح و هي تبكي في أن واحد:

\_قطع لسان كل الي يجيب سيرة بنتي بكلمة كده  
ولا كده ، والي يقولك حاجة أقف أدامه وأقوله  
أخرس بنتي أشرف بنت في الكفر والبلد كلها ،  
وبإذن الله هناخد حقنا من ابن حامد الكلب هو  
وأبوه وعيلته الي فاكرين نفسهم بلطجية ومحدث  
قادر عليهم.

كان هذا الحوار الذي يقطع نياط القلوب تحت  
مرأي وسمع التي تقف خلف باب غرفتها  
الموارب ، و بصيص من نور الردهة ينعكس  
علي عبراتها المنسدلة ، تمسك بمقبض الباب  
وكانها تعصره بقوة حتي أبيضت مفاصل أناملها  
الرقيقة.

\_ (عودة إلي الزمن الحالي)  
 نهضت من الفراش تتحامل علي أوجاعها ،  
 فأنتفضت نحوها نيهال قائلة:  
 \_ أنتي قايمة رايحة فين ؟!  
 أجابت روح وهي تنتزع حقنة المحلول من يدها  
 \_ أنا عايزة أروح لأهلي.  
 أمسكتها الأخرى من كتفيها وقامت بمواجهتها  
 ونهرها قائلة:  
 \_ و كانوا فين أهلك وأنتي بتنتحري!  
 أجهشت بالبكاء فقالت:  
 \_ لو سمحت سيبيني في حالي ، كفاية الي أنا فيه  
 \_ أنا معاكي عشان أساعدك وأقف جمبك ، بصي  
 لي كويس وأنتي هاتعرفي أنا مين.  
 رفعت روح وجهها لتتمعن في ملامح نيهال ،  
 فأتسعت عينيها لاتصدق ما تراه أمامها ، قاطعت  
 الأخرى سؤالها التي تتوقعه:  
 \_ أيوه أنا نيهال فريد المذبة ، و شوقتك وأنتي  
 بترمي نفسك في النيل من فوق الكوبري ، و  
 دلوقت الدكتور المشرف علي حالتك هيجي بعد  
 شوية ويظمن عليك عشان يكتب التقرير الي  
 هيقدمه في المحضر.  
 صاحت روح بخوف:  
 \_ محضر؟!  
 \_ أيوه محضر ، ده إنتحار ، جريمة في حق  
 نفسك.

أطلقت زفرة بضيق وهي تشعر بالشفقة والحزن  
علي تلك المسكينة التي تشهق وتبكي بشدة ،  
عانقتها وربتت عليها بحنان ، مُردفة:

\_إهدي يا حبيبي ، مفيش حاجة تستاهل عياطك  
ده كله ، ولا في أي حد يستاهل تنتحري عشانه ،  
متخافيش أنا أي نعم معرفكيش بس هاساعدك  
ومش هاسيبك.

شعرت روح بطمأنينة وراحة عارمة لم تشعر  
بها منذ ذلك الحادث وتوابعه ، هدأت من نوبة  
البكاء الصاخبة حتي أستكانت أنفاسها ، ثم  
أبتعدت بهدوء من هذا العناق تزيح عبراتها  
وتلتقط أنفاسها ب تروي قائلة:

\_أنا مش عارفة أخذ حقي و حق بنتي. !

## الفصل الثاني

( \_ منذ عامين ونصف... )

تسير بخطي سريعة وكادت تتعثر في حجرة صخرية في وسط الطريق ، لكن جمعت قواها وألقت إلي هذا الذي يراقبها ويجول خلفها كظلمة في كل مكان تخطو قدميها.

\_وبعدين معاك يا زفت ، أنت أي ! ، معندكش كرامة ولا نخوة؟ ، عايز مني أي ؟ ، في كل مكان ورايا ، خلاص مفيش بنت غيري في الكفر ! ، عايز أي يا ابن ناهد من واحدة رفضتك بدل المرة ألف ومخطوبة وخلاص قربت تتجوز من واحد جذمته برقبته وبرقبة عيلتك كلها.

صاحت بها روح وتشيح بيديها في وجهه ، مما أثارت كلماتها اللاذعة نيران مراحل جنونه و غضبه ليقبض علي زراعها بقوة وهي يعنفها قائلاً باللهجة تهديد:

\_أنا راجل وأرجل من أبوكي وأخوكي وخطيبك العره ده ، و سيرة أمني وأسمها مي جيش علي لسانك ، إما بالنسبة لموضوع جوازك من سوسن خطيبك ده حلم من عاشر المستحيلات إنه يتحقق ، وبكرة هثبتك أن راجح الأنصاري الي عايزه ، هو الي هيكون.

جذبت زراعها من قبضته ، و دفعته بحقيبتها في صدره قائلة:

\_ده في أحلامك أنت ، و خطيبي الي بتتمسخر  
عليه بكرة هو الي هيخليك أنت الي سوسن  
وتخاف تطلع من بيتكو.

أطلق فقهه دبت الرعب في قلبها لكنها أظهرت  
عكس ما بداخلها.

\_وحياتك يا روح لأخليه هو الي ميخرجش من  
باب بيتهم بعد من الي هعملو فيكي.  
\_بت يا روح ؟.

صاحت بها والدتها ، تحمل أكياس بلاستيكية ،  
ألتفتت لها روح و فر الآخر هارباً كالبرق في  
سرعته.

أقتربت منها والدتها بملامح غاضبة وقالت:  
\_عايز أي منك ابن حامد ده؟.

أزردت ريقها وأجابت والتوتر يعتري ملامحها  
\_أبوس أيديك يا ماما وطي صوتك ، محصلش  
حاجة وأنا قبل ماتيجي أدتلو علي دماغه.  
ألقت نظرة متوعدة وقالت:

\_طيب يلا أنجري أدامي علي البيت ، وأنا ليا  
كلام مع أم الصايح الشامام ده.

\_و بعد أن عادت السيدة منال وإبنتها إلي  
منزلهما تركت ما قامت بشراءه فوق طاولة  
المطبخ وقالت بأمر حازم:

\_علقني علي مية الفراخ عقبال ماتغسليها كويس  
و عندك الخضار والرز والحاجة ، حضري الغدا  
عقبال ما أرجع من مشواري.

تناولت حقيبة نقودها الصغيرة وأتجهت نحو  
الباب إستعداداً للمغادرة ، ركضت روح إليها  
وأمسكت ساعدها قائلة:

\_ماما بلاش فضايح ، الست دي مش هتخلصي  
منها وهتدافع عن إبنها ومش هينوبك غير ردها  
الي هيسمعه كل أهل البلد.  
أبعدت منال ساعدها وقالت بقوة:

\_أنا صاحبة حق يابنت بطني ، وصاحب الحق  
ميخافش ، و لو هي مقدرتش علي إبنها وخلته  
يتلم هخلي أبوكي يروح يتصرف مع أبوه ولو  
وصلت أبعث لأعمامك في مصر يجو يعلموه  
الأدب.

هزت روح رأسها بسأم ، فأردفت والدتها:  
\_روحي أعملي الي قولتلك عليه وأقفلني عليكي  
الباب كويس ، سلام.

\_و في منزل حامد الأنصاري تنتظر منال في  
ردهة الإستقبال بعدما أستقبلتها شقيقة راجح ،  
فأتي صوت ناهد الساخر و القادم من الرواق  
التي تتفرع منه غرف النوم.

\_خير يا أم روح ؟!

نهضت منال تقف بشموخ قائلة:

\_الناس بتبتدي كلامها بالسلام يا ناهد.

عقدت الأخرى ساعديها أمام صدرها ولوت  
شفتيها بتهمك جانباً.

\_ومن أمّتي كان في بينا سلام بعد ما السنيورة  
بنّتك رفضت إبني وراحت أتخطبت لحتت الواد  
الكاشير الكحيان.

\_أديكي جبتي من الآخر ، بنتي مخطوبة ،  
ياريت بقي تقولي الكلام ده و تأكدي عليه لإبنك  
الصايح الي عمال يلف ورا بنتي في كل حتة  
ويطلعها زي اللهو الخفي.

شهقت ناهد بإعتراض و تضع يديها في خصرها  
، تصيح بغضب:

\_لهو خفي ياخذك وياخد بنّتك يا وليه ، أنتي  
جايه في قلب بيتي وبتشتمي علي إبني ، إبني الي  
يشاور بس بطرف صباعه تيجي مليون واحده  
تحت رجليه يتمنو يبص لهم بصة بس.  
\_وأنا عشان في بيتك هااحترم ده ومش هرد  
علي كلامك ، دلوقت مش مستغربة أخلاق إبّنك  
الزبالة لأنك أمه.

تقوهت بها منال مما جعلت الأخرى صاحت  
وهي تشير لها نحو باب المنزل:

\_أطلي بره بيتي ، كتك داهية تاخذك وتاخذ  
بنّتك في ساعة واحدة.

غادرت منال المنزل وبداخلها تشعر بللذة  
إنتصارها علي تلك الحيزبون منبع الشر التي  
أنجبت شيطان رچيم ورث أخلاقه الوضيعة من  
والدته سليطة اللسان ، سيئة الخصال.

والتعليم كان في عهد عباس وسعيد حدث ولا حرج، طبعاً كان معروف عن الإبن وابوه ولاء هم لأسيادهم إنجلترا وفرنسا، والي جدهم محمد علي بناه في سنين هم هدوه في لحظة أول حاجة عملها بطل يمول المدارس والي خلي الأحوال ساءت فيها لدرجة أتقفلت مدارس كثير ومش بس وكده، ده كمان لغى ديوان المدارس الي هي وزارة التربية والتعليم كمان و وقف بعثات التعليم للخارج وكل ده عشان يخلي حبايبه الأجانب بينو مدارسهم الخاصة ومش محتاجه مفهومية، الأجنبي او الغرب لما يجيلك كواحد عربي مصري يعلمك هيكون غايته وهدفه أي. ! توقف معلم التاريخ عن الشرح ليتناول كأس من الماء ويرتشف منه القليل، وبيده الأخرى أخرج منشفة ورقية من جيب بنطاله وقام بتجفيف جبهته، وأستطرد حديثه:

طبعاً هدفهم الأول التبشير ده غير أهداف كثير لسه آثارها السلبية موجودة لحد دلوقت ومنها إحتلال ثقافة الغرب لثقافتنا العربية بأفكارهم وثقافتهم الي كل هدفها نزع الإنسان العربي من أصوله وجدوره ولو فكرنا بعمق أوي سلخه من دينه الي بيحاربوه من زمان وكل مدي و الحملات الصليبية بنتشكل علي كل لون لحد

وقتنا هذا وبشكل أشرس.  
 رفعت أسماء يدها لأعلي فأشار لها المعلم وقال:  
 \_أفضلي يا أسماء يابنتي.  
 وقفت وتساءلت بنبرة هادئة:

\_ هو سؤال خارج المنهج بس ليه علاقة  
 بالتاريخ.

أشار لها بإبتسامة ترحيبية فهو يعلم فكر طالبته  
 النجيبة وإدراكها الذي يفوق عمرها بمراحل  
 وهذا من خلال مناقشات عديدة دارت في  
 محاضرات سابقة.

\_أفضلي وأنا سمعك.  
 إبتسمت بإمتنان وقالت:

\_أنا كنت قرأت مقال من قريب جداً إن الي  
 يُبدرس لينا في التاريخ عن الدولة العثمانية كله  
 زيف و ظلم و وجودهم في الشرق الأوسط ككل  
 مكنش إحتلال بل فتوحات، هل ده صحيح ولا  
 كذب زي كذبات كثير ظهرت مؤخراً لأهداف  
 زي قلب الحقائق و تدمير عقول الشباب ونخليهم  
 يشكو في كل حاجة؟.

تنهد المعلم وبداخله سعادة غامرة تشرح صدره  
 من أن جهوده لا تذهب هباءً مع طلابه وأن هناك  
 عقول مُنيرة برغم ما يُبث إليها من تضليل  
 وكذب، تحمحم وقال:

\_ كل مدي وتفاجئيني بذكاءك وثقافتك وسؤالك  
 في غاية الأهمية وفعلاً وقع أدامي مقال طرح

نفس الموضوع ده، وأنا هجاوبك بما يملاه عليا  
ضميري وحتاسب عليه أدام ربنا، وهو فعلاً  
مش كل الي موجود في كتب الدراسة خاصة  
التاريخ حقيقي ولا كذب بمعني علي سبيل المثال  
الدولة العثمانية زي ما حكتلكو قبل كده أتأسست  
علي إيد عثمان الأول وكان هدفه الأساسي هو  
نشر رقعة الإسلام في كثير من الدول بالفتوحات  
وليس بالإحتلال وسلطان ورا الثاني لحد ما بقت  
إمبراطورية عظيمة ورافعة راية الإسلام ونشر  
تعاليمه حتي في دول الغرب الي بقت تحت سيادة  
الدولة العثمانية، وكالعادة الكلام ده معجبش  
الجماعة التانيين ومش كل سلطان عثماني كان  
هدفه نبيل، كان فيه منهم الطامع في السلطه  
وممكن يعمل أي حاجة مقابل الكرسي و دي  
الثغرة الي تدخل الغرب منها وزرعو سيطرتهم  
فأتحول هدفهم من نشر الإسلام إلي جمع  
الضرايب والإستيلاء علي خيرات كل بلد تحت  
سيطرتهم وبدأ الفساد والظلم الي مهد للمستعمر  
الأجنبي زي الحملات الفرنسية والي بعدها،  
حكايات تطول شرحها هتلاقيها في كتب مليانه  
تفاصيل هتفيدك بس مش علي النت أرجعي لكتب  
المؤرخيين العرب وأبعدي عن الي موجود علي  
ويكيبيديا عمك جوجل وغيرها لأنها مكتوبة تحت  
إشراف وتعليمات الي عايزنا منعرفش الحقيقة،  
صح كلامي ولا أي ياروح؟.

كانت روح شاردة لم تنتبه إلي ما يحدث أو سؤال  
معلمها حتي لكزتها أسماء هامة:

\_روح المستر بيكلمك.

أنتبهت ثم وقفت قائلة:

\_معلمش يا مستر مسمعتش حضرتك، كنت

بتقول أي؟.

\_كنت بقول لازم ننتبه وناخد بالننا لأن الغفلة

الي كنتي فيها دي مش هاتفيدك بحاجة بالعكس

هتقوي في وقت متأخر بعد مايكون فاتك

حاجات كتير أوي.

قالها المعلم، ما جعل الحيرة أنبلجت علي

ملاحها فحديثه كان ذو مغذي، وكعادتها

الخجولة أوأمت له بإعتذار قائلة:

\_أسفة يا مستر.

أشار إليها بالجلوس وأكمل سرده.

\_وبعد إنتهاء المحاضرة خرجت كلتيهما،

نظرت أسماء إلي شاشة هاتفها وقالت:

\_تعالني نستناهم عند محل العصير القصب الي

هناك ده، زمانهم جايين دلوقت.

أجابت روح وهي تسير بمحاذاتها:

\_أسماء أنا نفسييتي تعبانة وقلبي مقبوض.

توقفت الأخرى عن السير وألقت لها قائلة:

\_لا حول ولا قوة إلا بالله، مالك يا روح فيكي

أي؟.

صمتت لثوان حتي بدأت بالتحدث:

\_المفروض زي أي بنت رايحة تشتري حاجات  
جهازها أكون فرحانة ومبسوطة، بس أنا الي  
جوايا عكس كده.

أمتعضت ملامح صديقتها فتساءلت:

\_ليه بتقولي كده، ده إنتو وأبيه خلاص فضلكو  
أيام وتتجوزو والإمتحانات وفاضل مادتين  
الحمدلله.

أستندت روح بظهرها علي أقرب حائط لسياج  
يحاوط إحدي المزارع، فقالت:

\_كل يوم بحلم بكوابيس مليانه تعابين وديابه  
بيخنقو فيا و أفضل أصرخ لحد ما الأقي طفلة  
شبه الملائكة تمدني لي إيديها وتتجدي منهم.

أقتربت منها ورببت عليها بحنان وقالت:

\_وحي الله وأستغفري دي بالتأكيد من الشيطان  
عشان جو الإمتحانات وكمان فرحك قرب  
والشيطان موته وسمه لما أنتين يتجمعو في  
الحلال يفضل بكل الطرق يحوم حواليهم لحد ما  
يخربها ويفرقهم.

أستعازت روح بالله من الشيطان الرجيم في

قرارة نفسها و ألتقت إلي قدوم سيارة أجرة  
توقفت بالقرب منهما ثم ترجل عمرو منها قائلاً:  
\_أي الي موففكو هنا يابنات؟.

نظرت شقيقته إلي روح ثم إليه وقالت:

\_كانت مراجعة التاريخ طويلة جداً وروح تعبت  
شويه فأوقفنا هنا نستناك أنت وماما وطنط منال.

\_ طيب تعالو أدخلو العربية وأستنو عقبال ما  
 أجيب حاجة وراجع لكو.  
 قالها عمرو، فذهبت الفتاتان وولجا بداخل  
 السيارة، بينما عمرو قام بشراء عصائر وحلوي  
 كثيرة وجميعها ما تحبه وتشتهيه روح.  
 فتح باب السيارة من جهة روح وقدم لها الحقيبة  
 مبتسماً:  
 \_ عايز الشنطة دي تخلص قبل ما نوصل  
 المركز.  
 تناولتها منه بخجل قائلة:  
 \_ شكراً.  
 فقالت منال والدتها:  
 \_ تعيش وتجيب ليها يا جوز بنتي.  
 وقالت اسماء بمزاح:  
 \_ الله، الله يعني شنطة حلويات و عصاير  
 لخطيبتك وأختك الغلبانة ملهاش شيكولاتيه  
 واحده. !  
 ضربها عمرو بخفة علي مؤخرة رأسها بمزاح  
 قائلاً:  
 \_ وبالنسبة لأكياس الشيبسي والشيكولاتة  
 والبيبيسي الي بجيبهم كل يوم وأصحي ملاقيش  
 منهم حاجة، مين الي بياكلهم. !  
 \_ أعمل أي يا أبيه السهر والذاكرة بيخلوني  
 جعانة ديماً.  
 قالتها أسماء، فأجابت والدتها بضحك:

\_أصدك بيخلوكي مفعوعة ديماً.  
-وصل جميعهم إلي مركز المحافظة و هي  
مدينة كبيرة مزدحمة بالمحال والمجمعات  
التجارية الخاصة بكل لوازم و مفارش منزل  
العروس.

\_تعالى يا أم روح أوديكي عند الحاج راشد  
مجهزين من عنده بنت أختي ماشاء الله كل  
حاجته قطن من المحلة وحاجة حلوة خالص.  
قالتها ثناء فأجاب عمرو:

\_و أنا هاخذ روح عشان نحجز الكوافير  
والفستان والأستوديو.

وقبل أن يبتعد برفقة روح أمسكته والدته من يده  
قائلة وكأن كارثة سوف تحدث:

\_فستان أي يابني الي عايز تروح معاها وهي  
بتحجزه. !

نظر لوالدته متعجباً فعقبت منال بإيضاح له:  
\_مامتك أصدها يابني مينفعش تشوف فستان  
فرحها دلوقت غير لما تطلعلك وهي عروسة من  
الكوافير وإلا يبقى فال وحش.  
ضحكت أسماء قائلة:

\_فال أي ياطنط، دي كلها تخاريف متصدقيش  
الكلام ده، هو بس بيبقي مش مستحب لأن لما  
تكون مفاجاه بيبقي إحساس أحلي.  
\_بقولكو أي ولا فال ولا مفاجأة أنا هاروح  
وأختاره معاها زي ما أختارنا كل حاجة مع

بعض، ولا أي يا روح؟.  
قالها بنبرة تتخللها الرومانسية و نظراته التي  
جعلت قلبها يخفق من الخجل، فأجابت:  
\_الي تشوفه يا عمرو.  
أثني ساعده لتضع كفها الرقيق عليه وقال:  
\_يلا بينا.  
وكادت أسماء تذهب معهم لكن والدتها أوقفتها  
من ثيابها قائلة:  
\_تعالى هنا يا عزول، ماتسيبهم مع بعض يمكن  
عايز يقولها حاجة.  
زفرت أسماء بحنق، وقالت لها السيدة منال:  
\_عقبالك يا أسماء يا حبيبتى.  
-وفي متجر تأجير أثواب الزفاف تخرج روح  
من حجرة القياس مرتدية ثوباً في منتهي الرقي  
والجمال وكأنها حورية، فكان عمرو مشغولاً في  
هاتفه وعندما طلت بمظهرها الباهي رفع بصره  
إليها، أتسعت حدقتيه و غر فاهه ثم أطلق صفيراً  
كدليل علي إعجابه بأميرته الساحرة، ما زاد  
خجلها و توردت وجنتيها أكثر، همست له وهي  
تمسك بجانب الثوب:  
\_حلو الفستان ده؟.  
أقترب منها وهمس أمام وجهها:  
\_ده الفستان بقي أجمل وأنتي جواه، تبارك الله  
في جمالك يا روعي.  
وضعت كفها علي فمها من الخجل الذي لم

يفارقها، لتأتي الفتاة التي تعمل بالمتجر قاطعة  
 لأجواءهم الوردية، قائلة:  
 \_ خلاص أستقرיתי يا عروسه علي الفستان ده؟  
 أو مات لها روح وقالت:  
 \_ اه، إن شاء الله.

\_ أتفضلي غيريه عقبال ما أكتب لحضرتك  
 فاتورة بالعربون، والإستلام هيبقي يوم الفرح  
 الصبح إن شاء الله.  
 \_ وهكذا أنتهيت من حجز ثوب الزفاف ثم ذهب  
 كليهما إلي الأستوديو وبلية مركز التجميل الشهير  
 في تلك البلدة، و ذلك في أجواء فرح وسعادة  
 غمرت كل منهما، لكن ما زال قلب روح لم  
 يبرحه القلق والخوف من شئ مجهول يترقبها،  
 وربما تلك العيون التي تتبعهما علي بُعد عدة  
 أمتار، تندلع بشرار نيران حقد و كراهية وإنتقام  
 ظالم بدون وجه حق.

\_ و بعد مرور يومان، أنتهت اليوم كلا من روح  
 وأسماء من إختبار مادة التاريخ وقامت بالإجابة  
 بكل مهارة وثقة و هذا بفضل توفيق الرحمن لهما  
 ثم المعلم المُبجل الذي لن يبخل علي طلابه بعلمه  
 الواسع كمياه المحيط.

\_ الحمد لله كده خلاص فاضلنا مادة و أخيراً  
 سأنال الشهادة.

قالتها أسماء بمزاح، لكزتها روح وهي تضحك:  
 \_ ده أنتي مشكلة، خلاص هانت، يلا بقي يا

دوب أرجع البيت أخذ دش، وأتغدي وأعدي  
عليكي نروح المراجعة.

\_ لاء مش هاقدر أروح مراجعات النهارده،  
روحي أنتي وأنا هابقي أصور منك الملزمة  
وأذاكرها مع نفسي، عندي صداع فظيع  
وهفضيها نوم لحد بالليل.

قالتها أسماء، فأجابت الأخرى:

\_ بقي كده يا ندلة!، عموماً ماشي هطلع أنا  
الجدعة وأصور هالك وأعدي علي عمو عبد  
الحكيم في المحل وهاسيبيها معاه.

عانقتها أسماء وقامت بتقبيل وجنتها قائلة:

\_ ربنا يخليكي ليا يا أجمل رورو يا مرات أخويا  
يا قمر.

\_ و ف منزل السيد مصطفى، تتجمع العائلة  
حول مائدة الطعام الخشبية المستديرة (الطبلية)  
يتناولون طعام الغداء، فدلف من باب المنزل  
رامي شقيق روح الأصغر قائلاً:

\_ أي ده بتتغدو من غيري!  
أبتلعت منال ما بفمها لتتفوه:

\_ أدخل أقلع هدوم الكورة بتاعتك دي وأرميها  
في الغسيل، وخذ لك دش وتعالى الأكل مش  
هيطير.

فقلت روح:

\_ فضلت أرن عليك عشان أقولك الغدا جاهز  
وتعالى عشان تتغدي وأنت الي قافل موبايك.

أجاب رامي وهو يقف أمام حوض المياه يغسل يديه:

\_تليفوني فاصل شحن من بدري والسبب ماما  
الي عمال أتحايل عليها تدور لي علي الشاحن  
بتاعي تقولي معرفش.  
تحدث والده بتوبيخ له:

\_أمك متعرفش مكانه لأن أنا الي شيلته، وبعد  
كده لو لاقيتك سايبه في الكهربي بعد ما تخلص  
شحن موبايلك من غير ماتشيله من الفيشه  
هكسر هوك ميت حتة.

خرج من المرحاض ويجفف وجهه ويده قائلاً:  
\_والله بنسي يا بابا.

\_أومال مبيتنساش لعب الكورة والصياحه مع  
زمايلك ليه!

زفر بتأفف وضجر فقالت له روح بتحذير:  
\_رامي؛ أتلم وبطل نفخ بابا عنده حق، ضغط  
الكهربي ساعات بيعلي جامد وممكن الشاحن الي  
أنت سايبه في الفيشه ده يعمل قفله أو حريقه في  
الشقه لا قدر الله.

أجاب علي مضض:

\_ماشى، هأخذ بالي بعد كدة.  
قالها وجلس كالقرفصاء، فصاحت والدته عليه:  
\_أنت هتقعد تاكل بهدومك الي كلها تراب  
وطين!.

\_أنا جعان أوي ومش لسه هاستني.

قالها وبدأ في تناول الطعام، فنهضت روح وهي  
تنفض يديها من الخبز:

\_الحمدلله.

\_أقعدني كملّي أكلك يابنتي، هو أنتي لحقتي ده  
ربع رغيف بس الي كلتيه.

قالتها والدتها، لتردد روح وهي تضع يدها علي  
بطنها:

\_كلت وشبعت الحمدلله، ما أنتي عارفة يا ماما  
القولون تاعبني الأيام دي وبخاف أتقل في الأكل  
وأتعب زي المرة الي فاتت.

\_ما هو كله من الثانوية العامة الي ضيعتلك  
نظرك ولبستي نضارة وجبتلك القولون وأنتي  
لسه بنت ١٨ سنة.

قالتها منال، فرمقها زوجها بتحذير قائلاً:

\_جري أي يا منال!، مش هنخلص من  
الأسطوانة بتاعت كل مرة دي!

تركت قطعة الخبز التي بيدها وقالت:

\_وكان ماله الدبلوم مش أحسن من وجع القلب  
الي فيه، ما عندك بنت أخوك جمال في مصر  
خدت ليسانس آداب و في الآخر شغالة بياعة في  
محل طرح ومكياجات، نفعتها أي شهادة

الجامعة!

تركتم روح و ذهبت إلي غرفتها تاركة تلك  
المحادثة التي لا تكل ولا تمل والدتها من كلماتها  
السلبية.

\_ ملكيش دعوة مادام هي شاطرة وبتحب  
المذاكرة أنا معاها في أي حاجة وأنا مش مدخلها  
ثانوي عام عشان تدخل جامعة وتشتغل، أنا  
بخليها تتعلم لنفسها شهادة تبقى سلاح في إيديها  
وأمان، محدش عارف الزمن مخيبنا أي ولا أنا  
ضامن إن هاعيش لكو العمر كله.....  
وبالداخل كانت تبكي، فهي ليست بصدد هذا  
الحديث لاسيما ما يجول في نفسها من مشاعر  
خوف وقلق وعدم الأمان.

طرق علي باب غرفتها فقامت بتجفيف عبراتها  
علي الفور وقالت:

\_ أدخل.

ولج شقيقها قائلاً:

\_ أنتي بتعيطي!

ولت ظهرها له متصنعة ترتيب دفاترها الورقية  
قائلة بنفي:

\_ لاء، ده أنا كنت بحضر حاجتي عشان عندي  
مراجعة بعد شوية.

أقترب منها وأمسك بطرف ذقنها، يتفحص عينيها  
وبها أثر البكاء:

\_ متز عليش من كلام ماما، هي من خوفها

عليكي وكمان شايله هم إنك لما تتجوزي  
 متقدريش توفقي مابين دراستك وبيتك وجوزك.  
 ربنت علي رأسه من الخلف وقالت:  
 \_كبرت يا رامي وبقيت بتتكلم زي الكبار.  
 عقد ساعديه أمام صدره بغرور متصنع وقال:  
 \_يابنتي محسوبك لسه مخلص إعداده اه، بس  
 عارف حاجات الي في سنك لسه موصلوش ليها،  
 و ده من الخبرة والدنيا الي بتعلم الواحد.  
 ضحكت روح ورمقته بنظرة إعجاب لشخصيته  
 الناضجة برغم صغر عمره:  
 \_بس ياريت تستخدم العقل والحكمه دول في  
 الصح والي يفيدك مش يضرك.  
 \_متخافيش علي أخوكي، وسيبك مني دلوقت،  
 خلاص هاتجوزي وتسيبينا. !  
 \_ده أنا شقتي في وش بلكونة أوضتك، يعني  
 برضو يعتبر معاك ومش هاسيبكو.  
 جلس علي التخت بحزن تجلي علي ملامحه  
 وقال:  
 \_مهما كان، بس برضو هاتبعدي عننا وهيبقي  
 ليكي بيتك وحياتك، ومش هاتفضي لينا من  
 مشاغل حياتك.  
 عانقته وربنت عليه بحنان وعاطفة قائلة:  
 \_متقولش كده، عمري ما هانشغل عنكو حتي لو  
 هاسكن بعيد، أنتو أهلي و كل دنيتي، و عمرو  
 بيحبك وبيعتبرك أخوه الصغير.

أبتعد عنها قليلاً حتي يتثنى له إخراج شيئاً من  
جيب بنطاله وكان كيس من المخمل صغير ألقى  
محتواه في كف يده لتظهر سلسلة ذهبية يتوسطها  
إسم روح.

\_كنت ناوي أهديها لك يوم فرحك، لكن لاقيت  
إن النهاردة أنسب يوم أهديها لك فيها، كل سنة  
وأنتي طيبه يا روح.  
قالها وقام بوضعها حول عنقها، مما جعلها تحلق  
من فرط السعادة والفرح.

\_أنا ناسية عيد ميلادي عشان مبحبش أحتفل  
بيه، وأنت يا حبيبي الوحيد الي فاكره، ربنا ما  
يحرمني منك يا روميو.  
\_شوقتي بقي أنا أكثر واحد بيحبك حتي أكثر  
من عمرو خطيبك.

عانقته مرة أخري قائلة:  
\_ربنا ما يحرمننا من بعض أبداً.  
\_أنتبهت إلي ساعة الحائط فأنتنفضت بذعر:  
\_ياخبر أبيض شوفت الوقت سارقنا وفاضلي  
خمس دقائق علي المراجعة ولسه ملبستش.  
\_أنتهت من إرتداء ثوبها الوردي و وشاحها  
الكحلي و علقته حقيبتها الصغيرة علي ظهرها  
وقبل أن تغادر قالت بصوت منخفض أذكار  
الخروج من المنزل ويتبعها الإستغفار.  
وبعد مرور ثلاث ساعات أنتهت المحاضرة،

وفي طريقها إلي خارج مبني المركز التعليمي نظرت إلي شاشة هاتفها حيث كانت قد تركتها علي الوضع الصامت كما أمرهم المعلم، وجدت الكثير من الإتصال من عمرو و والدتها، فأجرت الإتصال بوالدتها لتطمأنها إنها قادمة ولكن سوف تذهب إلي أقرب مكتب تصوير المستندات حتي تقوم بتصوير أوراق المراجعة لصديقتها أسماء ثم تذهب لحماها وتتركها لديه.

وقبل أن تنتشغل بما ستقدم عليه تذكرت إتصال عمرو أكثر من عشر مرات فقامت بمهاتفته لكن تلقت رسالة مسجلة بأن الرقم غير متاح، عبأت صدرها بالهواء ثم أطلقتته زفيراً وهي تنظر إلي الساعة لتجدها السابعة مساءً حيث أسدل الليل سواده المعتم وأصبحت الطرقات هادئة وشبه خالية من المرة، هكذا طبيعة حال أهل القرية بعد صلاة العشاء الكل يذهب إلي منازلهم ويعم السكون وأصوات حفيف أوراق الشجر و صوت صرصور الحقل يصاحبه أصوات الضفادع المزعجة حيث ينتشرون في مجري الترعة المائية.

كانت سريعة الخُطي حتي تلحق بمكتب التصوير قبل إغلاقه، وصلت إليه وهي تلتقط أنفاسها قابلة بتهدج:

\_ السلام عليكم يا عم نصر، معلى صورلي  
الملزمة دي نسخة.

أجاب الرجل و هو يرمقها بإعتذار:  
 \_أنا آسف ياروح يابنتي والله الحبر بتاع  
 الماكينة لسه خلصان، زي ما أنتي عارفه ده  
 موسم تصوير ملازم وأوراق مراجعة  
 الإمتحانات وكان النهاردة عندي ضغط كبير  
 علي المكن لحد ما كل مخزون الحبر الي عندي  
 كله خلص، تعاليلي بكرة بعد الضهر إن شاء  
 الرحمن.

أومأت له وقالت:

\_إن شاء الله.

و ذهبت إلي طريق العودة إلي منزلها لكن  
 أستوقفها إنقطاع التيار من من أعمدة الإنارة في  
 الطريق الرئيسي، تأففت لأنها ستضطر أن تسلك  
 الطريق الآخر الذي تمقته بسبب إنتشار المنازل  
 المهجورة القديمة وهيئتها المرعبة في الليل.  
 أخذت تردد آيات الله لاسيما آية الكرسي، و  
 تتحاشي النظر إلي تلك المباني المُخيفة، مهلاً هل  
 سمعت للتو صوت خطوات تتبعها! !

ألقتت خلفها لم تري شيئاً ، تردد الصوت مرة  
 أخري فوقفت لتلثقت مرة ثانية فأنتفضت بفزع  
 عندما قفزت قطة سوداء من إحدي النوافذ

المفتوحة من منزل مهجور، حينها صرخت روح  
 وأستعادت بالله في نفسها، و بمجرد أن أستدارت  
 إلي وجهتها أستدمت بأخر شخص تتمني رؤيته،

وكادت تصرخ لكنه أسرع بوضع كفه علي فمها  
قائلاً بتهديد:

\_أي خافه؟\_

هزت رأسها وهي تحاول إبعاد يده عن فمها لكنه  
أمسك كفيها الرقيقين معاً و دفعها إلي جدار من  
الطوب اللبن ومازال يكلمها فاهاً:

\_كنتي فاكراني بهزر ولا بهرتل بأبي كلام لما

كنت بهددك المرة الي فاتت، لاء يا روح، ده

مش أنا، مش راجح الأنصاري الي تيجي علي

آخر الزمن حتة بت ملهاش لازمة زيك تعلم

عليه، أنا الي بقول للبنات لاء، وعمري ما واحدة

فيهم قالتلي لاء، أنا الي بقول سمعاني؟\_

كانت تصدر همهمات لم يفهمها وعينيها تملأها

دموع الخوف والتوسل، فأردف بعد أن ترك يدها

وأخرج من خلف ظهره مُدِيَة حادة وضعها لذي

نحرها:

\_أنا هاشيل أيدي بس و حياة أمي لو صوتي أو

عملتي حركة كده ولا كده هتلاقي المطواه الحلوة

دي بتشكك نصين، ها؟

أومأت له بهممة، فسحب يده وبدأت بالتحدث

بصوت مختنق بالبكاء:

\_أنت عايز مني أي دلوقت! ، هو الجواز

بالعافية، أنا رفضتك عشان مبحكش، ترضي حد

يغصبك علي حاجة وتعملها؟\_

أصدر صوتاً مقبياً وقال:

\_و أنا ما اتحبش ليه يابت! ، ناقص إيد ولا  
رجل! ، معايا فلوس تشتري عيلتك وعيلة  
الحيوان المخطوبة ليه.

أجابت وهي تنظر إلي المُدية الموضوعه علي  
نحرها بحذر و خوف:

\_مش كل حاجة الفلوس يا راجح، أنا رفضتك  
بسبب أخلاقك الزفت مبتحترمش حد ومقضيها  
صياغة وبلطجة ده غير الأرف الي بتشربه ولا  
ثانويه عامة الي كل شويه تسقط فيها والي أدك  
خلصو جيش وبيشتغلو وبيكسبو بعرق جبينهم  
مش زيك عايش علي فلوس أبوك.

ضرب الجدار بقبضته وقال من بين أسنانه:

\_ما هو لو كنتي وافقتي عليا كنت بطلت علي  
أيديكي، وأديني جتلك دلوقت بقولها لك لآخر  
مرة يا روح، سيبك من الي مايتسمى ده وتعالى  
نتجوز وهخليكي ملكة، هخلي أبويا بيني لينا بيت  
كبير في المدينة نعيش فيه بعيد عن الكفر و العالم  
المعفنه الي هنا.

أبعد السلاح عنها وأخفضه:

\_ها قولتي أي؟ ، كلمة واحدة بس هتخليني خاتم  
في صباeck.

قالها وعينيه ذات النظرات المخيفة تحدق بها عن  
كثب وبترقب شديد، بينما هي كانت كالتى وقعت  
بين شقي الرُحي لاتعلم ماذا سيفعل بها إذا قالت

له لا.

صراع الأنفاس يحدثم و هي كالفريسة بين يدي  
صيادها، قاطع الأجواء رنين هاتفه، ضيق عينيه  
بضجر، أخرج هاتفه ولم تبرحها نظراته.  
لمحت أسفل قدميها قطعة صخرية صلدة، فكانت  
فرصتها عندما نظر إلي شاشة هاتفه لتسرع  
بالإمساك بها و ضربها في رأسه و همت  
بالركض لكن الحظ لم يحالفها حيث تعثرت في  
قالب طوب محطم، والآخر يصرخ عليها بزئير  
جعل جسدها يرتجف، يلق عليها أفضع السباب  
والشتائم ولم يكتف بذلك بل قام بجذبها من قدميها  
وهي تقاومه لكن فرق القوة الجسدية بينهما كانت  
الغلبة له.

سحل جسدها إلي داخل المنزل المهجور وأستعان  
بإضاءة مصباح هاتفه وألقاه جانباً ، ليجتو عليها  
وأخذ يلقنها العديد من الصفعات وجذب حجابها  
بعنف وإنزاعه بطريقة وحشية تحت توسلاتها  
ومقاومتها التي بدأت تضعف رويداً رويداً.  
\_ عايزك لما تفوعي تفتكري كل الي هيحصلك  
دلوقت، وبالمناسبة.

نظر إلي هاتفها الذي يظهر من جيب ثوبها،  
فأخذه و ملامح الشر مُنبلجة علي وجهه الكريه  
كأنه الشيطان ذاته بل تفوق عليه.  
\_ مش هانسي أصور اللحظات دي صوت  
وصوره عشان أبعثها لعريس الغفلة يتفرج علي

حرمه المصون وأنا...  
صمت و رمقها بنظرة إشتهاء ذئب لفريسته التي  
خارت قواها وكانت في حالة يرثي لها ما بين  
اليقظة وفقدان الوعي، وآخر ما تدركه هو صوت  
إنتزاع ثوبها.

---

### الفصل الثالث

-دعاء الكروان يتردد في سماء الليل الحالك  
ونجوم علي بُعد ملايين الأميال، وبرغم السكون  
والهدوء الذي يعم المكان، أستيقظت السيدة منال  
من نومها بعد أن شعرت بوخزة في قلبها نظرت  
إلي ساعة الحائط لتجدها قد تجاوزت الثامنة،  
نهضت لتذهب إلي غرفة إبنتها وتطمأن عليها  
لكن مضجعاها الشاغر والفراش المرتبة تدل على  
إنها لم تعود حتي هذا الوقت.

ذهبت إلي غرفة إبنها، فوجدته يغط في النوم،  
جلست بجواره و لكزته بخفة قائلة:

\_وادي رامي، أصحي يا بني.

همهم رامي بتذمر، فقالت والدته:

\_أصحي أتصلي علي أختك أطمئن عليها  
المفروض تكون هنا سبعة والساعة عدت تمانية،  
وأنا رصيدي خلص من إمبراح.

أجاب عليها بصوت ناعس وهو يضع الوسادة  
علي رأسه:

\_الموبايل عندك علي الكومودينو.

لكزته في ظهره مرده بإمتعاض:

\_ما تقوم وتسمع الكلام يا واد، ما أنت عارف  
أنا مبعرفش في المخروب بتاعك ده، أخري  
المحمول الي معايا أبو زراير.

ألقي بالوسادة بتأفف:

\_أستغفر الله العظيم.

جذب هاتفه من فوق الكومود وأجري الإتصال  
بشقيقته، فتلق رسالة مسجلة غير متاح وربما  
يكون مغلق.

\_تليفونها يا مفبهوش شبكة يا شكلها قفلاه  
ونسيت تفتحه، متخافيش زمانها جاية وهاتخبط  
علي الباب دلوقت.

نهضت والغضب يتملكها قائلة:

\_ماشني يا رامي، ورحمة أمي ما في جنيه  
هتاخده مني بكرة.

وقبل أن تتحرك نهض و وقف أمامها بتوسل  
مصتنع:

\_خلاص حقك عليا ياست الكل، أنا كنت وربنا  
تعبان وجسمي مهود و ماصدقت أعرف أنام.

ضربته بخفة في صدره قائلة بعتاب:

\_وجاي لك نوم لما بقولك أختك بقالها ساعة  
متأخرة و لاقيت موبايلها مقفول.  
تنهد وقال:

\_طيب ما أتصلك بأسماء بالتأكيد معاها.  
أجري الإتصال وانتظر حتي أجابت أسماء  
بصوت يسيطر عليه النعاس:

\_الو.

أعطي هاتفه لوالدته هامساً:

\_ردت.

تناولت منال الهاتف وأجابت:

\_ الو يا أسماء، أنا خالتك أم روح، هي معاكي  
ولا لسه مخلصتوش؟.

أجابت الأخرى بعد أن تثأبت:

\_ أنا مروحتش المراجعة ياطنط، وقولتلها لما  
تخلص تصوري لي الملزمة وهي راجعة،  
فممكن هتلاقبها أتأخرت بسبب التصوير، أول ما  
ترجع طمنيني عليها.

\_ ماشي يا حبيبتي، أبقى سلميلي علي ماما وبابا  
وأخوكي، وأنا أول ما ترجع إن شاء الله بالسلامة  
هخليها تكلمك، مع السلامة.

-وصل إلي منزله و تسحب علي أطراف قدميه  
حتي وصل إلي غرفته، و دلف إلي الداخل وهو  
يزفر بأريحية لكن سرعان ماتبددت تلك الراحة  
إلي الفرع عندما كاد يضغط علي زر الإضاءة و  
وجد والدته تجلس علي الكرسي ترمقه بحده  
قائلة:

\_ داخل تتسحب زي الحراميه كده ليه؟، طبعاً  
زي عادتك تلاقبك عامل مصيبة وخايف أبوك  
يقفشك.

رد عليها بحنق وحده:

\_ هي دي حمدالله علي سلامتك يابني!  
نهضت وأقتربت منه وضغطت علي زر  
الإضاءة وكادت تتحدث لكن شهقت عندما رأت  
جرح رأسه وثيابه الملطخة بالتراب:

\_ مين الي عمل فيك كده؟.

ولي لها ظهره، يتهرب من النظر في عينيها  
مجيباً:

\_ دي خناقة ما بين أصحابي وبين شوية عيال  
كده ملهمش لازمة.

وضعت يديها في خصرها و بتهمك قالت:

\_ وطبعاً عملتلي فيها عبده موتة وصاحب  
صاحبه ودخلت الخناقة، بُص بقي عشان أنا جبت  
أخري منك، أقسم بالله يا راجح لو مبطلتنش  
الأرف الي عايش فيه ده لهقول لأبوك علي كل  
مصاييك وبلاويك الي صهينت عليها، وأبقي  
ساعتها يا حيلتها أبقي أنزل زي الرجالة وأشتغل.  
صاح بتمرد وهو يشيح بيديه في وجهها:  
\_ يوه، هو أنا مش هاخلص من أم الأسطوانة  
بتاعتك دي، قولتلك أنا حر و راجل أعمل الي أنا  
عايزه.

\_ لاء يا روح أبوك مش حر طالما بتضر نفسك  
وهتضرنا معاك، يعني تسوي أي لما الولية الي  
أسمها منال ديك النهار تيجي تهددني وتدعي  
علينا في قلب بيتي بسببك، تبقي عايزني أعملك  
أي.!

أنبلجت إبتسامة وقحة علي ملامحه فقال:

\_ أطمني، عمرها ما هتعمل كده تاني، ده يمكن  
تلاقيها جايه لك الصبح تبوس رجلك عشان  
تسامحيتها.

قالها ونهض متجهاً نحو المرحاض المجاور لغرفته، فأوقفته والدته، تجذبه من زراعته:  
\_أصدك أي بالي قولته ده يا ولاه؟.

مازالت الإبتسامة علي وجهه القبيح، فأجاب:  
\_هاتعرفي كل حاجة، بس عايزك تعرفي إن  
إبنك مفيش قوة في الدنيا تقدر تمنعه لو عايز  
يعمل الي في دماغه، و أدي أخرة الي يتحدي  
راجح الأنصاري.

-الظلام دامس في الأرجاء لكن هناك بصيص  
من شعاع القمر يتسلل فتحة سقف المنزل القابل  
للسقوط في أي وقت، و هنا في نقطة تلاقي  
الشعاع علي الأرض يتمدد جسدها بوهن، بدأت  
في الإستيقاظ والألم يسري في كل أنحاء جسدها  
لاسيما ألم رأسها، تشعر بخدر وجنتيها من كثرة  
ما تلقت من الصفعات، رفعت يدها بصعوبة  
تتحسس وجهها ثم إلي خصلاتها المبعثرة لتعود  
إليها الذاكرة، وكأن صعقتها الكهرباء حيث  
أنتفضت ونهضت بجذعها لتجد ثوبها ممزق من  
الأمام وساقبها عاريتان، شهقت ببكاء ونحيب،  
تجمع بقايا أشلاء ثوبها لتغطي به ساقبها، تلفتت  
ببصرها من حولها تبحث عن وشاحها حتي رآته  
مُلقي بعشوائية بجوارها، فأخذته وقامت بنفسه  
من الغبار ثم شرعت بإرتدائه.

نهضت بصعوبة والدموع لم تفارقها وصوت  
أنين يذبح القلوب من الألم، تبحث مرة أخرى عن

شيئاً ما حتي وقعت عينيها علي هاتف ظنت إنه  
 خاصتها فأنحنت بوهن وألقتته وقبل أن تغادر  
 لفت أنتباهها بريقاً لتجد مصدره السلسلة التي  
 أهداها إياها شقيقها الصغير، أخذتها و غادرت  
 وهي تجر سيلاً من الأوجاع والآلام، تسير بترنج  
 من شدة الألم الذي تشعر به من أثر الإعتداء  
 المتوحش، تدعو بداخلها أن ما حدث لن يكن  
 سوي كابوساً أو أضغاث أحلام مُزعجة لكن  
 عندما أنتابتها قشعريرة جعلتها تحتضن جسدها  
 بزراعيها وكأنها تعانق ذاتها.

غادرت هذا المنزل المشؤم، و سارت نحو  
 الطريق تتمني أن لاتري أي مخلوق حتي لا  
 يفتضح أمرها من هيئتها المُرزية، مع كل خطوة  
 تمزق في القلب و عبرات تذرفها عيون يملؤها  
 الإنكسار والهزيمة، لقد أصبحت روح فقط، روح  
 بلا جسد. !

-يفتح باب المنزل و في يده هاتفه ينظر إلي  
 الشاشة مُنتظراً إجابتها، ويده الأخرى يحمل  
 حقيبة هدايا.

وقبل أن يدخل في غرفته وجد شقيقته تخرج من  
 غرفتها تقول:

\_\_ حمدالله علي السلامة يا أبيه.

وضع هاتفه في جيبه بسأم وأجاب عليها:  
 \_\_ الله يسلمك، هي روح كانت معاكى النهاردة؟.

أجابت والتردد ينبثق علي ملامحها خاصة  
نظرات عينيها:

\_ كنا مع بعض بعد الإمتحان وقالتلي إنها  
هاتروح المراجعة وأنا مقدرتش أروح معاها  
عشان كنت مطبقه ومنمتش و....

صمتت عندما أستشعرت من نظراته وحواسه إنه  
ينتظر إجابة أخري، فقال لها:

\_ روح مبتردش من الصبح لحد ما قفلته بقالها  
يجي ساعه أو أكثر، هي زعلانة مني أو فيه  
حاجه حصلت؟.

\_ أنا معرفش حاجة، بس طنط منال لسه  
مكلماني وبتسألني عنها.  
عقد حاجبيه وقال:

\_ هو المفروض المراجعة تخلص الساعة كام؟  
\_ الساعة سابعة، أصلي طلبت منها تصورلي  
الملزمة بعد ما تخلص فممكن ده آخرها لحد  
دلوقت.

زفر بضيق ونظر إلي ساعة يده ثم قال:  
\_ يارب ميكونوش نامو.  
أوقفته شقيقته قائلة:

\_ أنت رايح لها؟.

\_ اه، لو ماما صحيت وسألت عليا قوليلها رايح  
أقعد معاها شوية وراجع ثاني.  
\_ و في منزل عائلة روح تجول والدتها الردهة  
ذهاباً وإياباً، تردد بتوسل:

\_ جيب العواقب سليمة يارب، رجعهالي  
بالسلامة يارب.

خرج رامي من غرفته يرتدي سترة قطنية قائلاً:  
\_ إهدي يا ماما ومتخافيش كده، أنا رايح لها عند  
السنتر الي كانت بتاخذ فيه المراجعة وفي طريقي  
هادور عليها.

\_ هي عيلة صغيرة يابني! ، دي إسم الله عليها  
عروسة، أنا خايفة بس ليكون.....  
صممت وهي تتذكر تعرض راجح لإبنتها، وأكبر  
ما تخشاه أنه يكون سبب تأخرها ربما أقترف بها  
مكروهاً.

نظر لها رامي بترقب وقال:

\_ هو فيه حاجة يا ماما؟.

نظرت له بصمت ليقاطعه صوت فتح باب  
المنزل

\_ أهى ج....

قالها رامي وقاطعه ولوج والده بعكس ماتوقع  
عودة شقيقته

نظر السيد مصطفى إليهما وقال:

\_ مالكم أول ما دخلت مبلمين كده، خير؟.

أجاب رامي:

\_ أصل روح لسه مرجعتش لحد دلوقت.

\_ إزاي؟.

صاح بها والده بغضب، لكن دخول روح من

الباب الذي كان غير مَقْفَل، و مظهرها المُرزي  
وثوبها الممزق والمُتسخ و دموعها المنسدلة جعل  
ثلاثتهم وكأن الطير حطت علي رؤوسهم، وقبل  
أن يتقوه إحداهم لها بحرف أسرعت إلي داخل  
غرفتها وأوصدت الباب من الداخل بالمفتاح.

ركض ثلاثتهم يطرقون الباب  
\_روح، أفتحي يابنتي أي الي حصلك وبهدلك  
كده يابنتي؟.

قالتها والدتها وتدعو الله في قلبها أن يخيب ظنها  
وحدسها

\_أفتحي ياروح يابنتي، إحنا مش هناذيكي يا  
قلب أبوكي، طمنينا عليك يا حبيبتي.  
قالها والدها وبداخله وجع يمزق قلبه، يتمني ما  
أستشفه من مظهرها أن يكون مجرد وهم.  
بينما رامي أبعد وهو يحاول إستيعاب ما رآه  
للتو.

أوقف وصلة توسلاتهم لإبنتهم رنين جرس  
المنزل برغم إن الباب مفتوحاً، أوجدوا الزائر  
آخر شخص تمنو وجوده في هذا التوقيت.

أستقبله السيد مصطفى قائلاً:

\_أهلاً يا عمرو يابني، أتفضل.

أجاب عمرو مبتسماً:

\_أسف يا عمي علي الإزعاج لو كنت جيت في  
وقت مش مناسب ومتأخر، بس كنت حابب أظن  
علي روح وأديها هدية عيد ميلادها بنفسي.

أشار له مصطفى بعد تردد بالدخول:  
\_ مفيش إزعاج ولا حاجة، أنا لسه راجع من بره  
كان عندي ورديه زيادة.

خلع عمرو نعليه بالخارج ثم دلف إلي ردهة  
إستقبال الضيوف وجلس.

جلس حماه مقابله ولكي يلهيه عن أجواءهم قال:  
\_ عامل أي يابني في شغلك؟.

\_ الحمدلله تمام، مفيش شغل من غير راحة، بس  
لازم الواحد مننا يعمل الي عليه، كمان داخلين  
علي فرح ومسئولية.

\_ ربنا يقويك ويعينك، ويعدي أيامكو علي خير.  
-ولدي روح بداخل غرفتها ما زالت تبكي،  
تشعر ما تذرفه عينيها ليست بدموع بل دماء.  
وأمام باب غرفتها تهمس والدتها حتي لا يصل  
صوتها إلي الذي يجلس في الخارج

\_ أفتحي يابنتي أبوس إيديكي، خطيبك بره شكله  
جاي يطمن عليكي.

أخترقت أذنيها كلمة (خطيبك)، كيف وماذا  
ستخبره؟ ، و ما الذي ستقوله؟.  
هل ستخبره بأن هناك من أقتنص غصباً وإقتداراً

شرف من ستصبح زوجتك بعد أيام! ، أم ستقول  
أنه سيصبح حديث أهل القرية وربما القري  
المجاورة!، أصابتها الذاكرة للتو وهي تسترجع  
ما قاله لها هذا الوغد عندما أخبرها سيسجل  
واقعة إعتدائه عليها بالصوت والصورة ليرسله  
إلي خطيبها.

أنتفضت من مكوثها ويدها تمتد نحو الهاتف الذي  
ظنته خاصتها، فوجدته هاتف ذلك اللعين، ألقته  
وكأنه شيئاً مقرزاً وألقت فوقه الغطاء، نهضت  
بنقل تتحمل علي الآمها وذهبت تفتح الباب إلي  
والدتها التي دلفت علي الفور فأرتمت الأخرى  
بين زراعيها وأخذت تبكي و تردد:

— أنا ضعت يا ماما.

أخذت تكرر ها فعانقتها والدتها بقوة لتمنعها من  
البكاء وترديد ما تقوله حتي لا يصل صوتها إلي  
الخارج

— كفاية يا روح، كفاية يابنتي، خلاص.  
صاحت بأخر كلمة وهي تعنفها وتهز جسدها بل  
وهوت علي وجهها بصفعة لإسكاتها، فتوقفت  
الأخرى عن البكاء والنحيب و رمقت والدتها  
بنظرة تبكي لها السماء دماءً، نظرة تخبرها أن  
إبنتك قد أنكسرت وماتت من داخلها.

لم تجد السيدة منال سوي جذبها إلي صدرها  
وتربت عليها قائلة بدموع أم فؤادها مُنْفطر:  
— حقك عليا يا ضنايا، حقك عليا يا نور عيني.

وبالخارج قد مل عمرو من إنتظارها وخاصة  
بعدما أخبره حماه بأنه علم من زوجته إن إبنته  
عادت من الخارج تشعر بالتعب والإرهاق.  
نهض وقال:

\_ عن إذذك بقي يا عمي وهابقي أجيلها بكرة إن  
شاء الله نحتفل بعيد ميلادها.  
\_ البيت بيتك يا بني، تشرف في أي وقت، أبقى  
سلملي علي الحاج والحاجة.  
\_ يوصل إن شاء الله.

قالها وذهب نحو باب المنزل إستعداداً للمغادرة  
ثم ألتفت قبل أن يفتح الباب وقال:  
\_ معلش يا عمي، أتفضل حضرتك أبقى أدي  
الهدية البسيطة دي لروح لما تصحي.  
ربت مصطفى علي زراعه بإبتسامة عكس الألم  
الذي يشعر به من مصير إبنته  
\_ ربنا مايحرمها منك يا بني.

وبعد تبادل السلام غادر عمرو، ليتجه مصطفى  
إلي غرفة إبنته وقبل أن يطرق الباب وجد رامي  
ولده يقف متمسراً في مكانه وعينيه تشتعل من  
الغضب ليعلم سبب هذا عندما وصل إلي سمعه  
صوت إبنته وهي تبكي بحرقة وتقول:

\_ راجح الأنصاري خدني غصب عني في بيت  
مهجور ونزل فيا ضرب لحد ما أغمي عليا  
وأغتصبني يا ماما!

-أخذت تصفع صدغيها وتصيح:

\_يالهوي، يالهوي، يالهوي، أغتصبتها،  
يخربيتك يا ناهد، إبنك ضاع يا ناهد.

صاح هذا البغيض في وجهها قائلاً:

\_ماتهدي ياماه، هو أنا بقولك قتلتها! ، أنا علمت  
عليها هي والكلب بتاعها الي هتتجوزو، يبقي  
يوريني إزاي هيتجوزها بعد ما علمتو عليها.  
\_أي ياض الجبروت الي أنت فيه ده! ، أنت  
مستهون بالي عملته! ، ضيعت شرف البت  
المسكينة وكمان بتتباهي بوساختك! !

رفع زواية شفثيه بتهمك وقال:

\_مسكينة! ، الله يرحم لما كنتي بتقطعي في  
فروتها، و علي يدك كنت ومازالت لحد ما قبل  
أعمل عملتي فيها كنت رايدها في الحلال، لكن  
هي الي رفضتني وراحت لحتة الواد المعفن الي  
آخره يشتغل صبي عند أبويا في الهايير بتاعه.  
لكمته في صدره وقالت:

\_أنا مكنتش طيقاها ولا طايقه أمها بس عمري  
ما أتمنيت ليها حاجة زي كده، أنا عندي بنت و  
الدنيا دواره، مخوفتش لتتردلك فيا ولا في أختك؟

صاح بغضب:

\_ده الي يفكر يبص لأختي أدبحة ولو نايم في  
حضن أمه.

\_يالهوي يا ناهد علي الي هيجرالك من تحت  
راس إبنك الصايغ الفاجر، بكرة البلد كلها هتتقلب

عليك و علي أبوك و علينا كلنا، وياخوفي لو منال  
ومصطفي خدو بنتهم و قدمو فيك بلاغ، ده تبقي  
مصيبة.

ضحك بسخرية و عنجهية قال:

\_ يبلغو عشان بنتهم تتفضح في كل مكان،  
متقلقيش مش هيقدرو ه يخافو علي سمعة بنتهم،  
و أظن بعد الي حصل مش هيعتبو خطوة بره  
بيتهم سواء هم ولا جيران الهنا.  
أتسعت عينيها ووقفت أمامه:

\_ ناوي تعمل أي تاني يا ابن ال.....

أنتبه لنبرتها الجادة والغاضبة فقال بتأفف:

\_ بقولك أي أنا تعبان وعايز أخدلي دش و أنام،  
يلا أطلعي برة و خدي الباب في إيدك.

رمرتة بنظرات حادة وقاتله فقالت قبل أن تغادر:

\_ ربنا يبعد عنك شيطانك يا ابن بطني.

و بعد أن غادرت نهض مسرعاً ليمسك بالهاتف  
و بعد أن تفاجئ إنه ليس بهاتفه بل هاتفها و تذكر  
إن الواقعه سُجلت عليه صوت و صورة و أرسل  
نسخة منها إلي هاتفه قبل أن يفقده.

ضغط علي جهاز توزيع الأنترنت ثم نقر في  
الهاتف علي الرقم السري الخاص بجهازه حتي  
أصبح الهاتف متصل بشبكة الإنترنت، نقر علي  
علامة برنامج الدردشة الشهير و السرور يملأ  
محياه عندما وجد آخر دردشة تعود إلي عمرو  
فقام بفتحها و ضغط إرسال فيديو، فأختار مقطع

الحادثة الآثمة، وأرفق بأسفله رسالة نصية  
 (أنا بوظتهالك عشان ولا تنفحك ولا تنفع لغيرك  
 يا عريس الغفل)  
 ضغط إرسال.

بعد أن عاد إلي منزله، مكث في غرفته لينعم  
 بهدوء وراحة بعد شقاء عمل طوال النهار، يفكر  
 في أيامه القادمة والتي يتحمل من أجلها أي تعب  
 فكله يهون في سبيل إمتلاك روحه بعد أن تصبح  
 زوجته.

أمسك بالهاتف وكعادته كل ليلة قبل النوم يفتح  
 الملف الممتلأ بصورها وضحكتها الخجولة التي  
 يعشقها، تنهد بحرارة وقال:

هانت يا روحي، كلها أيام و تبقي في حضني  
 الي مش هاتفارقيه أبداً.

أراد أن يرسل لها كلمات بمناسبة عيد مولدها مع  
 بعض كلمات الحب والغزل العفيف، ضغط علي  
 تفعيل خدمة الإنترنت من شبكة هاتفه وبمجرد أن  
 أتصل بالإنترنت، صدح رنين رسالة وارده و  
 إسمها يعلوها، كانت الإبتسامة تكسو ملامحه.  
 فتح محتوى الرسالة وجدها فيديو مُرسل أنتظر  
 حتي أأكمل التحميل علي هاتفه وقبل أن يضغط  
 لفتحه قرأ الرسالة النصية

(أنا بوظتهالك عشان ولا تنفحك ولا تنفع لغيرك  
 يا عريس الغفلة )

أنتفض وكان ثعبان قام بللدغه، فتح الفيديو ليري

محتواه، ضغط علي وضع التكبير حتي يري من  
تلك الفتاة ضحية هذا المغتصب الفاجر ليجدها  
هي. !

---

## الفصل الرابع

-صفعات يتبعها صرخات ومقاومة من إيادي  
يتملك منها الوهن، يقابلها صياح شيطان لا  
يعرف الرحمة يعتدي عليها بكل وحشية،  
كإنقضاض الضباع علي غزاة شاردة في وسط  
غابة مُعتمة.

هكذا كانت تفاصيل الكابوس المُخيف الملازم لها  
منذ الحادث، تستيقظ علي صرخة دوي صداها  
في جدران المنزل، ركضت علي إثرها والدتها  
لتطمأن عليها وتأخذها بين زراعيها، تمسد علي  
ظهرها وخصلاتها قائلة:

\_ أعودب بالله من الشيطان الرجيم، إهدي يا  
حبيبتي ده كابوس وراح لحاله، متخافيش.

وأخذت تتلو عليها آية الكرسي وسورة الإخلاص  
والمعوذتين حتي هدأت وبدأت رجفة جسدها في  
السكون.

\_ أومي يا ضنايا، أومي تعالي أغسلك وشك  
وهاروح أحضرلك هدموم عقبال ماتخدليك دش  
أكون حضرترك الفطار.

أجابت روح بصوت يخرج بصعوبة:

\_ مش عايزة أكل.

\_ مينفعش يا عين أمك، أنتي علي لحم بطنك من  
إمبارح، ولما لاقيتك روحتي في النوم قولت  
أسيبك براحتك يمكن ترتاحي.

بدأت الأخرى في وصلة بكاء جديدة بصوت

مبحوح:

\_أرتاح!، فين الراحة يا ماما، ما خلاص،

خلاص.

عانقتها منال بقوة وقالت بحزم:

\_أقسم بالله لنجيبك حقك وأفضحه وأفضح أهله،  
كفاية بقي بكاء يابنتي، أومي أعلمي الي قولتلك  
عليه وأتوضي وصلي، عايزه أشوف روح بنتي  
القوية.

أنسحبت روح من حضن والدتها ونظرت لها  
بعينيها الدامعتين ونظرات قلة حيلة وإنكسار.  
نهضت منال وهي تكبت عبراتها، لاتريد البكاء  
أمامها حتي لاتزيدها حزناً وهماً، وقبل أن تغادر  
الغرفة قامت بتشغيل المذياع علي إذاعة القرآن  
الكريم، وفتحت جزء من النافذة الخشبية لتسمح  
بأشعة الشمس الساطعة بالدخول وتجديد هواء  
الغرفة ثم ذهبت.

\_يلا يابني أخرج، الفطار هيبيرد، أنا عملاك

الطعمية السخنة أم سمس الي أنت بتحباها.

قالتها ثناء والدته، فأجابت أسماء عليها بعد أن

خرجت من المرحاض تجفف وجهها من الماء:

\_سببه يا ماما، أبيه لسه نايم من شوية، وسألته

لو عايز حاجة قالي محدش يصيحنى.

عقدت حاجبيها بتعجب وقالت:

\_ غريبة، أخوكي عمره ما سهر للفجر، ده بينام  
ويصحي يصليه وينام له شويه ويصحي يفطر  
ويروح علي شغله.

\_ مش عارفة بقي يا ماما، هو إمبارح راح  
أطمن علي روح وقعد عندهم شويه ورجع دخل  
علي أوضته، فضلت أخطب عليه عشان اطمن  
عليها منه بس مردش عليا.

\_ ليكونو يابت متخانقين؟، ولا حصل حاجة؟،  
لاء كده بيبقي فيه حاجة، أنا هادخل أصحيه  
وأعرف فيه أي.

وقبل أن تدلف إلي غرفة ابنها سألتها:  
\_ يطمن علي روح ليه هي جرالها حاجة بعد  
الشر؟.

أجابتها الأخرى:

\_ أتأخرت في الدرس إمبارح ومكنتش بتترد علي  
أبيه ولا مامتها وتليفونها فصل بعدها ولما آبيه  
جه من برة راح اطمن عليها وشوية ورجع كان  
متضايق ودخل اوضته وقفل علي نفسه.

\_ طيب أنا داخله له، وأنتي روحي علقي علي  
براد الشاي لأبوكي.

دلفت ثناء بهدوء إلي الداخل، وبمجرد دخولها  
أستنشقت رائحة دخان سجائر والمنفضة علي  
الكومود ممثلة بأعقاب السجائر، شهقت واضعه  
كفها علي صدرها:

\_ رجعت للسجاير تاني!، عملت فيك بنت منال  
 عشان ترجع تدخن بعد ما بطلتها بفالك سنتين.  
 فتحت النواذ وقامت بتشغيل المروحة لتطرد تلك  
 الرائحة النفاذة، ثم أخذت تربت علي كتفه:  
 \_ أصحي يا عمرو، يلا عشان تفطر وتلحق

تروح شغلك.

تقلب بتأفف قائلاً بصوت يغلبه النعاس:

\_ سبيني أنام يا أمي، مش رايح الشغل.

ردت بإصرار وإلحاح:

\_ طيب أوم قولني مالك، حصل حاجه ما بينك

وبين روح إمبراح؟.

وحين ذكرت إسمها لتضعفه ذاكرته بما جعل  
 النوم يجافيه طوال الليل، وقد جن جنونه بدون  
 سابق إنذار، نهض كالثور في عنفوانه:

\_ مفيش حاجة، وسبوني في حالي بقي، محدش  
 يكلمني ولا عايز أشوف حد.

هرعت والدته بذعر وأتجهت إلي الخارج من  
 صياح نجلها و غضبه الذي ثار كالعاصفة  
 الهوجاء، أخذ يلقي كل شيء في الحائط و علي  
 الأرض، مما أفرعهم جميعاً ، و ذهبوا ليروا ما  
 حل به وما أن خطت أقدامهم باب الغرفة، صفقه  
 في وجوههم.

صاحت ثناء غاضبة:

\_ بقي كده يا عمرو! ، والله لهروح لها بنفسي  
 وأشوف أي الي خلاك زي المجنون كده علينا.

رد عليها زوجها السيد عبد الحكيم:  
 \_ سببه يا ثناء، لما هيهدي هيجي يحكيك كل  
 حاجه.

\_ أنت مشوفتش منظره كان عامل إزاي، ده مش  
 عمرو إبني، مليون في الميه البت وأهلها عملو  
 فيه حاجه ولا نكدو عليه.  
 قالت أسماء:

\_ خليكي يا ماما، وأنا هاروح لروح وأشوف أي  
 الحكاية، وإن شاء الله خير.

\_ و بالقرب من منزل حامد الأنصاري يسير  
 رامي شقيق روح وبرففته مجموعة من أصدقائه،  
 متجهين نحو راجح الذي يقف أمام منزله يقهقه  
 مع أصدقائه.

كانت نظرات رامي تنذر بالشر يمسك بيده عصا  
 غليظة، وقف هو وأصدقائه وصاح بغضب:  
 \_ راجح يا أنصاري.

أنتبه له الآخر وأجاب بسخرية وإستهزاء:  
 \_ أي ده هو الكتكوت طلع من البيضة يا جدعان  
 وبقي يمسك شوما!

قهقه أصدقاء راجح ما أثار غضب الآخر فصاح  
 وهو يرفع العصا لأعلي:

\_ لاء بقي دكر وأرجل منك يا ابن ال.....  
 وهبط بكل قوته علي رأس راجح لكن الثاني  
 تفادها، وبدأت مشاجرة بين الشباب من الطرفين.

تجمع من حولهم أهل القرية وخرجت ناهد تصيح  
بعويل:

\_إبناي يا ولاد ال..... أبعدو عنه.

ألتفت لها نجلها وهو يصيح بها:

\_خشي جوه يا ماه، دول شوية عيال توتو وأنا

هاربيهم.

وما أنتهي من كلماته فتلقى ضربة أصابت

زراعه من عصا رامي.

\_التوتو ده يلاه الي زيك يا و..... يا حقير.

أخرج راجح من خلف بنطاله مُدية قائلاً:

\_طب تعالالي يا حيلتها وربنا لأعلم عليك أنت

كمان.

ظل رامي يتفادي الضربات الموجهة له حتي

أصابه خدش في زراعته.

\_وفي منزل روح، أنتهت السيدة منال من إعداد

الفرط وأخذت تتنادي علي أبنائها، ثم ذهبت إلي

غرفة كلا منهما، فوجدت روح تقيم فرضها

وأنين بكاءها وصل لسمعها فنظرت نحوها بأسى

وحزن علي حال إبنتها، ذهبت إلي غرفة رامي

فوجدته غير موجود وكادت تتاديه ليقاطعها رنين

جرس المنزل.

\_وأي الي خرجه بدري كده الواد ده.

ظنت هو الطارق، فتحت الباب لتجدها أسماء:

\_صباح الخير يا طنط، روح صاحية؟.

ردت منال بإبتسامة مصتنعة تخبأ ما يكسوهم من

الحزن والهم:

\_ صباح النور، أدخليلها هي بتصلي في  
أوضتها.

ولجت أسماء إلي الداخل وأتجهت إلي غرفة  
صديقتها فوجدتها ترفع يديها في وضع الدعاء  
وتبكي بشدة، تقول:

\_ يارب، مليش غيرك يارب، يارب أمنحني  
الصبر علي هذا الإبتلاء.  
طرقت أسماء الباب الموارب:

\_روح.

ألتفتت إليها وبمجرد أن رأتها أخذت تبكي،  
ركضت اسماء نحوها لتعانقها وقلبها أنتفض من  
رؤيتها في تلك الحالة البائسة.

\_مالك ياروح؟ ، فيكي أي يا حبيبتتي؟، أنا  
جيتلك أتطمئن عليكى وأشوف حصل أي؟ ، أبيه  
زعلك في حاجة؟.

أشدت بكاءها وقالت كلماتها من بين شهقاته:  
\_ عمرو خلاص هايسيني، عمرو مش هيطيق  
يبص في وش تاني.

\_ لا حول ولا قوة الا بالله، ليه بتقولي كده؟.  
كادت تجيب لتقاطعها منال وتتنظر لها بتحذير:  
\_يلا يا روح هاتي أسماء وتعالو عشان تقطرو.  
طرق قوي علي باب المنزل يتبعه صياح إحدي  
الصبية:

\_الحقي يا خالتو أم روح، رامي ماسك في  
خناق راجح الأنصاري و مقطعين بعض بالمطوة  
والشوما.

صاحت منال بفرع:

\_أبني. !

تناولت خمارها علي عُجالة وأرئدته و غادرت  
مهرولة نحو مكان الشجار.

همت روح بالذهاب خلفها فصاح والدها الذي  
خرج من المرحاض للتو:

\_خليكي هنا ومنتحر كيش عقبال ما نرجع،  
معلش يا أسماء يابنتي خليكي معاها لحد مانرجع  
وربنا يستر.

غادر السيد مصطفى، فأزدادت حيرة أسماء  
لاسيما ترديد روح جملة:

\_هيضيع أخويا زي ما ضيعني.

صاحت أسماء بنفاذ صبر:

\_في أي يا روح؟.

\_وصلت منال لدي مكان المشاجرة، فوجدت  
نجلها يتمدد علي الأرض وفوقه راجح يمسك  
بتلابيب قميصه ويرفع مُديته لأعلي قائلاً:  
\_عاملي فيها سبع رجالة في بعض أنا بقي  
هخليك متخرجش من بيتكو تاني.

\_إبني يا ابن ال.....

صاحت بها منال وهي تخلع نعلها وتهبط به فوق  
راجح وتدفعه فسقط من فوق إنها، ساعدته في

النهوض و وقفت أمام راجح و صفعته بكل قوتها:  
 \_بتستقوي علي الواد الصغير يا ابن ناهد، مش  
 مكفيك الي عملتو فينا. !

دفعها بعنف وهو يصيح:  
 \_عارفة لولا إنك وليه أد أمي كنت دفنتك  
 مكانك.

صاحت وهي تشيح بيديها في وجهه:  
 \_وهنتظر أي من تربية واحدة ست، ما لو في  
 ذكر عندكو في البيت بيربي مكنتش تقف أداني  
 كده.

خرجت ناهد تجيب عليها بغضب مماثل:  
 \_جري أي يا وليه يا حربايه، جايين علي إبني  
 أنت وإبنك الي لسه كان بيعملها علي نفسه  
 وجايين تتهجمو علينا وأدام بيتنا.  
 \_أدخلي يا أم راجح أنتي وأبنك جوه.  
 صاح بها حامد من الشرفة  
 أجابت ناهد:

\_عايزني أدخل وأسكتلها بعد ما مدت إيديها  
 علي أبني وإبنها لامم لي شوية بلطجية أصحابه  
 وجايين يتهجمو عليه.

\_أنا فعلا إبني غلطان في الي عمله، بس وحياة  
 ربنا يا ناهد ما هخليكي تتهني بحضن إبنك بعد  
 ما هاروح أبلغ عنه، وأنتي فاهمه بتكلم علي أي.  
 قالتها منال، فأجاب حامد بعدما تفهم مقصد  
 حديثها:

\_ بلاش يا أم روح سكة الأقسام، أنتو الي  
هتخسرو في الآخر.

وفي ذلك الحين وصل مصطفى وقال:

\_ إبنك غلط يا حامد ولو حد غيرنا كان زمانك  
بتصلي عليه دلوقت، لكن إحنا مش بلطجية ولا  
همج وحق بنتي هاخده من إبنك بالقانون.

قال حامد:

\_ أبقى خلي القانون ينفحك يا مصطفى وأبقي  
وريني تقدر ترفع عينك أنت وبنتك إزاي في  
عين أهل البلد، وأبني ميعرفش حاجة ولا خرج  
من البيت بقاله أيام وعندي بدل الشاهد عشرة.

رمقه مصطفى بإزدراء وقال:

\_ صدق الي قال من شابه أباه، وأنت إبنك  
شيطان من بذرة أبالسه.

قالها وأمسك بولده و زوجته وذهب.

فصاح راجح غير آبه للتجمهر الذي حوله:

\_ أبقى قول لبنتك تدور علي واحد غيري تلتزق  
فيه عملتها.

أرتفعت الهمهمات بين الناس وبدأ القيل والقال  
والخبر أندلع في القرية بأكملها وكالعادة السيئة  
كل من يخبر الآخر يضع لمساته فوق الخبر حتي  
يزيد الطين بلاء.

\_ وهناك سيدة تسرع خطاها نحو منزل

عبدالكريم والد عمرو، حيث كانت من ضمن  
الجمع الشاهد علي ما حدث منذ قليل، أخذت

تطرق الباب، حتي فتحت لها ثناء:

\_خير يا أم بطة، مالك بتخبطي كده ليه علي  
الصبح؟!

تلتفتت السيدة من حولها لتتأكد أن لا يوجد أحد  
يراها لاسيما من منزل مصطفى، ولجت إلي  
الداخل وقالت:

\_عيزاكي في موضوع مهم أوي يا أم عمرو.  
أغلقت ثناء الباب وأشارت لها بالدخول في غرفة  
الاستقبال، وجلست هي والأخري التي قالت:  
\_بصي يا أم عمرو، أنتي حبيبتي وربنا يعلم  
معزتك أنتي و ولادك في قلبي إزاي والبت بطة  
بنتي بتحبكو أوي.

تنهدت ثناء بضيق وقالت:

\_ما تقولي يا أم بطة فيه أي وغوشي قلبي وأنا  
مش ناقصة، أنا واحده مريضة ضغط وقلب.  
أقتربت منها وأجابت كأنها تروي لها أسرار  
عسكرية خطيرة:

\_دارت خناقة من شوية مابين الواد رامي ابن أم  
روح وبين الواد راجح ابن حامد الأنصاري  
وجت ام رامي تحوش عن ابنها وجوزها  
حصلها، كنا فاكرين كلنا إنها خناقة شويه عيال  
في بعض، أتاري الموضوع أكبر من كده.  
لوت ثغرها و ربنت علي صدغها بشكل تمثيلي  
ساخر، فأردفت:

\_ربنا يستر علي ولاينا من الفضايح يارب.  
صاحت بها ثناء:

\_ما تنجزي يا وليه وأختصري.  
\_ما أنا جيالك في الكلام أهو، بس زي ما  
هقولك كده ده الي حصل، الموضوع طلع إن  
الواد راجح أستغفر الله العظيم غلط مع البت  
روح.

نهضت ثناء من مكانها وصاحت بغضب  
مستطير:

\_بتقولي أي يا وليه يا خرفانه أنتي.  
نهضت الأخرى وتراجعت قليلاً وتصنعت ملامح  
الوداعة علي وجهها:

\_وحياة ولادي زي مابقولك، حتي مصطفى قبل  
ما يروح قال لحامد مابينهم القانون.

خرج عمرو من غرفته لايري أمامه و وقف  
أمامهما وعينيه الشرار يتطاير منهما، فأنقضت  
السيدة من مظهره الخوف وقالت:

\_فوتك بعافيه بقي يا أم عمرو، لما أروح أفطر  
العيال وأبوهم.

قالت كلماتها وأنطلقت كالرياح في سرعتها.  
دجبت ثناء إنها بصدمة أيقنت إنه قد سمع ما  
تفوهت به جارتها فقالت:

\_ما تاخدش علي كلام الوليه دي شكل.....

قاطعها عمرو وعينيه بدأت بإسدال دموعه من

القهر الذي يمتلك قلبه، وفي يده هاتفه أعطاه إياه  
لتري الفيديو المرسل إليه.

\_ وفي منزل روح، وصلت منال ونجلها بعد أن  
تركهما مصطفى وذهب إلي عمله، وبدخل  
غرفة روح ما زالت أسماء برفقتها تستمع إلي  
صديقتها بقلب مفطور علي ما حدث لها.

\_ أوعي يا روح، أوعي تتنازلي عن حقك،  
الكلب ده لازم يتحبس ويتحاكم، أنا لو مكان  
القاضي حكم عليه بالإعدام.

قالتها أسماء، فهزت الأخرى رأسها بيأس قائلة:  
\_ حتي لو أتعدم، هيفيد بأي، دمر لي حياتي،  
قضي عليا، ده كان خلاص فرحي بعد أيام.

تذكرت أسماء حال شقيقها، فقالت بتردد:  
\_ هو أنتي كلمتي آبيه عمرو وحكتي له الي  
حصل؟!

أومات بالنفي وقالت:  
\_ عمرو معرفش عنه حاجه من إمبراح وعرفت  
إنه جالي إمبراح وساب لي مع بابا هدية عيد  
ميلادي.

\_ أومال الحالة الي فيها دي سببها أي، ده قلب  
الدنيا وزعي في ماما وقفل في وشنا الباب.

صاحت روح ببكاء:  
\_ يبقي بالتأكد الحيوان باعتله الفيديو زي ما  
قال.

عقدت الأخرى حاجبيها وسألت:

\_فيديو أي؟\_

وقبل أن تجيب روح صدح رنين هاتف أسماء،  
فقالت:

\_دي ماما، ربنا يستر.

أجابت:

\_الو يا ماما.

\_أخرجي من عندك حالياً وتعالى علي البيت.

\_في أي يا ماما؟\_

\_إسمعي الكلام زي ما بقولك، دقيقة والأليكي  
أدامي.

أغلقت ثناء المكالمة، فتعجبت الأخرى من  
أسلوب حديث والدتها اللفظ، أزدرت ريقها  
ورمقت صديقتها بخجل قائلة:

\_معلش يا روح، ماما عايزاني ضروري عشان  
رايحين مشوار، وأنا هابقي أكلّمك وأطمئن  
عليكي.

ربتت روح عليها بشبه إبتسامة:

\_ولايهمك يا حبيبتي، مجيئك ليا هونت عليا

شويه، ربنا ما يحرمني منك أبداً.

عانقتها أسماء بقوة قائلة:

\_ويخليكي ليا، ولو في أي حاجة محتاجها أنا

جمبك، ومتفلقيش أنا هاتكلم مع أبيه وهافهمه الي  
حصل ده لو عرف.

أرادت روح أن تخبرها بأن لا نفع من ذلك فهي تعلم ما سيحدث، و إن زواجهما من المحال أن يكتمل خاصةً بعد رؤيته لمشهد الإعتداء عليها. لا عجب في هذا، هذه عادات وتقاليد وأفكار اي رجل شرقي لا يقبل الزواج من فتاة تعرضت للإغتصاب إلا من رحم ربي.

\_يجلس السيد مصطفى في عمله شاردأً وأمامه دفتر ورقي، يستند عليه برأسه يتملك منه الحزن، لم تغفي جفونه منذ البارحة ود لو أمسك نحر هذا الشيطان المدعو راجح بين يديه وأزهق روحه، لكن دماثة أخلاقه تمنعه من ذلك، طالما أتسم بالطيبة والسماحة لا يجب الأذي سواء له أو الآخرين.

دلف إلي الغرفة إحدي زملائه والذي يقطن معه في قريته وبالطبع لن يفوته خبر اليوم.

\_صباح الخير يا مصطفى.

لم ينتبه له الآخر، فجذب الرجل كرسي وجلس بجواره قائلاً بصوت مرتفع:

\_يا عم مصطفى؟.

أنتفض الثاني في مكانه ونظر له وهموم الدنيا تتجمع في نظراته:

\_خير يا عبد العليم، معلى غفلت شوية. وقام بفرك عينيه

أجاب عبدالعليم:

\_ أنا طلبتنا أنتين قهوة، بس قولي فطرت ولا  
أجيبك فطار؟.

\_ الحمد لله.

تحمم قبل أن يبدأ ثم قال:

\_ أنا عرفت بالي حصل.

أشاح مصطفى وجهه للجهة الأخرى، فأردف  
الآخر:

\_ متقلش يا مصطفى يا أخويا، كلنا عارفين  
أخلاقك وأخلاق الأنسة روح بنتك وأنا كنت  
أتمني إبنى كان كبير وتبقي عروسته، بس زي  
ما انت عارف أكبر عيل عندي في إعدادية.  
زفر مصطفى بدون أن يتفوه بكلمة، فهو يكره  
إحساس الشفقة هذا ولن يقبل به.

\_ أنا جاي أعرض عليك المساعدة وأقومك  
محامي وترفع قضية علي إبن حامد الي مش  
شايقين غير نفسهم ونازلين ظلم وإفتري علي  
مخاليق الله.

قال مصطفى:

\_ والمحامي ده عايز له مبلغ وقدره، وأنا كل الي  
حيلتي علي يديكو أشتريت بيه جهاز بنتي وعليا  
أقساط هافضل أدفع فيها لخمس سنين آدم.  
ربت عبد العليم عليه وقال:

\_ عيب الكلام ده، أومال إحنا أصحاب وجيران  
إزاي! ، وعايزك تظمن المحامي ده معرفة  
وسمعت إنه قريب جماعتك من بعيد، فبالحب

والمعرفة ممكن نقسط له أتعابه وأنا هاتكفل بيها.

\_وقفتك معايا فوق راسي، بس معلش سامحني  
أنا مقدرش أخذ حاجه مش هاقدر أسدها دلوقتي.  
\_هاعتبر إني مسمعتش كلامك، وروح بنتي  
وإن كان علي الفلوس إعتبره مبلغ وشايله عندك،  
وأنا تحت أمرك في أي حاجة، قولت أي يا  
أخويا؟.

تنهد مصطفى وقال:

\_هاقول أي، لله الأمر من قبل ومن بعد، تسلم يا  
عبدالعليم وربنا يقدرني وأردلك فلوسك وجميلك  
الي عمري ما هنساه.

\_أنتهت من أداء فرضها للتو، فولجت والدتها  
تحمل صينية الطعام.

\_بصي بقي، والله لو الأكل ده مخلصش لساني  
ما هيخاطب لسانك، أنتي محتطيش لقمة في  
جوفك من إمبراح وموضوع أخوكي خلاني  
ألهيت عنك الصبح.

ردت روح بنبرة سأم:

\_يا ماما مش قادرة، والله ما قادرة أكل، ولا  
هتخليني أكل غصب عني. !

قالتها وتلألأت الدموع في عينيها، مما جعل  
والدها تشعر بالضيق والغضب، فوضعت  
الصينية علي المضجع وتركتها وغادرت لتضع  
الطعام لزوجها وإبنها.

فقال مصطفى:

\_حطي علي أدك أنتي وعيالك أنا داخل أريح  
لي ساعتين.

صاحت منال بنفاذ صبر:

\_يعني بنتك مش عايزه تاكل ولا أنت، وابنك  
قافل لي علي نفسه ومش عايز يخرج، أروح

أرمي الأكل يعني للفراخ والبط. !  
تركها وذهب إلي غرفة النوم قائلاً:

\_اعملي الي تعمليه.

ولم يمهلها جرس المنزل أن تفرغ غضبها،  
ليصدح رنينه، فتحت الباب لتجد ثناء أمامها و

الوجوم يعتلي ملامح وجهها الصارمة.

\_سلام عليكم يا أم روح.

أجابت منال وفي قلبها غصة:

\_وعليكم السلام يا أم عمرو، أتفضلي.

دلقت إلي الداخل وجلست وكأنها في مهمة  
رسمية ويجب عليها الإنتهاء منها علي وجه

السرعة.

\_تشربي أي يا حبيبتي؟.

أجابت بنبرة جدية ورسمية:

\_شكراً ، مفيش داعي، أنا جايه لك في كلمتين.

جلست منال بهدوء في الكرسي المقابل لها:

\_خير يا أم عمرو؟.

أرتسمت ثناء ملامح الجمود وبكل قساوة ألقنت  
كلماتها بدون إكتراث إلي أن ما يربطهما ليس  
النسب فقط بل هما جيران منذ عقود و من  
أصول واحدة وكل منهما يعلم كل شئ عن  
الأخر.

من غير ما ندخل في تفاصيل وأسباب  
وتجريحات ملهاش لازمة، كل شئى قسمة  
ونصيب!

---

### الفصل الخامس

\_ يتناول متعلقاته بدون إكتراث وهم بالمغادرة،  
فأستوقفته والدته قائلة له:

\_ طيب عشان خاطري خد كُـل الساندوتش ده  
مينفـعش تروح شغلك علي لحم بطنك كده.  
رمقها بصمت ولكن نظراته كانت حادة وتحذرهما  
أن تكف عن محايلته، فتح الباب و صفعه خلفه  
بقوة مما جعلها أنتفضت وأردفت بإمتعاض:  
\_ منهم لله الي كانوا السبب.

وبالخارج يسير ويشعر وكأن العيون جميعها  
تترصده، لاسيما تلك الهمهمات التي وصلت إلي  
سمعه وبطرف بصره يلاحظ نظرات الشفقة من  
البعض والسخرية من البعض الآخر.

وصل إلي موقف السيارات ليستقل سيارة أجرة  
وقبل أن يدلف إلي الداخل تعالت ضحكات  
سخرية وإستهزاء صادرة من مجموعة من  
الشباب يقول إحدهم:

\_ أخس علي دي رجالة، أنا لو خطيبتي حصل  
معاها كده كنت جيبب الواد ال..... الي عمل فيها  
كده ودبحته هو وعيلته ولايهمني، بس أمشي  
مرفوع راسي.  
رد عليه آخر:

\_ أنت أهبل، هو فيه حد عاقل يقف في وش عيلة  
الأنصاري، يا روح ما بعدك روح.

ألتفت لهم و عينيه يندلع منهما لهيباً حارقاً، فلم  
يشعر بحاله وهو يسرع خطاه نحوهم ويفاجئهم  
بتسديد اللكمات كوحش كاسر أنكسرت قيوده  
لينطلق علي أعداءه بضراوة.  
تجمع الناس لفض هذا العراك، أبتعد إدهم و قد  
نال وجهه عدد لا بأس به من اللكمات، صاح  
بصوتٍ جهوري:

\_ بدل ما جاي تنتشطر علينا، روح أنتشطر علي  
الي علم عليك و خلاك لبانة في بوء أهل البلد.  
وبخه إحدي الرجال قائلاً:  
\_ ما تلم نفسك ياض بدل ما أكمل عليك أنا  
ضرب.

\_ يعني عاجبك يا حاج الي عملو فينا. !  
رمقه الرجل شزراً وقال:

\_ ما أنتو الي مبتحتر موش نفسكو وعاملين تلتحو  
بالكلام عليه، عايزينو يعني ياخذكو بالأحضان. !  
ألتفت الرجل إلي عمرو مردفاً:  
\_ حقك عليا أنا يا عمرو يابني، دول عيال  
ناقصه ربايه وليا كلام مع أهاليهم.

لم يستطع الآخر بأن يرد، وبماذا سيجيب!، ربما  
لدي هؤلاء الحق فيما تفوهون به، فهو بالفعل  
غير قادر علي مواجهة عائلة الأنصاري  
المعروف عنها بطشها وظلمها الذي سيقع علي  
كل من يقف في طريقهم أو تحديهم، فحامد  
الأنصاري صاحب سلاسل متاجر الأنصاري

الكبري في وسط المدينة له نفوذ وسيطرة حيث  
بإمكانه أن يؤذيه هو وعائلته بدون أن يرف له  
جفن.

\_خرجت السيدة منال من غرفة إبنتها متأفة  
وتحمل صينية الطعام التي لم ينقص من طعامها  
معلقة أرز واحدة.

\_شوفلك بقي يا مصطفى صرفه مع بنتك الي  
رفعتلي ضغطي.

أجاب عليها بحزن وآسي:

\_متضغطيش عليها يا منال، ناسيه لما خلتها  
تاكل بالعافية جابت الي في بطنها و وقعت من  
طولها، كان عجبك منظرها وقتها؟.

زفرت بضيق وقالت:

\_يعني عجبك أنت لما علقتالها محاليل إمبراح  
وكنت سامع الدكتور بنفسك لازم تاكل وتتغذي  
عشان مندخلىش في حوارات ومستشفيات وإحنا  
مش ناقصين، منها لله ثناء العقربة هي وإبنتها  
لولا معزة أسماء بنتها يعتبرها زي بنتي كنت  
قولت الله يتردلها فيها.

رمقها زوجها بإمتعاض وضجر وذهب ليري  
إبنته، طرق الباب فأتاه صوتها الواهن من  
الداخل:

\_أفضل.

ولج إليها وأرتسم علي شفثيه إبتسامة قائلاً:  
\_روحي الجميلة عامله أي النهاردة؟.

نهضت من فراشها وجلست بإعتدال:

\_ الحمد لله يا بابا.

جلس بجوارها وحاوط ظهرها بزراعته وضمها  
إلى صدره بحنان ويده الأخرى تربت علي  
خصلاتها:

\_ تعرفي يا روح يوم ما أتصلو بيا في الشغل  
وقالولي ألحق منال جالها الطلق وبتولد قبلها كنت  
نايم علي المكتب وحلمت حلم جميل، حلمت إن  
فيه راجل وشه كله نور لدرجة مقدرتش أشوف  
ملامحه شايل علي إيديه طفلة زي الملاك بيقولي  
مبروك ما جالك يا أبو روح.

إبتسمت رغماً عنها وقالت كأنها تعلم تلك القصة  
من قبل:

\_ عشان كده سمتني روح.

قام بتقبيل رأسها وأجاب:

\_ إسم علي مسمي، أنتي روح، روحي وبنتي  
وقلبي أول هدية ربنا رزقني بيها وتاني يوم من  
ولادتك لاقيتهم منزلين ليا مكافاه و أترقيت  
درجة، ده غير لما جيتي أخطبتي وجيت أجهزك  
لاقيت ولاد حلال كتير وقفو معايا في الأقساط،  
فيه الي خلالي القسط قليل، وفيه منهم الي  
مرضاش ياخذ ولا مقدمة ولا زياده وياخذ القسط  
بنفس تمن الحاجة، ربنا بيرزقني برزقك لدرجة  
جيت في مرة مع نفسي أستغفر الله العظيم قولت

البننت دي لو أتجوزت هاتبعد عني والرزق ده  
 هيبعد معاها، ولما أستوعبت كلامي أستغفرت  
 ربنا لأن طول ما بستغفره وظني بيه خير  
 هيرزقني من غير حساب، وهيكون معايا في كل  
 محنة.

أغمضت عينيها و أرتمت بجذعها بين زراعيه  
 تستمد منه شعور الأمان التي تفتقده حالياً،  
 وقالت:

\_ربنا يخليك ليا يا بابا وميحرمني من حضنك  
 أبداً.

أمتلأت عينيه بالدموع و هو يجيب عليها ويشد  
 من عناقها:

\_ويباركلي فيكي يا روح قلب أبوكي، يلا بقي  
 عشان أنا مفطرتش ولا أتغديت وقولت مش  
 هاكل غير مع روعي هي الي بتفتح نفسي للأكل،  
 ها، هتاكلي معايا ولا هاتخرجيني من الأوضه  
 أقعد أبرطم زي أمك.

ضحكت وقالت:

\_لاء طبعاً، هاكل معاك.

\_طيب أومي حضرلنا صينية أكل كده علي  
 زوقك عقبال ما أروح أتوضا وأصلي العصر.  
 \_ليه كده يا ماما، حرام عليك.

صاحت بها أسماء، فأجابت والدتها بغضب:  
 \_حرمت عليك عشتك، يعني كنتي عايزه  
 أخوكي يتجوزها بعد عملة ابن حامد فيها. !

\_ وأديكي شوقتي بعينيكي كان مغمي عليها  
والحيوان الثاني كان بيعتدي عليها.  
أجابت بنفس وتيرة غضبها:  
\_ و ذنب أخوكي أي ياخذ واحدة سيرتها بقت  
علي كل لسان، بصي بقي يابت أنتي عشان قلبي  
واجعني من كتر الكلام حسك عينك أشوفك  
بتتكلمي معاها ولا حتي تسألني عنها، أنسيها  
خالص، الواحدة فينا عايشه بسمعتها وشرفها و  
هي خلاص لا سمعة ولا حتي شرف، ولا يعجبك  
لما أخوكي يكمل معاها ويفضل يتعابر بالي  
حصلها؟.

\_ أنا بجد مصدومه فيكي ولولا إنك أمي كنت  
قولتلك كلام مش هيعجبك.  
\_ أقسم بربي يا أسماء لو ما مشيتي وغورتني من  
وشي دلوقت لأديكي حنة علقة زي زمان وما  
هيحوشني عنك حد.  
ولج عبدالحكيم من باب المنزل قائلاً:  
\_ في أي صوتكو جايب لآخر الكفر.  
\_ تعالي شوف بنتك الي واقفه لي كاني عدوتها  
وبتعلي صوتها عليا وقال أي عايزه تطول لسانها  
كمان.

زجرها والدها بنظرة مُخيفة وقال:  
\_ تعالي وطي علي إيد أمك وبوسيتها وأتأسفها.

نظرت لأسفل بخجل وقالت:

\_يا بابا والله ما أقصد كل الي ماما قالته لك، أنا  
بس كنت بلومها علي مروحها عند روح والي  
قالته لمامتها، الموضوع ده يقرره أبيه عمرو.  
صاح والدها:

\_وأمك أتصرفت صح، أخوكي الله يكون في  
عونه أول يوم يخرج بره النهاردة ولو سمع ربع  
الي بسمعه من الناس مش هيخرج من أوضته،  
فالي عملته أمك أحسن ليه، وبكره يا ثناء تروحي  
لتوحيدة أختي ولمحيلها إن إحنا عايزين مروة  
لعمرو.

غرت أسماء فاهها وأتسعت عينيها من قرارات  
والديها الظالمة لصديقتها وإنهاء حب شقيقها  
الوحيد.

أجابت ثناء:

\_عين العقل يا حاج، من النجمة هاروح أشتري  
لها زيارة و أروحها بيها، وأنتي يا مقصوفة  
الرقبه أبقى نامي بدري عشان هاتروحي معايا.  
رمقتها أسماء من أسفل لأعلي بدون أن تتفوه لكن  
نظراتها تعبر عن كل السخط الذي بداخلها،  
أطلقت زفرة بتأفف ودلفت إلي غرفتها وأوصدت  
الباب في وجههم.

-تحمل منال صينية صغيرة يعلوها كوبين من  
الشاي وضعتها أعلي الطاولة أمام زوجها وكادت  
تذهب لتكمل أعمالها المنزلية، فأوقفها قائلاً:

\_تعالى أقعدى يا منال عايزك فى كلمة.  
جلست على كرسي مجاور له وقالت:

\_خير يا مصطفى؟.

أخرج من جيبه ظرف ورقي كبير و وضعه على  
الطاولة، نظرت له وتساءلت:

\_أي ده؟.

أجاب:

\_فلوس، أدهالى صاحبي الي قولتلك عليه عشان  
اروح أقوم محامي وأرفع قضية.

شحب وجهها وقالت بتردد:

\_أنت خلاص، قررت ترفع قضية؟.

أجاب بتعجب من ردة فعلها:

\_أومال عيزاني أخذ حق بنتي إزاي؟ ، أروح  
أقتل الواد وأدخل السجن وأسيبك أنتي والعيال

تنتشردو غير الي ممكن يعملوه فيكم. !

\_لاء، مش قصدي بس لما جيت فكرت، قضية

يعني كل الدنيا هاتعرف.

أجاب عليها بنبرة حادة:

\_علي أساس إن البلد كلها معرفتش!، أوعي

يكون حد لعب فى دماغك وخوفك منهم، ولا حد

هددك تبعهم؟.

\_أبدأ والله، بس أديك شايف البت لسه خطوبتها  
متشكله و نفسية بنتك الي فى النازل، حتي رامي

إبنك بقي يصحي ويخرج من البيت ميرجعش

غير علي النوم، يا قلب أمه مقهور من ساعة

معرفش ياخذ حق أخته.

\_ ما هو عشان كده هاعمل الي قولتلك عليه،  
يمكن لما يتسجن الكلب ابن حامد نار إبنك تبرد،  
وبنتك تبقي أحسن وأخليها تمشي في الشارع  
مرفوعه راسها بدل الكسره الي في عيونها كل  
ما أبص لها.

تنهدت بقلة حيلة ثم قالت:

\_ كان مستخبي لينا فين ده ياربي! ، طول عمرنا  
في حالنا وقافلين بابنا علينا ولا لينا في شر ولا  
في آذيه.

\_ أستغفري ربنا يا منال وأدعي له يفك كربنا  
بدل ما عماله تنوحي زي غراب البين كده.  
نهضت بحنق وقالت:

\_ أخس عليك يا مصطفى، أنا غراب!، ربنا  
يسامحك.

\_ ربنا يسامحنا جميعاً، أنا هاقوم أريح لي ساعة  
وبعدها هاروح للمحامي وهاشوف المطلوب أي.  
أوقفته قائلة:

\_ طيب ماتصبر شويه كده عقبال بس البت  
نفسيتها تتحسن شويه، ما بالتأكد المحامي  
هيطلب إنها تيجي معاك وتحكي له كل حاجة.  
صمت وهو يفكر في الأمر ليجد لديها حق فقال:  
\_ أنا عندي فكرة، جهزي لها شنطة هدوم  
صغيرة كده هاخذها ونسافر بكرة عند أخواتي  
تقعد عند أخويا الحاج حسن أهي تغير جو

ونفسيّتها تهدي وبعدها نروح مشوار المحامي.  
رّمقته بتهكم وقالت:

\_وتفكر بنتك نفسيّتها تهدي عند فتحية مرات  
أخوك؟!

\_ومالها مرات أخويا يا منال، لسه برضو شايّلة  
منها، ما خلاص ده كان شيطان وراح لحاله  
والست أعتذرتلك وحببت علي راسك، مفيش  
داعي نلقب الي فات وياستي بنتك هتقعّد مع بنت  
عمها يسلو بعض ولو في أي حاجه هاروح  
هاخذها علي طول.

زمت شفّتيها جانباً بسخط وقالت:

\_أعمل الي أنت شايّفه، بس والله لو بنتي حد  
قرب منها بأذي لتكون أنت المسئول أدامي  
وهانسي إن ليك أخوات.

وبدون أن يصيح أو يصب جام غضبه عليها،  
رمقها بنظرة نارية ثم تركها وذهب إلي غرفة  
النوم.

\_ما زالت تمكث في غرفتها، تجلس أمام المرآه  
تتأمل ملامحها التي تذبل مثل الزهرة المتروكة  
بلا ماء أو عناية، بدأت الهالات السوداء تحيط  
ذهبيّتها التي أنطفأت من كثرة البكاء.

تفكر فيما حدث وما يحدث لها، وأكثر ما  
يصدّمها موقف الرجل الوحيد الذي أمّتك قلبها  
وكانت أيام معدودات وسيصبح مالکها قلباً وقالباً  
لكن القدر قد آبي إن يحدث هذا، و الذي يشغل

ذهنها لما لا يأتي بنفسه ويقول لها بذاته ما  
تفوهت به والدته، هل أصبحت إلي هذا الحد  
شرذمة يخشي أن يقترب منها! ، أين الحب الذي  
كان يتلو عليها كلماته أينما يتحدث معها أو  
يراها! ، أين تلك الوعود الذي ألقاها علي  
مسمعا منذ أن تمت خطبتهما.  
نهضت من أمام المرآه ودقات قلبها تسابق  
عقارب الثوان في سرعتها وفي عقلها سؤال  
واحد، هل الانفصال رغبته هو أم هي رغبة  
والدته ذات الطباع الحادة؟.

لم تشعر بنفسها وهي تمسك بالهاتف الذي اشتراه  
لها والدها بدلاً من هاتفها التي فقدته في الحادث،  
وبرغم خلوه من الأرقام لكن ما زالت ذاكرتها  
الفولاذية تحتفظ برقم هاتفه، وبعد أن نقرت علي  
الأثني عشر رقماً تراجعت عن الإتصال، أدركها  
الخوف وعقلها يصرخ عليها بأن تكف عن هذه  
المحاولة الحمقاء، بينما قلبها ليريح رغبته المُلحة  
أتاها بفكرة أفضل وهي إرسال رسالة نصية  
محتواها

(أنا عارفه إن كل الي ما بينا أنتهي بس ممكن  
أعرف حاجة واحدة بس وأوعدك من بعدها مش  
هاتشوفني ولا هاتسمع صوتي تاني، أنت فسخت  
الخطوبة ولا ده ضغط عليك من أهلك؟.

وأسفة علي الإزعاج

روح)

ضغطت إرسال قبل أن ترضخ لعقلها الذي  
 ينهرها وتراجع عن الإرسال.  
 \_يجلس شاردأً أمام الخزينة الألكترونية، ويقف  
 أمامه مشتري يقول له:  
 \_يا كابتن، يا كابتن.  
 جاء زميله في العمل يلكزه في زراعته لتنبهه:  
 \_رد علي الأستاذ يا عمرو.  
 أنتبه له وأعتدل في جلسته وقال معتذراً:  
 \_معلش يا فندم.  
 أخذ المشتريات ليضع كل سلعة علي جهاز البار  
 كود ويظهر له علي شاشة الحاسوب إجمالي  
 أسعار كل ما أشتراه الرجل فقال:  
 350 \_جنيه يا فندم.  
 أعطي الرجل له المبلغ وحمل الأكياس المطبوع  
 عليها إسم وشعار المتجر وذهب، ولم تمر ثوان  
 وجاء له إحدي العاملين قائلاً:  
 \_عمرو، مستر مراد عايزك في مكتبه.  
 نهض عمرو وذهب إلي مكتب مديره، طرق  
 الباب ثم ولج إلي الداخل، فوجده ينتظره  
 وملامحه ينبجج عليها الإنزعاج من رؤية ما  
 حدث وقام بمشاهدته في شاشة المراقبة.  
 \_تحت أمرك يا مستر مراد.  
 \_الأمر لله يا عمرو، أنا ندهتلك عشان أقولك لو  
 أنت مش قادر علي الشغل قولي وأنا أدليك أجازة

بس هاتكون مخصومة من مرتبك.

أجاب عمرو بإحراج:

\_لاء يا فندم، مش محتاج أجازات، أنا بس  
اليومين الي فاتو كان عندي ظروف وبلغت  
حضرتك وقتها.

زفر مراد وهو ينظر له لثوان وقال بللهجة  
تحذير:

\_طيب ياريت تاخد بالك من الزباين وتبطل  
سرحان، أنا المرة دي نبهتك، الي جاية هاتبقي  
بجزا وأظن أنت خلاص كلها أيام وهاتبقي  
عريس يعني محتاح لكل قرش مش يتخصملك! ،  
تمام يا عمرو؟.

أوماً له الآخر وقال:

\_تمام يا فندم.

أشار له بأن يذهب:

\_أفضل علي شغلك.

ذهب وبداخله يختنق يريد الصراخ بكل طاقته،  
أسرع نحو المراض ودخل يفتح الصنبور  
ويهبط برأسه أسفله، فغمر الماء شعره بالكامل،  
أعتدل و وقف ينظر لإنعكاسه في المرآه وبكل  
قوته ضرب بقبضته الحائط المجاور لها وصدره  
يرتفع ويهبط حتي كادت ضلوعه تخرج من  
مكانها.

أوقفه صوت صدح من هاتفه يعلن عن رسالة  
واردة، أخرج هاتفه وقرأ محتواها، أتسعت عينيه

وأنتفض كأن مسه تيار كهربائي، تعالت أنفاسه،  
 أستند علي الحائط بظهره، وبدون أن يفكر لوهلة  
 قام بالإتصال علي رقم صاحبة الرسالة.  
 \_ أنتهت من أداء فرضها ليفاجئها رنين هاتفها،  
 خفق قلبها بشدة قبل أن تري من المتصل،  
 وعندما أمسكت به ورأت الرقم، أعتراها الخوف  
 من المواجهه، تخشي أن تسمع صوته، ألقت  
 الهاتف علي الفراش حتي أنتهي من الرنين.  
 تنفست الصعداء لكن هيهات و صدح الرنين مرة  
 أخري، أمسكته بحذر ونقرت علي علامة  
 الإجابة، وضعته علي أذنها في صمت، فأناها  
 صوته بنبرة حادة:

\_ أنا عايز أقابلك ضروري!

\_ في منزل الأنصاري، يتجمعون حول مائدة  
 الطعام، قال حامد:

\_ أو مال فين الصايح إبنك؟

أجابت ناهد بعدما أبتلعت ما بفمها:

\_ هيكون فين يعني، هتلاقيه واقف مع زمايله.

ضرب المائدة بقبضة قوية وصاح بغضب:

\_ مش قولت إن إبن ال..... ده ميعتبش بره باب  
 البيت لحد ما نشوف حل في المصيبه السوداء الي  
 هببها.

\_ فيه أي يا حامد، هو بت عشان أحبسه!

وعارفين إنه عامل مصيبه هانعملهم أي يعني.

\_أهو دلحك للمحروس إبنك ده هو الي وصلو  
للي هو فيه، كان نفسي بيبقي راجل وعاقل بيبقي  
سندي الي هيشيل عني المسئوليه، بس إزاي  
وأنتي وراه، بتداري عليه في كل مصيبه  
وبتشجعيه بدل ما تقفي له وتديه بالجذمة عشان  
يعقل.

نهضت وصاحت بحنق:

\_ليه هو أنا الي روحت لأهل الواد الي خطبه  
إبنك بالموتسيكل لما كان سكران، والواد مات  
فروحت دفعت لأهله ديه، ومن وقتها وإبنك في  
دماغه مهما عمل مصاييب وبلاوي وراه أب  
بيدفع ويحوش عنه.

\_أومال كنتي عيزاني أسلمه للبوليس بأيدي؟ .  
ويكون في علمك لما يرجع إبنك من بره خليه  
يعمل حسابه إنه هيسافر ويقعد في شقة أسكندرية  
ويبعد عن البلد لحد ما نشوف مصطفى هو وبنته  
ناويين علي أي.

فتح باب المنزل بالمفتاح خاصته قائلاً:

\_وأنا مش هسافر ولا أهرب كأني عامل عملة  
وخايف.

صاح والده به:

\_لاء عامل يا حيلة أمك، ومش أي عمله أنت  
أغتصبت دي جناية خصوصاً إنك معدي السن  
القانوني، ومش هاستني لما ألاقي البوليس يدخل  
بيتي ويجي ياخذك ولا حد يتعرضلك بأذي.

\_ولا حد يقدر يتعرض لي، ده أنا كنت دفنت  
 الي يفكر يقربلي مكانه.  
 \_هو ده الي فالح فيه، بلطجة و وساخة عيني  
 عينك، وأنا أغرم دم قلبي من ورا بلاويك،  
 ياريتني ما خلفتك يا أخي.  
 ألقى بالمحرمة علي المائدة وأردف:  
 \_خلفة عار.  
 ثم ذهب إلي الداخل، فأقتربت ناهد من نجلها  
 وربتت عليه:  
 \_ملكش دعوة بكلامه أنت عارف أبوك لما  
 الجنونه بتجيله، روح أغسل إيدك وتعالى كُل  
 عمالك الأكل الي بتحبه.  
 أبعد يدها وقال:  
 \_مش عايز أطفح.  
 وتوجه إلي باب المنزل مرة أخرى، صاحت  
 ناهد:  
 \_رايح فين يا ولاه؟  
 أجاب بتهكم وسخط:  
 \_رايح في داهية، يمكن جوزك يرتاح مني.  
 \_وفي إحدي الحقائق العامة في المدينة، يربت  
 مصطفى علي يد إبنته التي قالت:  
 \_تعالى نروح يا بابا، أي الي خلاك توافق إنني  
 أقابله؟

أجاب والدها:

\_عشان كان لازم تقابليه وتواجهيه وتسمعيها  
منه وده يرتاح.

أشار لها لدي موضع قلبها.

صمتت وتمسكت بيده وكأنها تستمد منه القوة  
التي تحاول أن ترتسمها علي ملامح وجهها  
الشاحب.

أقبل عليهم ليجدهما في إنتظاره، فكان مُرتدياً  
نظارة شمسية ليخفي خلفها نظرات الإنكسار،  
توقف لدي الطاولة وقال:

\_سلام عليكم يا عم مصطفى.

و مد يده ليصافحه الآخر مجيباً السلام:

\_وعليكم السلام يا عمرو.

سحب كرسي وجلس:

\_تشربو أي؟.

أجاب مصطفى:

\_شكراً يابني، أنا طلبت لنا وليك عصير ليمون.

كانت روح تنظر نحو مياه النيل تتفادي النظر  
إليه، تنهد مصطفى وقال لكسر توتر الأجواء:

\_بص يا عمرو يابني، أنا كان بإمكانني أرفض  
المقابلة دي، لكن راحة بنتي عندي أهم حاجة، أنا  
هاسييكو تتكلمو علي راحتكو عشان دي هاتكون  
آخر مرة تشوفها.

نهض وقبل أن يبتعد ربت علي يد ابنته فشعر  
بإرتجافها وبرودة، أنحني بالقرب من سمعها:

\_ أطمني أنا هاقد في الترايبزه الي وراكي،  
خليكي قوية.

اعتدل وذهب ليجلس علي مقربة منهما، جاء  
النادل و وضع أمامهما كأسين من عصير  
الليمون وذهب إلي مصطفى بعدما أشار له  
ليعطيه الكأس الثالثة.

وبعد أن هربت الكلمات من لسانه، تنفس بعمق  
وأطلق زفرة حتي بدأ يتحدث:  
\_ عامله أي؟

رمقته بتعجب وكان نبت له رأس آخر، فأدركت  
إنه لم يجد كلمات يتفوه بها، أجابت بسخرية:  
\_ أسعد واحدة في العالم.

أنتبه لسخريتها من سؤاله فتنهد بنفاذ صبر وقال:  
\_ أنا عارف الي بتمري بيه، وأي الي بتفكري  
فيه خصوصاً من ناحيتي، بس أحب أقولك أنا  
حالي أصعب منك، حطي نفسك في مكاني  
وأقلبي الي حصل.

\_ أصعب مني! ، ده علي أساس أنت الي حصلك  
الي حصلي! ، أتبهلت زيي! ، سيرتك علي كل  
الي يسوي والي ميسواش. !  
أنتهت كلماتها بصيحه، فأمسك بيدها ليستكتها  
قائلاً:

\_ وطي صوتك وأهدي.

جذبت يدها ورمقته شزراً وقالت بتحذير:

\_ إياك إيدك تلمس إيدي تاني.

أوماً له وقال:  
\_مكنتش أقصد.

\_طيب ياريت تنجز وتقولي كنت عايز تقابلني  
ليه؟.

أبتسم بألم ثم أجاب:

\_عشان أجابك علي رسالتك، أنا عارف إن  
ماما أسلوبها حاد وبالتأكيد عكت الدنيا مع مامتك.

قالت بنبرة هجوم مباغت:

\_مامتك مش هتتكلم كده غير لما تكون واثقه إن  
دي رغبتك، من أمتي وأنت بتمشي بكلامها!، من  
غير ماتبرر خلاص عرفت الإجابة، بس ده  
إسمها عندي ندالة.

قال بإستنكار وتحذير:

\_أنا مش ندل يا روح، ويقولها لك للمرة الثانية  
حطي نفسك مكاني، في كل خطوة أسمع فيها  
غمز ولمز ونظرات شفقة وسخريه من عيون  
الناس، أنا كان بإمكانني أروح أمسك الحيوان الي  
عامل فيكي كده وأخنقه بإيدي، بس وبعدين،  
قوليلي هانقدر نكمل في وسط الناس إزاي، ومش  
هاقدر أستحمل نظراتهم ولو حد أتكلم مش هابطل  
خناق وضرب في ده وده ونقضيتها محاضر،  
مش هاقدر لو أتجوزنا وكل ما أجي ألمسك

أفتك.....

صمت ليزدرد لعابه، فقالت بصوت مختنق:  
\_ ما تكمل، قول.

نهضت ورفعت رأسها بشموخ وقالت بنبرة مليئة  
بالقوة وكبرياء أنثي:

\_ أنا بقي الي بقولها لك، عارف يا عمرو حتي لو

كنت هاتكمل معايا، أنا مكنتش هأكمل معاك

وكنت بعث أمي ليكو بالشبكة وكل حاجة

جبتها لي، عارف ليه لأن كنت منتظرة الي

ياخدلي حقي ويدافع عني مش أخويا و بابا، كنت

منتظره الي المفروض هابقي مراته و عرضه

وشرفه هو الي ياخد لي حقي، مش يروح يدفن

راسه في الرمل زي النعامه وخايف من كلام

الناس! ، أنت ضعيف وجبان وبحمد ربنا أن الي

حصلي ده كشفك علي حقيقتك احسن ما كنت

علي ذمتك وحصل الي حصلني وقتها كان كبيرك

تطلقني، يا خسارة يا عمرو كنت في نظري

حاجة تانية خالص، بس فعلاً وقت الشدة الكل

بيبان علي أصله، روح ربنا يسهلك ويديك علي

أد نيتك.

قالتها وتركته في صدمة من كلماتها وذهبت

لوالدها وقالت:

\_ يلا يا بابا نمشي من هنا.

أذعن مصطفى لرغبتها بعدما رمق عمرو بأسف

وخيبة، ثم غادر برفقة إبنته.  
\_ وبعد وصولهما إلي المنزل، أستقبلتهم منال  
باللهفة:

\_ عملتو أي يا مصطفى؟  
كاد يجيب عليها فقاطعه صوت هبدة قوية،  
فوجدو إبنتهم وقعت أمام غرفتها مغشي عليها.

---

## الفصل السادس

\_بداخل مركز الوحدة الصحية التابعة للقرية،  
تتمدد أعلي التخت وعينيها تحدق في السقف،  
تقف الممرضة علي يمينها تعلق كيس المحمول  
علي العمود المعدني، وعلي الجهة الأخرى يتابع  
الطبيب ضغط الدم عبر الجهاز اليدوي قائلاً:  
\_كده تمام، وشويه بعد ما تخلص المحاليل  
هيبقي الضغط مضبوط، ها يا روح، حاسة بأي  
دلوقت؟!

تحركت مقلتيها نحوه بدون أن تتحدث ثم عادت  
لوضع التحديق في السقف مرة أخرى.  
\_طب أنا رايح أكمل الكشوفات الي عندي  
بسرعة وراجع لك تاني.  
خرج الطبيب من الغرفة الصغيرة، فقالت له  
منال بقلق وخوف علي إبنتها:  
\_بنتي مالها يا دكتور؟!  
أجاب بهدوء وطمأنينة:

\_أطمني يا مدام، بنتك كويسه الحمدلله كل  
الحكاية ضغطها نزل شوية وطبعاً واضح إنها  
مبتاكلش قلب معاها بهبوط، والحمدلله بعد ما  
علقناها المحاليل فاءت لكن شكلها مش حابه  
تتكلم، وده نتيجة ضغوط نفسية وعصبية،  
فياريت بعد ما تقوم بالسلامة تودوها لدكتور  
نفسية.

شهقت والدتها بضجر:

\_ بعد الشر يا دكتور، ليه هو أنا بنتي مجنونة. !  
 أنتسم رغباً عنه من بساطة تلك المرأة فقال:  
 \_ أنا مقولتش توديتها مستشفى أمراض نفسية، أنا  
 بقولكو خليها تزور دكتور نفسية بيقد معاها كذا  
 جلسه يرجعهاكو أحسن من الأول.  
 قال مصطفى:

\_ أنا فاهم قصد حضرتك يا دكتور، بس  
 متأخذنيش الوضع والظروف الي إحنا فيها مش  
 هتنفع لزيارات لدكتور نفسي، بس ممكن نغير  
 لها الجو الي عايشه فيه.  
 أوماً له الطبيب مُرحباً قائلاً:

\_ ياريت، يبقى أفضل، بس أهم حاجة الراحة  
 النفسية وتبعد عن أي حاجة تضيقها، لأن التعب  
 الي عندها ده نفسي أكثر ماهو عضوي، ولو  
 محتاجين أي مساعدة أنا في الخدمة.  
 \_ تسلم يا دكتور، ربنا يوفقك.

قالها مصطفى، فأجاب الآخر:

\_ العفو، عن أذنكو.

دلف كليهما إلي ابنتهما المُنفصلة عن الواقع،

جلست منال بجوارها:

\_ روح، أنتي كويسة يا ضنايا؟.

أمسك مصطفى يدها وعانقها بين كفيه وقال:

\_ روح بابا، يلا بقي عايزك ترجعي روح

القوية، وهخليكي تغيري جو البلد خالص،  
وهأخذك عند نجلاء بنت عمك حسن، مش كان  
نفسك تشوفيهيا؟.

رمقته منال بامتعاض فهو يعلم ماهية تلك  
النظرة، كيف تجد إبنتك راحتها في بيت عمها و  
زوجته التي تشبهها دائماً بالحية في دهاءها  
وخبثها، لا تحب الخير لأحد بتاً وخاصة زوجات  
أشقاء زوجها.

بادلها مصطفى بنظرة حاسمة وقال:  
\_عموماً أنا كلمت أخويا وقالي بيتي مفتوح في  
أي وقت وفرح جامد.

تقوهت منال بدون أن تدرك فداحة سؤالها  
الأحمق:

\_وياتري قولتله أي سبب الزيارة والمفروض  
كلهم عارفين إنها كانت هاتتجوز بعد أسبوع؟.  
زفر بضيق من حماقتها المتسرفة، فأجاب:  
\_قولتله محصلش نصيب، عادي يا منال، دول  
بيبقو في يوم الفرح وبتحصل مشكلة تافهه وكل  
واحد بيروح لحاله، وبنتنا لسه صغيره، أنا بس  
الي أستعجلت لما وافقت علي موضوع الخطوبة  
والجواز، ياريتني كنت أستنتيت لحد ما تخلص  
تعليمها زي ما أهل المدينة بيعملو.

\_الحمدلله جت علي أد كده، أنا أهم حاجه عندي  
بنتي تبقي كويسه، وبكررها لك يا مصطفى، أنا  
هاسيبك تنفذ الي في راسك وتوديهيا عند أخوك،

بس والله لو بنتي حد جرحها بنظرة بس هناك  
لأسافر لهم أنا بنفسي ولا يهمني أنهم أخواتك ولا  
أهلك.

\_ عشان ساعتها أرمي عليك اليمين.  
قالها بتحدي، فأتسعت عينيها بصدمة، لم يدع لها  
مجال الرد، فغادر الغرفة حتي يستنشق الهواء  
ويكظم غضبه الذي لو أطلقه لايحمد عقباه.  
\_ علي جمب ياسطا الله يخليك.

قالتها ثناء لسائق سيارة الأجرة الذي ترجل  
لمساعدتها هي وأبنتها أسماء في نزول الحقائب  
المُحملة من كل جميع أنواع الفواكه والخضار  
واللحوم.

وبعد أن أفرغ سيارته من الحقائب قال لها:  
\_ تؤمري بحاجة تانية يا خالتو أم عمرو؟  
أجابت وهي تخرج أوراق من المال من حقيبة  
نقودها:

\_ ميامرش عليك ظالم يابني، تسلم يا حبيبي،  
أفضل.

وضع يده علي صدره وقال بحسم:  
\_ وربنا أبدأ يا خالتي، ده أنتي في مقام أمي  
وعمر و أخويا، عيب كده.  
\_ يابني دي لقمة عيشك، وأنا ميرضنيش كفايه  
تعبناك و خليناك تلف معانا من الصبح عقبال ما  
أشترينا الحاجات.

\_أبدأ يا خالتي، ولا تعب ولا حاجة.  
 قالها مبتسماً وعينه لا تفارق أسماء الشاردة في  
 الفراغ مُقطبة ما بين حاجبيها.  
 وبعد الشكر والسلام، طرقت ثناء باب المنزل،  
 فتحت لها توحيدة الباب بترحاب وحبور:  
 \_يا مرحب، يامرحب، بت يا مروة تعالي شيلي  
 عن مرات خالك يابت.  
 ركضت مروة تلك الفتاة ذات التاسعة عشر عاماً  
 ، إلي زوجة خالها وقامت بمساعدتها في إدخال  
 الحقائب، وتبادل القبلات والعناق وقدمت لهم  
 توحيدة كل ما لذ وطاب في وجبة فطور شهية  
 ويعقبها مشروب الشاي الساخن ويتبعه الفاكهة  
 والتسالي.  
 \_تسلم إيدك يا توحيدة ياختي.  
 قالتها ثناء، فأجابت الأخرى بسعادة بالغة:  
 \_دي حاجة بسيطة يا أم عمرو، ويجي أي في  
 الي محمله مكنش ليه لزوم، إحنا أهل مش  
 أغراب.  
 \_ده عشان الغالية مروة، تاكل وتتهني، وبعدين  
 ده كله من خير أخوكي.  
 \_ربنا يخليه ويبارك لنا فيه.  
 \_يارب، بصي بقي إحنا كلنا وشربنا الشاي  
 وحلينا، نيجي بقي للكلام المهم والي جياك  
 مخصوص عشانه.

نظرت توحيدة إلي إبنتها التي كاد يخرج من  
جانبيها جناحان من فرط السعادة، لتوبخها والدتها  
أمام زوجة خالها وإبنتها:  
\_ شوفي البت الي معندهاش دم، خشي جوه يا  
بت.

\_ فيه أي يا توحيدة، بتزعي لها ليه خليها قاعده،  
تعالى أقعدي جاري يا مروة.  
نظرت مروة إلي والدتها تنتظر الأذن، فرمقتها  
الأخري بتوعد وقالت من بين أسنانها:  
\_ أومي فزي، إسمعي كلام مرات خالك.  
نهضت وذهب لتجلس بجوارها، ربنت ثناء علي  
فخذها وقالت:

\_ ده أنا هابقي أمها الثانية إن شاء الله.  
إبتسمت مروة بخجل، فقالت توحيدة قبل أن تكمل  
ثناء حديثها:

\_ قبل ما تقولي الي أنتي عيزاه، هو الي سمعته  
عن خطيبة إبنك ده صح، وعشان كده سابها.  
تلون وجه ثناء بالحُمره من الغيظ:  
\_ كانت خطيبته، وأهي راحت لحالها ربنا  
يسهلها ويسترها علي ولايانا.  
لوت توحيدة شفيتها جانباً وقالت:  
\_ ما هو عشان المحروس إبنك عامل زي القرع  
بيمد لبره.

\_ ما خلاص يا توحيدة، أو عرف غلطته وأدينا  
جينا لك نطلب إيد مروة لعمره، وياريت

الأسبوع الجاي هيبقي شبكة وكتب كتاب  
والإتفاقات متحمليش همها، إبنى شقته زي ما  
شوفتيها والموبيليا كلها عموله خشب زان أصلي  
ده غير النجف في كل الأوض والريسبشن  
وتكيفات وعلقنا الستاير وأشترينا المراتب و  
السجاد تيجي تنقيه العروسه بنفسها، وعشان  
عارفه ظروفك خصوصاً بعد وفاة أبو مروة الله  
يرحمه، أنا كنت عامله جمعية علي جمب كده  
هديتها لعمر و يجيب المطبخ والأجهزة الكهربائية  
والفرش، عليكى أنتي شنطة هدمها بس، ها  
قولتي أي؟.

أنبلجت السعادة والفرحة العارمة علي محياها،  
فأجابت:

\_ هو فيه بعد قولك كلام يا مرات أخويا، بنتي  
بنتك ومش هاتروح لحد غريب، أنتي أمها  
وخالها أبوها، وعمرو شاب ماشاء الله عليه، كان  
متربي علي أيدي.

\_ وبكده نقول مبروك ونقرأ الفاتحة.

\_ نقرأ الفاتحة من غير أخويا وإبنه العريس. !  
\_ دي فاتحة محبة يا توحيدة، لأن المرة الجاية  
هاتبقي فاتحة وشبكة وكتب كتاب.

\_ الي تشوفيه، عقبالك يا أسماء يا حبيبتي.  
كانت شاردة وكل ذهنها في صديقتها وحالها  
الذي يرثي له، لكزتها والدتها في زراعتها:  
\_ ما تردي علي عمك يابت.

أنتبهت لهم فقالت:

\_تسلمي يا عمتو، وألف مبروك.

أنطلقت الزغاريد من فاه ثناء وتتبعها توحيدة بعد  
قراءة سورة الفاتحة.

\_توالت الأيام وكأنها سنون في مُضيها، وكان  
الحال لا يتغير، مازالت في حالة سكون لا تتكلم،  
لا تريد رؤية أحد بل تفوقت في عزلتها حتى  
جاء اليوم التي تعالت فيه الزغاريد من منزل  
عائلة عبدالحكيم حماها سابقاً، فوصلت إلي  
أذنيها، نهضت في لمح البصر بعد أن خفق قلبها  
ولا تعلم ما السبب، وكيف لا يخفق و صاحب  
القلب الوحيد الذي أحبه يستعد الآن للذهاب إلي  
عروسه الجديدة، يرتدي حُلة سوداء وفي أبيه  
هندامه لكن عينيه مثل صحراء خاوية من الحياة  
جرداء من أي مصدر للحياة، كأنه مُجبر وليس  
مُخير، وبرغم إعتراضه في بادئ الأمر علي  
قرار والديه لكن إعتراضه قوبل بالأمر الحازم  
وآلا سوف يغضبون عليه، وكان تبريراتهم  
الواهية إنهما يريدان مصلحته وزيجته من ابنة  
عمته سينسيه ألف روح وغيرها.

وقفت خلف الستار بعد أن طفأت الأنوار،

وياليتها ما وقفت ولا شاهدت أو سمعت، ها هو  
يخرج من باب المنزل يحمل باقة زهور في يده  
و والديه وشقيقته يرتدون ثياب خاصة بالإحتفال،

و قد وضحت الرؤية عندما خرج الجيران  
لتهنئتهم، فقالت إحداهن:

\_ ألف مبروك يا أم عمرو لأسماء.  
لتجيب ثناء بنفي:

\_ لاء، دي مش أسماء عقبال عندكو عمرو إبني  
رايح يخطب بنت عمته وكتب كتابه عليها الليلة  
دي عقبال عيالكو.

وبعد أن تبادلن النسوة نظرات التعجب، فأجابت  
السيدة:

\_ الله يبارك فيكي يا ختي ويتمم له علي خير  
وتكون جوازة الهنا إن شاء الله.

- عمرو؟، عقد قران علي إبنة عمته؟ ، كيف؟ ،  
ومتي؟ ، هل لهذا الحد يريد أن يمحوها من  
حياته. !

هذه الأسئلة التي دارت في عقلها للتو، مما جعل  
إحتراق قلبها يزداد ضراوة حتي أصبح كالرماد  
في مهب ريح عاتية، تبعثر ذراته بكل قوتها غير  
مكرثة.

كفي! ، كفاني ألماً وجراحاً، أريد الإبتعاد عن هذا  
الجو الملوث بالنفوس البغيضة.

أوصدت النافذة كما أوصدت أبواب فؤادها  
المتهاكة ثم قامت بتجفيف عبراتها التي أنهمرت  
رغماً عنها، فخرجت لتجد والدها يجلس أما  
التلفاز يتصفح جريدة ورقية و والدتها تحتسي  
كوب من الشاي وتشاهد مسلسلها المفضل.

\_بابا أنا عايزة أسافر.  
 قالتها بنبرة يعلم والدها أن هناك خطب ما خلف  
 قرارها بدون أي نقاش  
 أجابت والدتها وهي تترك الكوب أعلي الطاولة:  
 \_وليه الإستعجال ده؟ ، أستني يومين كمان حتي  
 تقوءي شوية.  
 رسمت بسمه علي محياها مُتقنة الصنع وقالت:  
 \_أنا كويسة، ها يا بابا بكرة الصبح نسافر.

أوما لها مصطفى متفهماً الحالة النفسية التي  
 تخالجها حالياً فقال:  
 \_حاضر يا حبيبتي، روعي أنتي جهزي شنطة  
 هدومك و نامي كويس عشان نمشي بعد صلاة  
 الفجر في الروقان قبل زحمة المواصلات.  
 أجابت بإقتضاب:  
 \_تصبحو علي خير.  
 و ذهبت إلي غرفتها، فقالت منال بحنق:  
 \_أنت أي حاجة تقولك عليها البت، حاضر  
 ونعم! ، جري أي يا مصطفى، البت مش طبيعيه  
 مش روح بنتي الي عرفاها، وبصراحه مش  
 عيزاها تسافر عند أخواتك بحالتها دي.  
 طوي مصطفى الجريدة التي بين يديه و وضعها  
 فوق المنضدة قائلاً:  
 \_طالما ده هيخليها مرتاحة نفسياً فمفيش أي

مشكلة، أهم حاجة عندي راحتها ولو راحتها في  
آخر بلاد العالم هوديبها، ريحي أنتي بس نفسك،  
وشيلي أخواتي وسلايفك من دماغك.

وأطلق زفرة بتأفف ونهض تاركاً إياها تتمتم  
بكلمات توبيخ و توعده.  
\_وفي منزل إحدى أصدقاءه السوء في المدينة،  
يسير في الردهة بترنح يحتسي الخمر من  
الزجاجة مباشرة وفي يده الأخرى سيجارة  
محشوة بخليط من المواد المخدرة.  
\_أنا راجح الأنصاري، الي الكبير بيترعب مني  
قبل الصغير، أبويا يقولي أهرب.  
أشار له صديقه الثمل والمتمدد علي الأرض  
وبجواره لفائف سجائر وزجاجات خمر، قائلاً:  
\_يا عم بقي أتهد وأقعد بقي، من الصبح مصدع  
أمي وطيرت لي النفسين من نفوخي.  
أستدار له الآخر وأطلق صوتاً قذراً فقال:  
\_هو أنا كنت بتكلم معاك يا حليتها، أنا بتكلم مع  
نفسى.  
\_طيب ياريت تاخذ نفسك وتركنو في أي حطة  
بعيدة عني عشان مش ناقص صداع.  
رمقه راجح بتوعد وقال:  
\_طيب يا روح خالتك من هنا ورايح شوف مين  
الي هيشتريلك المزاج ولا الخمره الي بتطفحها  
دي، و أبقى روح مد إيدك لمرات أبوك الي

مقشطاه أول بأول.

ضحك الآخر بتصنع وقال:

\_أي يا عم كنت بهزر معاك، في أي ياصاحبي،  
أرغي براحتك، ولا أقولك أحكي لي تاريخ وأمجاد  
عيلتكو.

حدق نحوه بنظرة دونية من أعلي إلي أسفل ثم  
قهقه حتي توقف وتحولت ملامحه إلي شخص  
آخر، فقال لنفسه:

\_أبويا سابنا أنا وأمي لجدي وسافر الخليج  
عشان يشتري لنا بيت خاص بينا غير بيت جدي  
الي كان مليون مشاكل وخاصة من عمي  
الو.....

أغمض عينيه وهو يسترجع ذكري طفل في  
السادسة من عمره، كان يبحث عن والدته بعد  
عودته من المدرسة وإذا به يفتح باب غرفة  
والدته الخاصة بغتة حتي رأي ذلك المشهد الذي  
ظل محفور بذاكرته، عمه الذي كان بمثابة أبيه  
في أحضان والدته في وضع حميمي، شهقت  
والدته وأنتفضت من بين زراعي شقيق زوجها  
وهي تردد:

\_يالهوري، يالهوري، يخربيتك يا ناهد.  
نهض من جوارها ذلك الشيطان بصدرة العاري:  
\_بطلي ولوله، وسبيني أنا هاتصرف معاه  
بنفسي.

أقرب من الصغير ونظرات عينيه تنضح  
بالرعب حتي رأي بنطال الصغير قد تبلل وهو  
يتراجع إلي الخلف، يستعد للهروب، وقبل أن  
تتحرك قدميه إلي الخارج خطوة واحدة كان في  
قبضة هذا الوحش، كتم أنفاس الصغير وقام  
بربطه في التخت وكمم فاهه بقطعة من القماش  
حتي لاتصل صرخاته إلي الجد القعيد في الردهة  
خارجاً.

وبكل قسوة و عدم إنسانية تناول عصا غليظة  
وهبط بها علي جسد الصغير بلا رحمة، ولم  
يكتفي بذلك بل أمسك بالمقص والشفرة الحادة  
وأنهال علي رأس الصغير يقص خصلاته  
بعشوائية حتي أصبح رأسه حليقاً ومليئاً  
بالجروح والخدوش، وبرر فعلته لزوجته أخيه  
المتسمره في مكانها وخشيت أن تصيح وتمنعه  
حتي لايفتضح أمرها، قال لها:  
\_كده مش هيقدر ينطق ولا يقول الي شافه  
وحلقة راسه دي مش هتخليه يعتب بره باب الدار  
تاني.

\_ومن تلك اللحظة تحول الصغير إلي شخص  
آخر، قلبه مليئ بالحدق والكراهية، وبرغم إمتناع  
والدته عن أفعالها الآثمة وأخذت تتوسل إليه  
ليسامحها وقامت بإقناعه إنها قد تابت لكن لا تعلم  
بان ما رآه وحدث له علي يد عمه جعله ما هو  
أصبح عليه حالياً، بينما عمه ترك المنزل للأبد

قبل عودة أخيه وذلك بعدما أكتشف معرفة والده  
القعيد بعلاقته بزوجة أخيه و طلب منه بأن يرحل  
ويبتعد، خشيت ناهد من حماها وخاصة بعد أن  
قام بتهديدها، فقررت التخلص منه بتفريغ حقنة  
هواء في زراعته لم يتحملها وتوفي علي الفور،  
ولم تدرك أن صغيرها رأي فعل آخر لها أكثر  
قذارة و وحشية.

عاد من ذكرياته السوداء علي رنين هاتفه ليجد  
المتصل به والدته، فأجاب:

\_ الو.

\_ أنت فين؟!

\_ عايزة أي؟!

\_ عايزاك ترجع البيت، وتبطل صياحه عند  
أصحابك.

قهقهه بسخرية وقال:

\_ ويهمك أمري أوي كده، ولا ناسية الي عملتوه

فيا أنتي وعمي زمان يا ناهد هانم. !

\_ بقي كده يا راجح، طيب خليك عندك وأياك

ترجع عشان لو شوفتك هاموتك.

\_ زي ما موتي جدي. !

أوصدت المكالمة بدون أن تجيب، فهي تعلم إنه

في حالة ثمل شديدة، وخشيت إنه لو عاد يتفوه

بكلماته التي ستفتح عليها أبواب الجحيم.

\_تجلس بجوار نافذة السيارة تتابع في صمت، لا تعلم قرار ذهابها هل هو من الصواب أم كان قراراً متسرعاً وسيترتب عليه عواقب لا تحمد عقباها! !

أنتبهت علي حديث والدها وهو يقول:  
\_يلا يا روح يا حبيبتي، وصلنا وعمك مستنينا  
بعربيته.

ترجلت من السيارة ليتبعها والدها، فهما الآن في ميدان رمسيس وكان بانتظارهما عمها أو الحاج حسن كبير العائلة، أستقبلهما بالترحاب والعناق والفرح يكسو ملامحه، أخذهما بسيارته إلي منزله الذي يقع في مدينة حلوان وفي الطريق تبادل الشقيقان الحديث مابين السؤال عن الحال والصحة، كما أوضح مصطفى لشقيقه بأن إبنته تمت فسحة خطبتها وعلل بسبب كاذب حتي لا تحدث كارثة و يئثني له الوقت المناسب ويرفع القضية علي نجل الأنصاري لكنه منتظر إستقرار حالة إبنته النفسية بدلاً من أن يحدث لها إنتكاسة.

وصل الجميع إلي المنزل المكون من أربعة طوابق، فالطابق الأول تعود ملكيته إلي عمها الصغير طارق وهو يعمل في إحدي القرى السياحية في شرم الشيخ، و الدور الثاني يملكه الحاج حسن و زوجته فتحية و أولاده حبيبة و محمد و محمود، و الدور الثالث يسكنه عمها فايز

وزوجته محاسن ولديهم إبنتين لمياء و فرح،  
بينما الدور الرابع يعود لعمها سليمان و زوجته  
رحاب لم يرزقا بالأولاد بعد.

كانت فتحية زوجة الحاج حسن في إنتظارهم  
وبعد إلقاء السلام وتبادل المصافحة التي لم تخلو  
من نظراتها الفضولية علي هيئة روح.  
\_إلا مالك يا روح كده خسانه أوي وبقيتي  
معظمه، ده حتي المفروض فرحك الأسبوع  
الجاي.

قالتها فتحية ليزجرها زوجها بنظرة نارية  
لتصمت، فأجاب مصطفى:  
\_المذكرة والثانوية العامة بقي وبالنسبة للفرح  
محصلش نصيب الحمدلله.  
شهقت بتصنع وقالت:

\_ليه كده كفي الله الشر، ده إحنا كنا لينا قعده مع  
بعض تحكيلي فيها أي الي حصل.  
صاح بها زوجها:

\_حطي الفطار يا فتحية، وسيبي البنبت ترتاح  
من السفر.

\_الفطار جاهز يا حاج، هاحطو عقبال ما  
الجماعة يغسلو إيديهم ويغيرو.

قالت روح:

\_معلش يا طنط، مش هاقدر أفطر معاكو أنا  
هادخل أنام شوية.

فأجاب عمها:

- \_ أفضلي يا بنتي، أدخلي ريحيلك جنب حبيبة.  
لما تصحو أبقو أفطرو مع بعض.
- ولجت روح إلي داخل الغرفة ذات الأثاث البسيط  
وإبنة عمها تغط في النوم، تركت حقيبتها جانباً و  
خلعت وشاحها ثم تمددت جوارها، و لأنها  
مُستيقظة من قبل صلاة الفجر غلبها النعاس،  
فأسدلت جفونها الواهنة و ذهبت إلي العالم التي  
تتمني أن تمكث فيه وتبتعد عن واقعها البائس.
- \_ يتأمل مياه النهر الجارية، يري صورتها تطفو  
وهي تبتسم له ثم تحولت تلك الإبتسامة المشرقة  
إلي وجوم و وجه عابس وعبرة تساقطت من  
ذهبتيتها التي لن ينساها بتأ، أنتشله من لحظات  
تأملاته صوت لم يعتد عليه بعد، قائلة له:
- \_ عمرو، مالك من ساعة ما جينا وأنت سرحان  
ولا حتي عبرتني بكلمة.
- حدق إليها بامتعاظ و كأنه مُجبر علي جلوسه  
برفقتها، أجاب:
- \_ عايزاني أقول أي يعني يا مروة.  
بادلته بنظرة عتاب وقالت:
- \_ أول خروجة لعريس و عروسته بعد خطوبتهم  
وكتب كتابهم، المفروض يقولها أي، ده أنت حتي  
مهنش عليك تقولي أزيك، إمبراح قاعد جمبي في  
الكوشة ونازل عليك سهم الله والي يجي يباركلنا  
متردش عليه، لما خليت شكلي وحش وسمعت

## تعليقات سخيفة.

زفر بضيق وبنبلج علي ملامحه الضجر، قائلاً:  
 \_معلش ححك عليا، أصلي مضغوط في الشغل  
 اليومين دول وساعات بنطبق شيفتات زيادة،  
 فببقي مصدع و مش مركز خالص.

أقتربت منه و وضعت يدها علي يده قائلة باللهفة:  
 \_خلاص تعالي روح عندنا ريحك ساعتين أو  
 زي ما أنت عايز ولما تصحي نقضي باقي اليوم  
 مع بعض وأعملك الأكل الي بتحبه.  
 سحب يده مما جعلها تشعر بالحرج وقال:  
 \_خليها مرة ثانية أحسن.

جاء النادل يحمل كأسين من عصير المانجو  
 الطازج وطبقين يعلوهما قطعتين من الحلوي، قام  
 برص الكأسين والأطباق وقال:

\_ أي خدمات تاني يافندم؟.

أجاب عمرو:

\_ لاء، شكراً.

بينما هي نظرت إلي طبق الحلوي بإشتهاء  
 وقالت:

\_ الله، شكل التثيز كيك يجنن، أنا بحبه أوي.  
 غرزت الشوكة وحملت قطعه صغيرة وأبتلعها  
 بإستمتاع، فأردفت:

\_ أنا عارفة إنك بتحبه أوي، عشان كده هاتعلم  
 طريقته وأعمله لك لما نتجوز.

كان هو شارداً في موقف مشابه تماماً، عندما  
كان يتنزه مع روح برفقة شقيقته التي كانت  
تتركهم بمفردهما وتجلس علي بُعد مسافة تاركة  
لهما الخصوصية.

يقطع عمرو قطعة بالشوكة خاصته ويدها أمام  
فمها، فقالت له روح بخجل و وجنتيها شديدة  
التورد:

\_بتعمل أي، الناس بتبص علينا.

ضحك وقال:

\_واحد بياكل حبيبته الي هاتبقي مراته، فيها أي  
مبنعملش حاجه حرام.

\_عارفه بس بتكسف أوي، وبعدين مبحبش  
الجاتو.

\_طيب بتحبي أي وأنا هاجبهولك حالاً.

\_حاجة حلوة كده دوقتها في مرة عند واحدة  
صاحبتي، إسمها أي ياروح، إسمها أي، أه،  
أفكرت، إسمها تشيز كيك.

نهض و وقف وأنحني في عرض مسرحي قائلاً:

\_طلباتك أوامر يا مولاتي.

أعتدل وقام بالمناداة علي النادل، فجاء له  
مُسرعاً:

\_أمرك يافندم.

أجاب الآخر:

\_عندكو تشيز كيك؟.

قال النادل:

\_ اه يافندم، عندنا كذا نوع بالفروالة أو

الشيكولاته والمانجا وبالتوت.

نظر عمرو إلي روح وقال:

\_ بتحببته بالأبي؟

إبتسمت بسعادة وقالت:

\_ بالمانجا.

قال عمرو للنادل:

\_ أنتنين بقي وصاية وكتر المانجا.

او ما له النادل قائلاً:

\_ تمام يا فندم.

\_ عاد من شروده وتذكره للموقف القديم، ليجد

مروة تنهض وتلملم هاتفها وحقيبتها، تتمتم

بكلمات غير مفهومة، وهنا أنتبه إلي خطأه الفادح

وهو التجاهل.

أمسك معصمها وقال:

\_ بتعملي أي؟

جذبت يدها بحدة وأجابت:

\_ بعمل الي المفروض يتعمل من ساعة ما جينا،

وعماله أكلم فيك وأحاول أغيرلك مودك وبرضو

متجاهلني كأنني هوا قاعد أدامك.

قال لها بنبرة يستعطف سجيبتها وقلبها النقي:

\_ عشان خاطرني أقعدي بس و متفهمنيش غلط.

صاحت في وجهه بحنق:

\_ لاء فهماك صح يا ابن خالي، وأنت فاهم وأنا

فاهمة، بس كنت بقول لنفسى أصبري عليه يابت  
يا مروة لما يفوء من الصدمة الي هو فيها، لسه  
مش هينساها بسهولة ده مكنش بينهم خطوبة يوم  
ولا أثنين ده سنين غير عيشرة الجيره الي  
مايينهم.

أفرغ تنهيدة بقوة نابعة من أعماق صدره وقال:  
\_وفرتي عليا الي كنت هقوله لك، و زي ما  
قولتي كده بالظبط، فعلاً لسه منستهاش وقلبي  
مهوش كارت ميموري أمسح الي أنا عايزه وقت  
ما أحب.

أبتسمت بتهكم وتحذقه بنظرة سخط قائلة:  
\_ولما الحكاية كده، ليه جيت طلبت إيدي  
وعارف ومتأكد إن زي الهيلة هو افق، وطبعاً  
مرات خالي واثقة من كده، فقالت لما أجوزو بنت  
عمته العبيطه الي هاتموت عليه من زمان خليها  
تنسيه البننت الي كان خاطبها.  
كاد يجيب ولكن قاطعته بنبرة حادة قوية تتأر بها  
لكرامتها:

\_و لما أنت بتحبتها أوي، مكملتش معاها ليه!،  
ولا عشان الهانم خلاص مبقتش تنفع بعد ما  
بوظها لك ابن حامد الأنصاري وخلاك حديث أهل  
البلد.

و ما كان ينقصه تلك الكلمات التي حولته من  
حمل وديع إلي وحش ثائر أو يمكننا قول أصبح  
كالبركان الذي انفجر لتوه، تتقاذف من عينيه

الحمم والجمار المشتعلة، شعرت بللهيب علي  
وجنتها بعدما هبط علي وجنتها بصفعة قوية  
أخرج فيها ما يكمن من غضبه وهو يصيح بها:  
\_أخرسي.

غرث فاهها وأتسعت عينيها وكادت تخرج من  
محجريهما، و إنها لثوان مرت حتي أدركت ما  
فعله بها، صرخت به وهي تخلع خاتم الخطبة  
وألقته في وجهه:  
\_طلقني، أنا بكرهك.

\_و في اليوم التالي قام مصطفى بتوديع أشقائه  
متعللاً بعمله حيث لم يستطع التغيب عنه أكثر من  
ذلك، وترك لهم روح أمانة لديهم مع كثير من  
التوصيات عليها إلي شقيقه حسن وزوجته.  
بينما روح كانت تجلس مع ابنة عمها حبيبة التي  
تكبرها بعامين، وتدرس في الجامعة.

\_بجد مش مصدقة نفسي، يعني كان لازم عمو  
مصطفى يجيبك بنفسه وإلا كده مكنتش شوفتك  
خالص، ده غير طبعاً إن كلها أيام وهنتجوزي،  
وزي أصحابي مش هاشوفك غير في المناسبات  
وإن جوزك خلاكي تحضري.

قالتها حبيبة، فتبدلت ملامح روح من الإبتسامة  
إلي الحزن وهي تنظر إلي بنصرها في يدها  
اليمني فارغاً من خاتم الخطبة الذي ترك أثره ولم  
يزول بعد، ردت بتوتر:

\_متضايقيش ياستي، أنا قاعدة معاكي ومطولة

شوية، وبالنسبة للفرح خلاص، مليش نصيب  
أكمل.

عقدت ما بين حاجبيها بإستفهام، أقتربت منها  
وتساءلت:

\_ هو أي الي حصل؟.

رغماً عنها ذرفت عينها عبرة باللورية أنسدلت  
علي وجنتها، جعلتها تشيح وجهها وغير قادرة  
علي التحدث، وقفت حبيبة أمامها و رفعت  
وجهها من طرف ذقنها.

\_ روح أنا أسفة، وحقك عليا لو سؤالي زعلك  
وخلاكي تعيطي، بس أعذريني أنا سألتك عشان  
عارفه الي كان ما بينك أنتي وعمرو مكنتش  
مجرد خطوبة، ده حب عمره سنين، فافكره لما  
كنتي بترغي معايا بالساعات عنه و عن نظرات  
حبه ليكي لحد ما جه طلب إيديكي، كل ده راح  
إزاي!!

تريد الإجابة لكن ماذا ستقول!، ما حدث ليس  
بالأمر البسيط يمكن ذكره وكأنها قصة عابرة،  
فحبيبة صديقتها الثانية بعد أسماء و موضع ثقة و  
بئر أسرارها منذ الطفولة، ودت لو أن تحكي  
وتبوح بكل شئ لكنها تخشى تلك النظرة التي  
تجدها في أعين كل من يعلم بما حدث معها، هذه  
النظرة كالسكين المشتعلة فوق قطع الفحم  
المتوهجة، يمسك بها صاحبها ويغرزها بداخل  
فؤادها الواهن.

أفتح باب الغرفة و ظهرت السيدة فتحية لتتقذها  
من الإجابة علي سؤال حبيبة، لكن لهجة تلك  
المرأه أنبأت عن ناويها الخفية التي تضمها  
وتتظاهر بعكسها.

\_ والله عال، سايبيني طالع عيني في شغل الشقة  
و عمائل الأكل، والهوانم قاعدين يتساهرو.

تأففت حبيبة وقالت:

\_ مش الشقة دي لسه عملاهاك أول إمبارح  
ومخيلهاك فلة.

صاحت بها وهي تزجرها بنظرة حادة متوعدة:

\_ وأنتي بتسمي شغل الطسلا ده تروئي! ، أومي  
منك ليها وقسمو الشغل علي بعض وتلمو السجاد  
والمشايات وتغسلوها في المدخل.

أجابت حبيبة بسخرية:

\_ أي كل ده يا ماما هو العيد بكرة، وإحنا  
منعرفش. !

لكزتها والدتها بعنف وقالت:

\_ لاء يا حلوة يا أم لسانين، أهل خطيبة أخوكي  
محمد جايبين بعد بكرة، وبعدين هنا كل واحد  
لازم يخدم نفسه أنا مش الخدمة الي جبهالكو  
أبوكو.

ألقتت حبيبة إلي روح وهي ترفع أكامها عن  
ساعديها قائلة:

\_ معلىش يا روح أستتيني أخلص الي ورايا

وجيالك، متميش بقي.

صاحت فتحية بإعتراض وكان حدثت كارثة:

\_ ده مين دي الي تستناكي ومتممش! ، مش بنت  
زيها زيك، وده بيت عمها مش حد غريب، ده  
غير إنها مش ضيفة وقعدتها هتطول، يعني زيها  
زيانا في البيت وتروق وتكنس وتمسح وتغسل  
زيانا، ولا مبتعمليش مع أمك كده يا روح؟.

أجابت الأخرى وهي تزرد لعابها بتوتر:  
\_ طبعاً بساعد ماما، و من غير ما تقولي يا طنط  
كنت هساعد حبيبة.

\_ طيب يلا بقي خلصو بسرعة قبل ما عمك ما  
يطلع من الدكان، وأكون أنا خلصت الغدا.  
ذهبت فتحية، فأقتربت حبيبة من روح تربت  
عليها:

\_ حقك عليا أنا ياروح، لو كلام ماما زعلك، هي  
شديده وقويه بس قلبها طيب.  
شبه إبتسامة أنبلجت علي ثغرها وقالت:  
\_ واضح، واضح.

\_ وبعد عناء يوم من الأعمال الشاقة تمددت  
كثيهما علي التخت، زفرت حبيبة بتعب وقالت:  
\_ اه يا وسطي الي أتقطم في غسيل السجاجيد،  
وأنا كان مالي ومال أهل خطيبة أخويا الي  
جاينين.

قالت روح بتعب أيضاً:

\_معلش يا حبيبة، إحنا برضو كنا بنعمل كده  
برضو أيام ما كنت مخطوبة.

أستدارت لها الأخرى بإنتابه وقالت:

\_فكرتيني صح، قوليلي بقي سبب فسح خطوبتك  
ولو ده هيضايك خلاص، أعتبريني مسألتنش.

زفرت روح من التعب الجسدي والنفسي، فقالت:

\_هقولك، بس أو عديني الي هاحكيهولك سر  
ما بينا لحد ما أرتب أموري وأخذ حقي.

\_وفي الغرفة المقابلة، تتمدد فتحية بجوار

زوجها الذي يتصنع النوم هروباً من وصلة

ثرثرتها التي تنتهي بألم شديد في الرأس لم يزول  
ولو بألف فنجان قهوة.

\_أه ياني، جسمي أتدغدغ من شغل طول النهار.

تمتم حسن بدون أن توضيح كلماته إليها:

\_الي يسمعك مايشوفش البنات الي طلعتي  
عينيهم النهاردة وفكراني مش عارف، وليه

مفتريه أعوذ بالله.

مالت عليه وقالت:

\_بتقول حاجة يا حاج؟.

أجاب بصوت مصتنع يغلبه النعاس:

\_بقول أذكرك قبل النوم.

\_اممم، طيب كنت عيزاك في موضوع كده  
بخصوص بنت أخوك.

قال بدون إستدارة:

\_مالها، لحقتي تزهقي من قاعدتها!!

أجابت بإستنكار:

\_لاء، بالعكس جت في وقتها أهي هي والبت  
حبيبة يشيلو عني شغل الشقة شوية، أنا خلاص  
عضمتي كبرت ومبقتش قادرة علي طلباتكو زي  
الأول.

تمتم مرة أخري:

\_ده أنتي عليكي صحة تهد جبال، كلنا هانموت

وأنتي الي هاتفضلي عايشة في الآخر.

\_بصي لي كده وأنتبه ليا.

أستدار إليها بتأفف وقال:

\_أخلصي يا فتحية، عشان أنا صاحي من الفجر

وعايز أتخدم.

أجابت بإمتعاض:

\_مابراحة عليا يا حاج، الي هاقولهلوك فيه خير

لينا ولأخوك، بص بقي وأسمعي للآخر، الولاه

محمود خلاص قرب يخلص الجيش بعد خمس

أشهر ونازل أجازة الأسبوع الجاي، وبما أن

روح خلاص فسخت خطوبتها، أي رأيك ما

نخطبها للولاه، ونبني لهم شقه الدور الخامس، و

أهي بنت اخوك ومتربية علي إيدينا.

رفع إحدى حاجبيه الكثيفين وقال:

\_أنتي أصدك تجوزيها لإبنك ومنها تبقي ليكي

خدامة، صح؟.

\_أنا مقولنش كده، وفيها أي لما تخدمني أنا  
 هابقي حماتها غير أكون مرات عمها الكبير.  
 تنهد بسأم وضجر منها فقال:  
 \_أسمعيني أنتي كويس يا فتحية، أنا عارف  
 وأنتي عارفة إن منال عمرها ما هتديكي بنتها  
 وخصوصاً الي عملتية فيها زمان وبسببه خلتي  
 أخويا ميحيش يعيش معانا وبينني له شقة في  
 البيت وأشتري مننا حقنا في بيت أبويا عشان  
 يعيش فيه هو و ولاده ومراته ويكفيها من شر  
 أذيتك ليها، ولا ناسية سنتين العذاب الي عاشتهم  
 وأخويا يجري بيها علي الدكاترة وميعرفوش أي  
 الي عندها غير لما جابلها شيخ موثوق فيه و  
 عرف إن معمولها عمل أسود وقدر يعرف مين  
 الدجال الي ورا المصيبة دي و لولا أنه راح بلغ  
 عنه الحكومة وأعترف بمصاييه مكنش حد عرف  
 إنك الي ورا الي حصل ليها، كل ده بسبب الغيرة  
 والحد الي بنتظاهري إنهم راحو من قلبك، لكن  
 أنا متأكد إنك لسه مليانه بالسواد، والأمانة عايزه  
 البت لإبنك الي عارفه عمره ما هيعترض ولو  
 هيقولك كلمة لو شافك بتدبحي مراته أدام عينيه،  
 فأتقي الله يا فتحية، أنتي عندك بنت والدنيا سلف  
 ودين، يوم ليك ويوم عليك.  
 كانت تستمع إليه بصدمة، فأجابت بعدما أنتهي:  
 \_يا ليلة طين، أنت شايفني بالوحاشه دي كلها.

صاح يبوخها:

\_ أنا مش شايف حاجة أدامي وعايز أنام، أظفي  
النور وأتخمني.

وألتف للجهة الأخرى مُدثراً جسده بالغطاء،  
تاركاً أياها كالنيران المندلعة ولم تجد شيئاً تحرقه  
فأحترقت هي، قالت في داخل عقلها:

\_ وربي و ما أعبد ما هاكون فتحية بنت الجزار  
غير لما أجوز البت روح للولاه محمود إبني، ويا  
أنا يا أنت يا حاج!

---

## الفصل السابع

\_ يصدح صوت تلاوة آيات سورة الكهف من  
المآذن بأعذب الأصوات، فهذا يوم الجمعة يذهب  
الرجال إلي المساجد والإستماع إلي الإمام وهو  
يلقي عليهم الخطبة من حكم ومواظ و تفسيرات  
لأمور دينهم الدينية والدينية، و بعد الإنتهاء  
يُرفع أذان الإقامة فينهض الجميع ويصطفون في  
صفوف متساوية في إستعداد لأداء الصلاة.

وبالأعلي في منزل الحاج حسن، تُصيح فتحية  
بصوتها الجهوري علي الفتاتين:

\_ ما تقومي ياختي منك ليها، ولا مستنين  
الخدامة تحضرلكو الفطار وأنتو نايمين لي زي  
الهوانم.

نهضت حبيبة بتأفف قائلة:

\_ أستغفر الله العظيم أهو إبتدينا علي الصبح.  
نظرت تبحت عن روح وجدتها تؤدي فرضها في  
إحدي الأركان و قد أنتهت للتو، ونهضت وهي  
تقول بهدوء يشوبه السخرية:

\_ أومي يا حبيبة أتوضي وصلي الظهر،  
وحصليني قبل ما مرات عمي تدخل ترمينا من  
الشباك.

هزت الأخري رأسها وهي تضحك علي كلماتها  
فأجابت:

\_ أنتي بتقولي فيها، أومي وأنا عارفها لما بتهب

منها ممكن تعملها.  
-خرجت روح وتتصنع البسمه تلقى التحية علي  
زوجة عمها المتسلطة:

\_صباح الخير يا مرات عمي.  
رفعت الأخرى زوايه فمها بتهكم وأجابت:  
\_أصدك مساء الخير يا عينيا، فين المزغودة  
التانية، أدخلني أندهيلها وروحو حضرو الفطار  
زمان أعمامك خلصو صلاة و طالعين علي هنا.  
أومأت لها بدون رد وذهبت إلي المطبخ ،  
خرجت حبيبة من الغرفة متجهة نحو المطبخ  
أيضاً فوجدت روح تُعد الطعام، فأخذت تتمتم  
بصوت لا يسمعه سواهما:

\_كل يوم جمعة الموال الي ميخلصش ده،  
ومرات أعمامي قاعدين هوانم في شققهم  
مبينزلوش غير لما أعمامي يطلعو ويجو ياكلو  
علي الجاهز.  
قالت روح:

\_وفيها أي يا حبيبه! ، دول مهما كان ضيوف  
عندكم مش إزام ولا فرض عليهم ينزلو يعملو  
الأكل، وبتكسبي ثواب في إكرامهم.  
أجابت الأخرى بسخرية:

\_أسكتي يا روح أنتي متعرفيش حاجة، لولا بابا  
هو الي مجمعهم وحاكم عليهم يوم الجمعة ده  
مقدس الكل بيتجمع عندنا، كان زمان كل واحد  
بقي في حاله وأنا أرتحت.

\_برضو مفهمتش أصدك، يعني دي حاجة حلوة  
ولا وحشه، بس أنا شايفة لمة العيلة دي أجمل  
حاجة بتعمل ترابط وبتألف القلوب وتقربهم من  
بعض وبيفضل الود والحب ما بين الأخوات  
وعيالهم.

أجابت حبيبة وهي تقطع حبات الفلفل:

\_ده كان زمان يا روح، أيام ما كنا في البيت  
القديم في البلد ولما كان جدو وتيتا الله يرحمهم  
عايشين، دلوقت كل واحد فيهم يلا نفسي، ما  
أنكرش إن ماما أسلوبها يطفش مرات أعمامي  
منها حبتين أو نقول أربع حبات بس قلبها أبيض.  
رمقتها روح بإستنكار وفي داخلها قالت:

\_أنتي هتقوليلي، ده أنا من ساعة ما جيت وهي  
عماله ترمي لي كلام زي الدبش.

\_خلصتو ولا عاملين ترغو؟.

قالتها فتحية التي دلفت للتو، فأجابت روح:

\_أنا عملت البيض والقول والجبنه فاضل  
الطعميه هقليها قبل الأكل علي طول عشان

متبردش.

وقالت حبيبة:

\_وأنا بعمل السلطة أهو، وهاشي الببتجان  
بالتتبيلة.

أجابت عليهما وهي تلتقط مفرش حراري كان

مُعلقاً علي مشجب معدني في الحائط:  
 \_وأنا هاروح أفرش السفرة عقبال ماتخلصو  
 وتطلعو الأطباق، شكلهم طالعين علي السلم.  
 \_جلس الجميع حول المائدة ويترأسها الحاج  
 حسن، فكان وجهه مكفهر ولم يتفوه بحرف منذ  
 أن عاد من المسجد، بينما أشقائه الآخرين  
 يتبادلون الأحاديث مابين الأخبار والفكاهة، و  
 زوجاتهم تتحدثن مع روح التي تشعر بإنقباضة  
 في قلبها لاتعلم ماهية مصدرها لاسيما كلما  
 تلاقت عينيها بعينين عمها حسن لن تجد سوي  
 نظرات الغضب والتجهم.  
 نهضت باكراً قائلة:

\_الحمدلله.

قالت لها السيدة رحاب زوجة عمها سليمان:  
 \_كملي أكلك يا روح، ده أنتي مكملتيش ربع  
 رغيف.

أجابت بخجل:

\_أكلت وشبعت الحمدلله دي أكلتي.

فقال فتحية بأسلوبها اللفظ:

\_ياختي البنات اليومين دول ماسكين في أبصر  
 أي الي أسمه دايت، لحد ما بقو شبه خلة السنان  
 ويقولو لك دي الموضة.

ردت عليها السيدة محاسن زوجة فايز:

\_هم بيحافظو علي جسمهم بس أهم حاجة يكون  
 تحت إشراف دكتور تغذية عشان مياثرش علي

## الصحة.

قالت رحاب:

\_ فعلاً صح، مفيش أحسن من الواحد ياخد باله  
من صحته.

فقالت فتحية عن عمد:

\_ الكلام ده يا رحاب ياختي لواحد زيك كده ولا  
وراها عيل ولا تيل، لكن ياختي إحنا ورانا عيال  
عايزين صحة من حديد فلازم تاكلي وتتغذي.  
أكتسي الشحوب وجه الأخرى من كلمات سلفتها  
اللاذع، فهضت تاركة ما بيدها من طعام وقالت:  
\_ عن إذتك ياروح أنا طالعة فوق عشان حاسة  
بصداع، أبقي تعالي أنتي وحببية نقعد مع بعض  
شوية.

اومات لها وقالت:

\_ حاضر يا طنط.

غادرت رحاب المنزل و زوجها يرمق فتحية  
بإمتعاض ثم نظر إلي زوجها ليجده في عالم  
آخر، لكن محاسن لم تصمت لتقول:

\_ عمرك ما هتبطلي كلامك الجارح ده يا فتحية،  
ده أنتي عيالك علي وش جواز المفروض تعقلي  
كلامك قبل ما تطخي في وش الي آدامك وتراعي  
شعورهم.

نهضت هي أيضاً وقبل أن تذهب قالت:

\_ أبقي تعالي ياروح اقعدي معانا بيت عمك فايز  
مفتوحك في أي وقت.

أنفضت المائدة واحد تلو الآخر، وهم فايز  
بالمغادرة قائلًا:

\_ عن أذنك يا حاج حسن أنا نازل أقعد علي  
القهوة شوية.

وتبعه سليمان بالقول أيضاً:

\_ وأنا كمان نازل، خدني معاك.

وهنا تخلي حسن عن صمته الرهيب وقال:

\_ أستنتو عندكو، عايزكو في موضوع مهم.

كانت روح تشغل نفسها بجلي الصحن لتتجنب  
كلام زوجة عمها، وبينما هي شاردة صوت تلك  
الحيزبون أفرعها:

\_ بت يا روح.

أنفضت الأخرى، فأردفت زوجة عمها:

\_ عمامك عايزينك في أوضة الجلوس.

كانت دقائق قلبها البائس تفرع كالطبول، تركت

ما في يديها وقامت بغسلها من الصابون ثم

تجفيفها بالمنشفه، وذهبت تخطو بحذر وتاركة

فتحية التي يتأكلها الفضول خاصة بعدما حذرها

زوجها من الوقوف والتصنت وأن تلتزم غرفتها

ريثما ينتهي من هذا الإجتماع.

وقفت روح علي الباب بإستحياء، فأشار لها عمها

وقال:

\_ أدخلي.

وقفت أمامهم وتنظر لأسفل، فنظرات ثلاثتهم لا  
توحي بخير بتأ، لماذا يريدونها، هل علموا بما  
حدث!

قاطع حدسها صوت عمها الغليظ قائلاً:

\_ بصي يابنت أخويا من غير لف ولا دوران  
هسألك سؤال واحد وتجاوبي عليه.

أزدردت لعابها بخوف وتوتر، فأجابت بخوفت:  
\_ أنفضل يا عمي.

تنهد وكأنه يحمل ثقلاً كالجبل فوق عاتقه، قال:  
\_ ابن حامد الأنصاري غلط معاكي زي ما الكل  
بيحكي في البلد؟.

صاحت بدفاع عن نفسها عندما أدركت إتهامه لها  
بأن ما حدث كان بإرادتها وليس عنوة عنها:  
\_ لاء محصلش.

صمتت لثوان وهي تنظر ليديها وهي تفركهما في  
بعضهما البعض وأردفت:  
\_ وحصل.

أقترب منها عمها فايز والغضب يسطو عليه،  
صاح بها:

\_ هو أي الي حصل والي محصلش يابت، ما  
تجاوبي علي عمك عدل بدل ما أرزك كف  
يعدلك.

أمسك سليمان به لتهدأته قائلاً:

\_ أهدي يا فايز، وأسمعها للآخر.

ترقرقت دموعها علي وجنتيها وبصوت  
متحشرج قالت:

\_ هو خدني بالقوة وعمل الي عمله وصورني  
فيديو وبعته لخطيبي عشان يكسرنى ويكسرو  
زي ما كان بيهددني ديماً.  
لم تشفع لها عبراتها لدي قلوبهم القاسية، لطالما  
والدها عاني من صرامتهم وقسوتهم وعدم  
إنصافهم للمظلوم لذا أثر الإبتعاد عنهم وفضل  
المكوث في القرية تجنباً للمشكلات، كما إنه  
لا يريد خسارتهم، فهما أن كان سيظلون أخوته  
للأبد.

وبالعودة إلي التي تنتظر ردود أفعالهم حيث  
سوف يثارون لشرفهم وينتقمون من الطاغية  
راجح وأهله هكذا ظنت، ولا تعلم إنها ستلقي  
العكس، وإذا بصفعة هاويه هبطت علي وجنتها  
من كف عمها الغليظ، جعلها لم تري شيئاً سوي  
الظلام، فسقطت مُغشي عليها.

\_ وبمنزل عبدالحكيم تتعالي الأصوات ما بين  
شد وجذب وتوبيخ يتساقط كزخات المطر علي  
رأس عمرو الجالس علي الكرسي مُنكس رأسه  
وكفيه أعلاها، لا يريد أن يستمع لوصلة اللوم  
هذه.

\_ يا ميلة بختك يا ثناء في إبنك الي هيموتك  
بدري بدري.

صاحت بها ثناء، فقال عبدالحكيم:

\_كفاهه بقي يا ثناء نواح و ولوله، ابنك مش عيل  
صغير ولا هيرضي إنه يكسر كلمة أبوه، ولا أي  
يا عمرو؟.

تدخلت أسماء التي تعلم أن كلماتها لن يلق لها بالأ  
ولم يكثرث إليها أحد بل ستنال نصيبها من  
التوبيخ

\_بابا، ماما، ممكن تبطلو تضغطو علي أبيه  
أكثر من كده، أظن هو مسئول عن حياته  
وعارف بيعمل أي، ومنتسوش أنكو الي غصبتو  
علي مروة وأنتو متأكدين إنه لسه بيحب روح.  
زجرها والديها بنظرة تحذيريه وغاضبة في أن  
واحد، فصاحت بها والدتها:

\_أدخلي أوضتك بدل ما أمسيكي بعلاقة محترمة،  
الظاهر وحشك الخرطوم.  
تأففت بضيق وسأم:

\_أنا داخله، بس مش عشان أنا خايفه من  
تهديدك، عشان أرفت من التمثيليه الي عايشين  
فيها وظلمكو لأخويا ولصاحبتي والي يعتبرها  
أختي الوحيدة وجنيتو عليها زي راجح وأهله،  
حسبي الله ونعم الوكيل.

قالتها وأسرت للداخل، صاحت ثناء بغضب:  
\_بتحسبنا علينا يابنت، طب و ديني يا أسماء  
لأربيكي، وشوفي مين الي هيخليكي تقدمي  
للكلية.

قاطعها عبدالحكيم ممسكاً بيدها حتي لا تذهب  
خلف إبنتها وتتهور في عقابها:

\_ سييك من البت وخليكي في إبنك الكبير، الي  
بقول عليه العاقل سندي وضهري، لكن يا خسارة  
لاقيته زي النسوان بيبيكي علي واحدة لو كان  
كامل معاها كان زمانه مسخرة ومضحكة أهل  
البلد، رد عليا كنت هتعمل أي لما تمشو وسط  
الناس ويطلعلك واحد ولا واحده يلسنو عليها  
ويعايروك!

قالت ثناء:

\_ خلاص يا عبد الحكيم أهي راحت لحالها إحنا  
في بنت أختك الي الباشا بيستقوي عليها ورزعاها  
قلم أدام الناس وكمان كان غلطان.

\_ هي كلمة ومش هاعيدها تقوم تلبس وتأخذ أمك  
معاك، تروحو تجيبو هدية وتعدي علي عمك  
تراضي مراتك.

وقبل أن يتركهما أردف قائلاً بحسم:

\_ وتبلغهم يا ثناء إن في خلال الأسبوع ده إن  
شاء المولي هتكون شقتهم جاهزة من مجاميعه  
والفرح الخميس الجاي!

\_ بداخل عيادة النساء، حيث أمر الحاج حسن  
زوجته بأخذ إبنة أخيه إلي الطبيب كما أخذو منها  
هاتفها عنوة، وفي ردهة الإنتظار تجلس كل من  
فتحية علي كرسي ولم تبرح عينيها تلك المسكينة  
تجلس بين إبنة عمها حبيبة وزوجة عمها رحاب

تربت عليها حتي تكف عن البكاء، فقالت لها  
بهمس:

\_كفاية ياروح، الناس بتبص علينا والي مش  
فاهم هيفهم غلط.

رفعت فتحية زاوية فمها بتهكم وقالت:

\_يالهوري علي كهن البنات، يعملو المصيبة  
ويقعدو يعيطو.

زجرتها رحاب بنظرة نارية وقالت:

\_عارفه يا أم محمود لو مسكتيش هاتصل  
بالحاج يطلع ياخذك، مصطفى سابلكو البنات  
أمانة عندكو وعاملين تبهدلو فيها، منال لو  
عرفت مش هاتسكت غير لما تيجي تخربها علي  
دماغنا كلنا.

أجابت الأخرى بنبرة ساخرة:

\_ولما إحنا وحشين كده جيتي معانا ليه يا ست  
رحاب؟

\_جيت أقف مع الطفلة الغلبانة بدل ما أسبيها لك

تبهدلي فيها وبكلامك الي زي السم.

رمقتها فتحية بتوعد وقالت:

\_ماشني يا رحاب، أنا مش هرد عليك كلامي

هيبقي مع جوزك، خليه يشوف مراته الي

مبتحترم مش مرات أخوه الكبير.

أشاحت رحاب يدها بعدم إكتر اثنائك لتلك الحية التي

تبخ سمها كل حين وآخر وأخذت تكمل موااساة

روح وهي ما زالت تبكي بصمت وتخبأ وجهها

بكفيها.

خرجت الممرضة من غرفة الطبيب وقامت

بمناداتها:

\_ مدام روح مصطفى السيد.

نظرت إليها حبيبة بسخط وقالت:

\_ أنسة روح لو سمحت.

أشارت الممرضة لورقة التسجيل بيدها وقالت:

\_ المدام الي مسجلها عندي كده في الدفتر.

كانت تشير إلي فتحة التي تهربت من نظرات

إبنتها و رحاب.

نهضت روح بثقل وكأنها ذاهبة إلي غرفة

الإعدام، مسكت رحاب يدها لتطمأنها وكذلك

حبيبة، لكن فتحة أوقفت إبنتها ومنعتها من

الدخول وهي تكزها:

\_ داخله فين يا عين أمك، خليكي إستنينا بره مش

ناقصين جُرس وفضايح.

وأمسكت بهاتفها لتبلغ زوجها بأنهم ولجن إلي

داخل غرفة الطبيب، فصعد ليحضر ما سيخبرهم

به الطبيب بعد الفحص.

جلست روح مُنهكة القوي ومسلوبة الإرادة أمام

المكتب، فنظر لها الطبيب ثم إلي رحاب وفتحة

وإلي عمها ذو الملامح الصارمة، بدأ في كتابة

بياناتها قائلاً:

\_ حضرتك مدام روح؟.

كادت تجيب فقاطعها عمها وأجاب:

\_أيوه يا دكتور، روح تبقي مرات أبني وهم لسه  
عرسان جداد و زي ما حضرتك فاهم يعني....  
صمت لم يستطع أن يكمل كذبتة، تفهم الطبيب ما  
يريد قوله وظن إنها عروس بالفعل فقال موجهاً  
حديثه إلي روح:

\_حصل جماع بينكو كام مرة؟.

أتسعت عينيها الحمراتين من كثرة البكاء من  
جراءة هذا السؤال، فأجابت فتحية بتصنع وتمثيل  
مُنقن:

\_مقولنالك يا دكتور عرسان جداد، يعني بالتأكيد  
حصل كذا مره، إحنا بس عايزين زي ما  
حضرتك فهمت الحاج كده.

كانت رحاب تنظر لها بكراهية شديدة وودت أن  
تلتقط الخنجر الموضوع أعلى المكتب و تغرزه  
في لسان تلك الحرياء الملونة.  
أشار الطبيب إلي الممرضة وقال:

\_خدي الأنسة علي السرير ولما تجهز قوليلي.  
ربتت رحاب عليها وقالت لها بهمس:

\_أومي يا حبيبتي متخافيش هو بس هيتأكد إنك  
لسه بنت ولا لاء مش هيعملك حاجة تاذيكي.

همست لها روح بصوت متحشرج:

\_بالله عليكي يا أبله رحاب كلمي بابا، وقوليلو  
يجي ياخذني، حرام عليكو الي بتعملوه فيا.

عانقتها رحاب وأسدلت عينيها عبرة، تشفق علي  
 هذه المسكينة، فقالت فتحية:  
 \_ ما تنجزني يابت وبطلني دلع، ولا عايزه عمك  
 يكمل عليكي ويفرج الناس وتتفضحي أكثر ما  
 أنتي مفضوحة.

لكزها زوجها مزمجراً:  
 \_ فتحية، لمي لسانك بدل ما أخليكي تطلعي  
 تقعدي مع بنتك بره.  
 صعدت روح علي سرير الفحص وأستعدت كما  
 أمرتها الممرضة بوضعية التمدد حتي يتثنى  
 للطبيب فحصها.  
 و قد مرت ثواني الفحص عليها كمرور الدهر  
 علي أهل الكهف ، مع كم الشعور بالإهانة  
 والخجل والطبيب يتفحص عذريتها، ودت لو جاء  
 ملاك الموت وقبض روحها ويريحها من هذا  
 العذاب القاتل للنفس وللجسد.  
 أنتهي من الفحص و خلع من يده القفازات  
 المطاطية وقام بتعقيم يده بالكحول المطهر، ثم  
 ذهب إليهم قائلاً:

\_ واضح إن زوج مدام روح بيتعامل معاها  
 بتردد أو توتر وممكن يكون خايف عليها، غشاء  
 البكارة موجود بنسبة ٦٠٪ و مفيش داعي لتدخل  
 جراحي لفضه لأن نوعه (Septate hymen)  
 و النوع ده مش محتاج لأي عملية جراحية فمع

الممارسة كل شئ هيبقي تمام.  
 غادروا جميعهم العيادة وكل منهم في دائرة  
 عاصفة من الأفكار، ف روح تدعو الله أن  
 ينتشلها من براثن ظلم أعمامها بينما حبيبة كانت  
 حزينه علي حال إبنة عمها و ساخطة علي أفعال  
 والديها، وكذلك رحاب برغم إشفاقها علي روح  
 لكن تخشي أن تخبر والدها ويعلم زوجها بهذا،  
 وتمنت أن ما حدث يكون نهاية المطاف  
 ويرسلون الفتاة لأهلها.

ولدي كلا من حسن و زوجته كانت تدابير أخري  
 ينسجها الشيطان لهم ويرسمها بدقة بدون أدني  
 تفكير بأنهم هكذا يظلمون ويجيرون علي إبنة  
 شقيقه بدون وجه حق لهم.

\_ في منزل العمة توحيدة، تجلس ثناء في غرفة  
 مروة محاولة تهدأتها بشتي الطرق.  
 \_ يابت يا عبيطة متنشفيش دماغك، وخديه  
 بالمسايسه ده إبني وأنا الي عرفاه، عمرو  
 مبيجيش بالعند والتد بالند.

قالتها ثناء، فنهضت الأخرى بضجر وقالت:  
 \_ يعني يرضيكي يا مرات خالي يضر بني بالقلم  
 عشان جبت سيرة البرنسيسه الي كان خاطبها،  
 معني كده إنه لسه عاشقها ومش قادر ينساها.  
 \_ ما ده بقي دورك أنتي، خليه ينساها، إشغليه  
 بيكي، خليكي معاه في كل وقت حتي وهو في  
 شغله أهريه تليفونات وأطمني عليه كل شويه،

متخلهوش يشوف غيرك أنتي وبس.

زفرت بضيق وقالت بنفاد صبر:

\_حاضر، أمري لله و مبقاش مروة غير لما

أخليه ينسي المخفيه دي وإسمه كمان.

ربتت الأخرى بإبتسامه وفرحة:

\_عفارم عليكى يابنت توحيدة، أيوه كده أتعلمي

وخليكي ناصحة، و يلا بقي أومي ألبسي طقم

حلو من الي جابهملك عمرو وأطلي له مستنيكي

بره، عشان يعتذرلك، وجايبلك ورد وشيكولاته

والحاجات الهبلة الي بتحبوها يابنات اليومين

دول.

ضحكت مروة كالطفلة وقلبها يتطاير من الفرحة،

و نظرة عينيها تخبأ أمر ما تعقد العزم عليه.

\_وبالخارج في الردهة ينتظرها و في يده باقة

زهور بيضاء، وضعت عمته أمامه طبق حلوي

وكأس مياه غازية:

\_ما دام مش عايز تتعشي معانا، فكل حنة

الجاتو دي من عمايل إيدين مراتك واشرب معاها

الساقع.

أجاب ببرود:

\_شكراً يا عمتي.

خرجت مروة من غرفتها مُتصنعة ملامح الحزن

والآسي، فقالت والدتها:

\_تعالى يا مروة أقعدي جمب جوزك.

ذهبت بالقرب منه لكنها جلست علي كرسي  
مقابل له ويبعد عنه بمسافة متر أو أكثر، رمقها  
الآخر كما وصاه والده وألقي عليه تعاليمه  
الصارمه، حذق إليها بإبتسامة حاملة وقال:  
\_ عاملة أي؟.

أجابت بدون النظر إليه:  
\_ الحمد لله بخير.

نهض و أقترب منها وجلس علي الكرسي  
المجاور لها وأنحني بكامل جسده نحوها، يقدم  
الباقة إليها قائلاً:

\_ أسف حقك عليا، متز عlish مني، اليوم ده كنت  
مخنوق وعندي شوية مشاكل في الشغل.  
وضع الباقه في يدها واليد الأخرى أمسك بها  
وقام بتقبيلها.

\_ لسه ز علانة مني؟.

وكأي فتاة قلبها يهوي ويعشق، تراقصت بداخلها  
من السعادة وقبلته علي يدها جعلتها تمحو أي  
حزن كانت تشعر به.

دلفت ثناء وقالت:

\_ ها يا ولاد خلاص، أتصالحتو.

فأجابت توحيدة:

\_ هما ليهم إلا بعض، ربنا يبعد عنهم الشيطان  
ويتملمهم علي خير.

قالت ثناء:

\_ وبالمناسبة الحلوة دي أخوكي بيقولك في خلال

الأسبوع ده الشقه هاتبقي جاهزة من الإبرة  
للصاروخ ومنتشليش أي هم، والفرح هيبقي  
الخميس الجاي، أي رأيك؟.

\_ هو في رأي بعد رأي أخويا ربنا بياركله  
ويخليه لينا، طبعاً موافقه وخير البر عاجله.  
\_ بس علي شرط.

قالتها مروة بعدما نهضت وتعدت ساعديها أمام  
صدرها.

فأجاب عمرو بترقب لإجابتها:

\_ أي هو يا مروة؟.

إبتسمت بدهاء أنثي تريد أن تتأثر لكرامتها،  
فقالت:

\_ الفرح يتعمل في البلد عندكو وفي الساحة  
الكبيرة الي عند بيتكم!

\_ مرت ثلاثة أيام وهي سجينة غرفة ابنة عمها،  
ممنوع أن تخطو قدميها خارجها، هكذا أمر عمها  
حتي يُفكر فيما سيفعله بها، فالذي حدث لم يمس  
سُمعنها فقط بل سُمعة العائلة بأكملها، كلما تذكر  
حديث الرجل الذي قابله في صلاة الجمعة، فهو  
من إحدي معارفهم في القرية أخبره بما حدث  
لشقيقه وابنته والأقوال المتداولة علي الألسن  
وعائلة السيد قد تلطخ إسمها في الوحل، كما  
أقترح عليه هذا الرجل لإغلاق تلك الأفواه عليه  
بحل واجب النفاذ.

وفي مساء اليوم الرابع، أخبر زوجته بأنه سيأتي إليهم ضيوف وعليها أن تعد واجب الضيافة، وبالفعل كما أخبرها دوي رنين جرس المنزل وقام حسن بفتح الباب وإستقبال ضيفيه وفي إنتظارهما بالداخل أشقائه فايز وسليمان.

قام بمناداة زوجته:

\_ يا أم محمود.

لبت نداءه وعينيها نحو غرفة الضيافة تنظر للغرباء وأدركت من مظهر إحدهم هويتهم:

\_ أمرك يا حاج.

\_ أدخلني لبنت مصطفى وخليها تلبس حجابها

وتيجي عشان تمضي.

غرت فاهها وقالت:

\_ يعني الي جوه دول....

قاطعها بصرامة وأمر حاسم:

\_ ما تتجري روعي أعملي الي قولتلك عليه من غير لت وعجن، أعوذ بالله منك وليه.

أخذت تتمتم بدون أن يسمعها وذهبت تفعل ما أمرها به.

وبداخل الغرفة كانت تبكي بين زراعي حبيبة التي تقول لها:

\_ ماتخافيش يا روح، بابا سمعته الصبح كان

بيكلم أعمامي إنه خلاص لقي حل والله أعلم شكله

هيرجعك لعمي البلد وممكن ياخذلك حقك من

الكلب الي عمل فيكي كده.

أجابت روح بيبكاء مرير:

\_ قلبي بيقولي عكس كده خالص، أنا حاسة إن عمي بيحضر لي لمصيبة أكبر من الي المصيبة الي أنا فيها، وأنا كل الي طلباه منه هو وعمامي يسيبوني أروح لبابا وأوعدكو مش هحكيلهم علي أي حاجة حصلت، أنا عايزة أمشي من هنا.

\_ تمشي تروحي فين يا حلوة؟.

قالتها فتحية ساخره بعدما ولجت للتو، أنتفضت روح ونهضت قائلة إليها برجاء و توسل:

\_ بالله عليك يا مرات عمي خلي عمي حسن يكلم بابا يجي ياخدني أو أنا أروح لوحدي، أنا لو فضلت هنا يوم كمان ممكن أموت أو أنتحر. أحست فتحية بشعور الشفقة لأول مرة نحوها لاسيما بعد الذي عزم عليه زوجها وفي إنتظار هذه المسكينة بالخارج، فقالت:

\_ بالله عليك أنتي متعمليش مشاكل مع عمك، أنتي عرفاه طبعه صعب وممكن يخرب الدنيا، هو طلب مني إنك تلبسي وتطلعي له هو وأعمامك في أوضة الضيوف مستنينك. نظرت روح إلي أسفل بخيبة أمل، فقالت حبيبة كما ظنت:

\_ أي ده بابا هيرجعها البلد، ولا عمي جاي ياخذها؟.

رمقتها والدتها بنظرة تحذيرية لكي تصمت  
وقالت:

\_ بلا يا روح عشان قاعدين مستنينك.  
وبعد أن أعتدلت من ثوبها وأرتدت وشاحها  
وأمسكت بالحرمة تجفف بقايا عبراتها، ذهبت  
خلف زوجة عمها، وحينما وصلت إلي باب  
الغرفة تسمرت في مكانها عندما سمعت صوت  
شخص غريب يردد:

\_ وأنا قبلت زواج موكلتك روح مصطفى  
السيد...

توقف عقلها هنا يحاول إدراك ما يحدث، ولم  
تستوعب ما يجري، وحين دفعها عمها إلي  
المأذون الذي يعقد قرانها علي رجل لاتعلم من  
هو، وضع القلم في يدها وأجبرها غصباً وإقتداراً  
علي إمضاء عقد الزواج، وحينما أنتهي المأذون  
من الإجراءات تقدم نحوها عمها الظالم وقال لها  
بكل قسوة وحده:

\_ كان لازم نكتب كتابك علي راجل عشان العار  
والشرف وميتلطحش إسم العيله في الطين. !  
\_ تتمدد علي السرير بعد أن أصابها دوار  
وإنخفاض في ضغط الدم كاد يودي بحياتها، لكن  
أسعفها إحضار زوجة عمها طبيبة تمكث في  
العمارة المقابلة لهم، جاءت وقامت بفحصها  
وقالت:

\_ لازم يتعقلها محاليل فوراً، دي بتموت.

ذهب عمها وهو يشعر بخوف شديد، وبرغم ما  
أفترفه معها من ظلم وجبروت وعدم صون أمانة  
شقيقه لديه، أحضر كل ما قامت الطبيبة بطلبه  
من دواء وأدوات.

فقال متسائلاً:

\_ أرجوكي يا دكتورة طمنينا عليها.  
أجابت الطبيبة و تغرز حقنة المحلول بالوريد:  
\_ أنا علققتها المحاليل و كل شويه هتابعها، بس  
هي لازم تروح للمستشفى هناك التخصصات  
اللازمه عشان نحدد الي عندها بالظبط ونعالجها  
صح.

قالت فتحية:

\_ جيب العواقب سليمة يارب، ربنا يقومك  
بالسلامة يابنتي، ويسامح الي كان السبب.  
و خارج الغرفة جاءت رحاب وهي تصيح  
بغضب وتتهرهم جميعاً بما فعلوه، فهي كانت  
لاتعلم بل كانت في زيارة لدي والدتها وجاءت  
للنو

\_ حرام عليكم، ربنا يمهل ولا يهمل، وذنّب  
البنت دي في رقبتكو، ومش بعيد يترد لكو في  
ولادكو.

صاح بها زوجها سليمان:

\_ أتلمي يا رحاب وملكيش دعوة بالي بيحصل،  
دي بنت أخونا وإحنا أدري بمصحتها.

دفعته في صدره ورمقته بإزدراء وقد طفح الكيل  
 بها من أفعاله وضعف شخصيته أمام شقيقه  
 \_أبعد عني، أنا خلاص قرفت منك ومن  
 شخصيتك الضعيفة وماشى لدول ورا أخواتك،  
 يممين، يممين، شمال، شمال، يظلمو تظلم معاهم،  
 وتيجو علي بنت لا حول ليها ولا قوة من غير  
 حتي ترجعو للرجال المسئول عنها هو أبوها و  
 الي ليه حق يتصرف معاهها، لكن طبعاً إزاي ده  
 يحصل والحاج حسن موجود، عينتم نفسكم  
 القاضي والجلاد ونازلين سلخ في البنبت زي  
 الدبيحة، بس أنا خلاص مش هاسكت.

نظر إليها بتهديد وقال:

\_و ناويه تعملي أي يا رحاب؟ ، شكلك عايزة  
 تتطلقي لو الي في بالي ده الي عايزه تعمليه.  
 صاحت به وبكل قوة:

\_أنا فعلاً مش هستني معاك دقيقة واحدة لأنك  
 سقط من نظري.

هبط بكفه علي وجهها، وكان الجميع يشاهدون ما  
 يحدث، فأستغلت حبيبة إنشغالهم وأخذت هاتف  
 والدتها وخبأته في طيات ثيابها وأسرعت تختبأ  
 في المطبخ، قامت بمهاتفة رقم عمها مصطفى،  
 أعطي لها رنيناً تنتظر إجابته بنفاذ صبر وقلة  
 حيلة حتي كادت تغلق لكن صوت عمها المُجيب  
 بقلق:

\_ الو، أزيك يا أم محمود، روح بنتي بخير ولا؟  
أجابت حبيبة وتلفت من حولها قبل أن يراها  
أويسمعا أحد:  
\_ أنا حبيبة يا عمو، تعالي ألحق روح بسرعة. !

---

## الفصل الثامن

\_ أنتو إزاي جالكو قلب وتعملو كده في بنتي يا  
حسن. !

صاحت بها منال بحدة و غضب، فبادلها الآخر  
بنظرة تحذيرية ثم نظر إلي مصطفى شقيقه  
وقال:

\_ جري أي يا مصطفى جايبلي مراتك تعلي  
صوتها عليا في بيتي.

أجابت بنفس وتيرة غضبها المستطير:

\_ ده أنا هعلي وهفضكو وهاخذ بنتي وهاروح  
أشتكوكو في القسم.  
صاحت فتحية:

\_ ما تهدي علي نفسك يا منال، الحق علينا سترنا  
علي بنتكو من الفضيحة وبعد ما حطت راس  
أبوها وأعمامها في الطين.

كادت تجيب لكن قاطعها مصطفى وقال:

\_ بنتي مغلطتش يا أم محمود، بنتي مجني عليها  
و كل الي بيتقال في حقها ده كذب في كذب  
وحسبي الله ونعم الوكيل في كل الي ظلمها سواء  
بقول أول فعل.

\_ وأفترضنا إنه الي حصلها غصب عنها زي  
مابتقول، كان لازم نشوف حل للمصيبة دي وأنا

و أخواتك ملقناش حل غير إننا نخلي واحد يكتب  
عليها ويطلقها بعد كام يوم عشان نسكت أي كلب  
يتكلم، وتبقي تقدر ترفع راسك أدام أي واحد يجي  
يطلبها منك وتقوله دي كانت متجوزه مش  
لامؤاخذه...

قالها حسن وصمت، فأجابت منال:

\_ قطع لسان أي حد يجيب سيرة بنتي بكلمة  
بطاله، وأنتو تقرر علي أساس أي؟ ، أنا وأبوها  
لسه عايشين مموتناش، بنتي أخوكو سابها عندكو  
أمانة وأنتو طلعتو مش أهل للثقة، ولا طلعتو أهل  
أصلاً.

صاح حسن:

\_ سامع مراتك يا مصطفى عماله تغلط في  
أخواتك وأنت واقف وساكتلها.

رمقه مصطفى بنظرة خذلان وخيبة وندم وقال:  
\_ أخواتي! ، يمكن الكلمة دي كانت قبل الي  
تعملوه في بنتي، لكن بعد الي حصل أنسو إن  
ليكو أخ، أعتبروني مُت، ولولا أبوكو الله يرحمه  
كان زماني قدمت فيكو بلاغ.

\_ هو ده الي ربنا قدرك عليه يا أخويا. !

قالها حسن

أجاب مصطفى بنبرة جادة ويتخللها البرود:

\_ ده لو كنت أخوك، كنت عملت حساب للكلمة  
دي من زمان، من وقت ما مراتك أذت مراتي،  
وقت ما كنت أنت عايزني أعيش تحت رحمتك

وتمشيلي حياتي علي مزاجك، ودلوقتي بكل  
جبروت وظلم جنيت علي بنتي وحكمت عليها  
من غير رحمة ولا شفقة.

صاح به حسن:

\_ مش بنتك لوحدك، الي يمسخها يمسخنا، يمسخ  
العيله كلها.

\_ وهي فين العيلة دي يا حاج حسن!  
الكل ألتقت إلي صاحب الجملة الأخيرة الساخرة،  
فقال فتحية بذهول:

\_ طارق!

ولج من باب المنزل شاب في بداية الثلاثينات من  
عمره يشبه أخوته في الملامح لكن أكثر وسامةً  
وشباباً، وقف في مواجهتهم جميعاً وقال:  
\_ أي؟ ، مش متوقعين إن ممكن أجي عشان  
أشوف المصيبة الي دبروها ونفذوها أخواتي  
بقيادة الحاج حسن!

حذق حسن بتجهم نحوه وقال:

\_ مين الي قالك؟

أجاب طارق:

\_ أو مال مكنتش عايزني أعرف، عشان عارف  
إن أنا هعارضك وهرفض الي عملتو في بنت  
أخونا الي كلنا عارفين تربيتها وأخلاقها، و عقلك  
وتفكيرك العقيم بدل ما يخليك تفكر تعاقب الجاني  
وتأخذلها حقها من الي عمل فيها كده، رايح  
تظلمها أكثر وتجني عليها كأنها مُذنبه.

\_ والله وجه اليوم يا طارق الي تعلي فيه صوتك  
و واقف بكل بجاجة راس براس في وش أخوك  
الكبير الي وقف جمبك و كان بيعملك إنك ابنه  
مش أخوه ويس.

\_ أنا الي عملت نفسي، أنا الي شقيت وسفيت  
التراب لحد ما خلصت بُنا شقتي و أتغربت في  
محافظة تانية عشان أقدر أتجوز و أفتح بيت من  
غير ما أستنتي إحسانك و عطفك عليا، بس ده مش  
موضوعنا دلوقت، أنا كل الي يهمني من الليلة  
دي كلها بنت أخويا الي يعلم ربنا معزتها في  
قلبي وكأنها بنتي الي مخلفتهاش، أنا راجع  
وحالف إن مش هاسيب حقها.

قال حسن بسخرية:

\_ أي ناوي تنتقم مني؟.

أجاب بثهكم:

\_ أنت وفايز وسليمان بالنسبة لي أخوات بالأسم  
ليس إلا، لكن بالنسبة للإنتقام مبقاش راجل لو  
ماخدتش حق روح من ال..... الي عمل فيها  
كده هو وعيلته.

قالت منال والبكاء والشجن يتخللا نبرتها:

\_ و دول حد يقدر عليهم يا طارق!.

أقترب منها ووقف أمامها وبكل ثقة وقال:

\_ أنا أقدر، وكله بالقانون يا مرات أخويا.

\_ وفي سيارة طارق، تجلس منال برفقة إبنتها  
 في المقاعد الخلفية، و مصطفى يجلس بجوار  
 شقيقه الذي يقود وينظر كل حين والآخر عبر  
 المرآة علي وجه روح الشاحب ونظرتها المتبلدة،  
 لا حياة في عينيها وكأنها جسد خاوي.  
 أراد أن يقطع هذا الصمت القاتل، فقال:  
 \_ أنا علي فكرة قبل ما أجي عرضت الموضوع  
 علي محامي صاحبي، قالي متقلقش إحنا لو قدمنا  
 بلاغ ورفعنا القضية فبالأكد هيطلبو تقرير  
 الطب الشرعي وبيه هنتبث واقعة الإعتداء.  
 ربت مصطفى عليه بشكر و عرفان قائلاً:  
 \_ تسلملي يا أخويا، بس أنا سابقتك قبل ما أعرف  
 الي حصل وكلت محامي معرفة تبع واحد  
 صاحبي في الشغل، حتي لما قابلته وشرحتله  
 ظروفه وهاخذ أتعابه بعد ما نكسب القضية.  
 \_ وأنا مش عايزك تقلق من ناحية الفلوس، الي  
 أنت هتطلبه تحت أمرك فيه، روح بنتي زي ما  
 هي بنتك، وحقك عليا علي الي عملوه أخواتك،  
 أقسملك لو كنت موجود مكنش حد فيهم أتجراً  
 يقربلها.

تدخلت منال قائلة:

\_ عارفين والله يا طارق، يعلم ربنا معزتك  
 و غلاوتك في قلوبنا مش مجرد عم ولادي  
 بالعكس أنت غلاوتك من غلاوتهم، كفاية وقوفك

جذب مصطفى لما تعبت وفضلت تلف معاه في  
المستشفيات بيا وترجع تقعد مع الولاد وتراعيهم.

إبتسم بإمتنان وقال:

\_ متقوليش كده يا أم روح، إحنا أهل ولو أنا  
موقفتش مع أخويا في وقت الشده مين الي  
هيوقف معاه، الغريب مثلاً!

رفعت جانب فمها بتهكم وقالت:

\_ والله ما جت من إخوانك حتي السؤال كانوا  
مستخسرينو.

أستدار مصطفى برأسه إليها موبخاً إياها:

\_ ما خلاص بقي يا منال، وفضيها سيرة، ربنا  
يسهلهم ويبعد عننا أذاهم.

رد طارق:

\_ أحسن دعاء ليهم ربنا يديهم علي أد نيتهم  
وحسبي الله ونعم الوكيل.

نظرت منال نحوه وكأنها تذكرت أمراً ما وقالت:

\_ ألا قولني، أنت عرفت إزاي الي حصل، إحنا  
لولا البت حبيبة الي خسارة في أهلها أتصلت  
علي مصطفى مكناش نعرف أي حاجة.

تنهد طارق وأجاب:

\_ رحاب أتصلت بيا وحكتلي علي كل حاجه،

بس الي فهمته إنها عند أهلها، سليمان كالعادة

عشان يراضني حسن أتخانق معاهها ومد أيده

عليها كل ده عشان أعترضت علي الي بيعملوه.

زفر مصطفى بضيق وقال:

\_ لا حول ولا قوة إلا بالله، طول عمرها حقانية  
مبتحش الظلم ولا الحال المائل، وبرغم كده  
إستحملت سليمان سنين كفاية بعد ما عرفت إن  
تأخير الحمل من عنده كملت وصبرت معاه،  
وياريت بيقدر ده بالعكس بيجي عليها، وممكن  
بيبعها في ثانية لو حسن قاله يعمل كده.  
أَلقت منال نظرة علي أبنتها قبل أن تتحدث  
فوجدتها مغمضمة العينين، يبدو إنها تغط في نومٍ  
عميق.

وبعد ساعة وصلو أمام المنزل، فقامت بإيقاظ  
إبنتها تربت عليها:

\_ اصحي يا حبيبتي، خلاص وصلنا.  
لارد منها، وضعت منال يدها تتحسس وجنتها  
لتجد حرارتها منخفضة، صاحت بخوف:

\_ روح، روح.

\_ في أي يا منال، البننت مالها؟.

أجابت وهي تتفحص حرارة جبهتها ويدها:

\_ بنتك مبتصحهاش، وجسمها مثلج.

وبعد أن ترجل طارق من السيارة دلف إليها مرة  
أخري وصاح مسرعاً:

\_ مستنين أي، يلا ناخذها علي أقرب مستشفى.

وأنطلق بالسيارة علي أقصى سرعة، بينما

والدتها تحاول أيقاظها والأخري كأنها كالموتي لم  
تستيقظ بعد.

\_و في المشفى التابع لمركز المحافظة، خرج الطبيب من غرفة الفحص بعدما قام بمنع دخول أي منهم حتي يتثني له الفحص بدون إزعاج وكان معه ممرضة.

أسرع ثلاثتهم نحوه فقال طارق بللهفة:

\_روح مالها يا دكتور؟.

أجاب الطبيب بجدية:

\_أطمنو، هي بخير الحمدلله، الإغماء الي عندها طبيعي جداً، وعملتلها فحص كامل زي ما حضرتك طلبت وهاكتبلكو تقرير بكده.

قالت منال بحزن وأسي علي إبنتها:

\_طبعاً لازم ياعين أمها يغمي عليها من الي حصلها والظلم الي شفته، ومكنتش بتاكل، منهم  
الله.

أجاب الطبيب:

\_هي فعلاً شكلها مكنتش بتاكل و ده واضح

عليها وممكن كمان عندها إنيميا، أنا علقتلها

محاليل، لكن السبب الرئيسي للإغماء إنها حامل.

شهقت منال وهي تضرب بكفها علي صدرها،

بينما طارق أبتلع لعابه بصعوبة وهو يتلقي الكلمة

غير مصدق، لكن مصطفى كان أسوأهم حالاً،

أخذ يردد الكلمة علي طرف لسانه وبدأ يشعر

بدوار و وخز في أطرافه اليمني يليه بخدر،

يتراجع إلي الخلف حتي أرتمي علي المقاعد فاقداً

وعيه، ألتفت جميعهم إليه، وصرخت زوجته  
مسرعة نحوه:

\_مصطفى!\_

\_ولج إلي المنزل يجر حقيبة سفر صغيرة خلفه،  
فوجد والدته وشقيقته يجلسان أمام التلفاز، فقالت  
والدته بعدما تفاجأت:

\_أنت أي الي جابك؟\_

لم يجيب عليها وأكمل سيره إلي غرفته، ذهبت  
خلفه والغضب ينبعث من عينيها، قامت  
بإستدراته عنوة عنه لينظر لها مباشرة وصاحت  
به:

\_في أي يالاه، أنت خلاص مبقاش يهكم حد،  
لما أكلمك ترد عليا.

نفض يديها بغلظة من علي عضديه وصاح بها:  
\_ملكيش دعوة بيا، وأحسن لك تتجنبني خالص،  
ولا أقولك إعتبريني هوا.

أنفضت وتراجعت إلي الخلف لكن لم تظهر له  
خوفها من ما أدركته من مغزي كلماته وتهديده  
الصريح لها فقالت:

\_مش أبوك محذرك إنك تيجي هنا، لحد ما  
هيشوف عملتك الهباب دي هترسي علي أي.  
حمل الحقيبة وألقاها أعلي التخت بعنف وقام بفتح  
السحاب قائلاً:

\_والله مش المفروض أنا الي أسيب بيتي، هم  
الي يسيبو بيتهم، ده لو أبوها راجل عنده كرامة

و ذرة رجولة كان خد بنته وأبنة ومراته وعزله  
من البلد.

رمقته بإزدراء وقالت:

\_ يا بجاحتك يا أخي!، أنا لو مكان أمها وجه  
حثة عيل صايح شمام زيك وعمل في بنتي كده،  
ما كان يهمني حد وكلته بسناني حنت.

فتح الخزانة خاصته وقام بإلقاء ثيابه بداخلها،  
فقال بسخرية:

\_ الي يسمعك ميشوفكيش وأنتي واقفه بتردحيلهم  
وتدافعي عني وعارفه إبنك غلطان.  
صاحت قائلة:

\_ بدافع عنك عشان إبنني الي محلتيش غيره.  
نظر إليها من أعلي إلي أسفل بإشمزاز وقال:  
\_ وكنتي فين لما سبتيني لعمي يعذب فيا بعد  
ما.....

أسكته بكم فمه بكفها و قالت بصوت منخفض:  
\_ أخرس يا حيوان، أقسم بالله لولا إنك إبنني كان  
زماني....

صمتت وهي تزجره بعينيها نظرة مرعبة، لكن  
لم تأثر به، بل دفع يدها وقال:  
\_ كنتي زمانك قتلتيني زي ما قتلتني جدي.!

عم الصمت بينهما وكل منهما يرمق الآخر  
بنظرة عدائية قاطعها دخول حامد الذي جاء للتو

من الخارج، قائلاً:  
 \_بتعمل أي عندك يا ض؟، مش قولتلك تغور  
 علي أسكندرية ومشوفش وشك غير لما الدنيا  
 تهدي.

أجاب الآخر بسفاقة وعدم حياء:  
 \_والله أنا أقعد في أي حتة تعجبني، والي مش  
 عاجبه الحيطان كثير يروح ينقي الحيطه الي  
 تعجبه ويخبط راسه فيها.  
 زجره والده بغضب عارم، دفعه في صدره ثم  
 أمسك تلايبه بعنف:  
 \_مين ده يا ابن ال..... الي يخبط راسه في  
 الحيطه.

أمسكت ناهد بيده وقالت:  
 \_بالتأكيد مش أصدك أنت يا حاج، هو يقصد  
 مصطفى وبنته.

نفض يده وهو يرمقه بتقزز وقال:  
 \_ماشني يا راجح، لما هاشوف أخرتها معاك،  
 بس لو الموضوع وصل لبوليس ومحاكم مش  
 هارحمك، أي نعم هعمل كل حاجه عشان  
 متمسجنش بس الي هعملو فيك مي جيش واحد من  
 مليون الي كنت هاتشوفه في السجن، هخليك  
 تتمني تسلم نفسك للقسم عشان يرحموك مني،  
 كنتك داهية فيك وفي أمك الي بدل ما تربيلي  
 راجل، ربتلي مره.

تركهما و غادر الغرفة، ففتنفت ناهد الصعداء  
وقالت وهي تكلزه في زراعه:

\_عجبك كده، مينوبنيش من وراك غير  
التهزيق، أبقى إستحمل وش أبوك الثاني،  
وأجارك الله من قلبته.

قالتها ثم بصقت نحوه و ذهبت تاركة الآخر في  
نيران غضبه، نهض وصفق الباب خلفها وأخذ  
يلقي بكل شئ أمامه.

\_وبالعودة إلي المشفى مرة أخرى، يقف كل من  
طارق و زوجة أخيه أمام غرفة العناية المركزة.

فقالت منال وهي تبكي:

\_كان مستخبي لنا فين ده يارب.

أوقفها طارق ونهرها قائلاً:

\_أستغفري الله يا أم روح، كل ده قضاء وقدر  
وفي نفس الوقت إختبار من ربنا و عليكم بالصبر  
وبإذن الرحمن هيقوم بالسلامة و هنتظن علي  
روح و هنجيب حقها كمان.

جلست علي المقعد الحديدي بقلة حيلة وبقوي  
منهكة:

\_أنا كل الي يهمني دلوقت إنهم يقومو بالسلامه،  
مش عايزه حاجه ثاني.

خرجت الممرضة من العناية وقالت لهما:

\_لو سمحت يافندم أنت و المدام ممنوع التواجد  
أدام غرف العناية، أفضلو أنزلو تحت في  
الإستقبال.

قال طارق:

\_إحنا عايزين نطمئن علي أخويا الأول.

أجابت الأخرى:

\_لو أصدك الأستاذ مصطفى الدكتور معاه جوه،  
والي عنده ده بسبب ضغطه أرتفع فجاءه وكانت  
هتحصل جلطة بس الحمد لله لحقناه ، والدكتور  
بعد ما يخلص مرور علي المرضي هيقابلكو ،  
يعني في كل الحالات وجودكو هنا مش هيفيدو  
أنفضلو أستنوا تحت وأحنا هنبعت حد يبيلغكو أول  
ما الدكتور يخلص.

أخذت منال تردد وهي تحاول أن تستوعب ما  
قيل للتو:

\_يارب أنت الشافي، يارب قومه لي بالسلامه  
أحنا ملناش غيره.

أقترب منها طارق و ربت عليها قائلاً:

\_يلا يا أم روح تعالي ننزل نستني أدام الأوضة  
الي فيها روح، خليكي معاها وأنا هابقي أطلع لما  
الدكتور يخلص.

\_عزيزاك تتصل برامي وتبلغه بالي حصل لأبوه  
وخليه يجي بدل ما يقعد لوحده في البيت.

\_متقلقيش عليه، أنا هاسيبك مع بنتك وهاروح  
أطمئن عليه وهاجيبه معايا وهاجيب لنا أكل  
وشوية لوازم.

\_وبعد مرور يومان أستردت روح صحتها  
 للأفضل، بينما مصطفى أمر الطبيب بإبقائه في  
 العناية تحت الملاحظة ، ولأن من قوانين المشفى  
 عدم المبيت لأكثر من مرافق، فانتظر طارق  
 بعدما أوصل زوجة أخيه و ولديها إلي المنزل.  
 وفي اليوم الغير مناسب لما يحدث، كانت روح  
 تمكث في غرفتها وبعد أن علمت بخبر حملها  
 لاتعلم ما تلك الحالة الغريبة التي أصابتها، تحاول  
 إقناع نفسها إنها بداخل كابوس ولم تستيقظ منه  
 بعد.

شقيقها جاء من الخارج يحمل أكياس من الطعام  
 الجاهز، و والدتها وعمها كانا في المشفى.  
 قام رامى بمناداتها:

\_روح، يا روح، تعالي أنا جبتك الكفتة والرز  
 البسمتي الي بتحبيهم.

فتحت باب غرفتها وخرجت متجهة نحو المطبخ  
 فأوقفها أخيها وقال:

\_متجيبش حاجة، كله موجود في أطباق، أغسلي  
 إيدك أنت بس وتعالي.  
 أو مات له وقالت:

\_طيب ياريت ناكل بسرعه عشان نلبس ونروح  
 نظمن علي بابا، عمو لسه قايلي إنه خرج من  
 العناية الحمدلله.

تناول كليهما الطعام ثم قاما بتبديل ثيابهم  
والإستعداد للذهاب إلي المشفى، وحين أغلقت  
روح باب المنزل بالمفتاح جيداً، وأستدارت  
تفاجأت بهذا المنظر.

العديد من فروع المصابيح الملونة في كل مكان  
تتوسطها عدة ثريات متدلّية من أوتاد خشبية  
ضخمة ملفوفة بقماش الخيامية المزركشة، فُئات  
الخشب الملون يفترش أرض الشارع من أوله  
لآخره، والطاولات متراسة وحول كل منها  
كراسي موضوعة بنظام، و إذا بعينها تقع علي  
منصة مرتفعة مُزينة بأقمشة من الحرير والتول  
والورود يعلوها أريكة مخملية علي جانبيها  
إضاءة خافتة تكمل هذا الديكور المعروف في  
حفلات الأعراس، بدأت الموسيقى والزغاريد  
تعلو فتسمرت في مكانها، ربت شقيقها عليها  
وقال:

\_يلا يا روح عشان منتأخرش.  
وقبل أن تتحرك قدميها، ظهرت لهما ثناء تلك  
الهرباء وتعمدت أن تقول:  
\_أزيك يا رامي، أبوك عامل أي دلوقت؟  
رمقها بسخط وأجاب بإقتضاب:  
\_كويس الحمدلله.

فقالته بدهاء وخبث ونظرات تشفي في عينيها  
نحو روح التي أشاحت وجهها إلي الجهة  
الأخري:

\_معلش بقي كنت أنا وعمك عبدالحكيم هنيجي  
نزوره في المستشفى، بس أديك شايف عقبال  
لينتك كده، عمرو إبني النهارده فرحه علي مروة  
بنت عمته.

تصنعت روح عدم اللامبالاه لكن بداخلها يعتمر  
ألماً وقهراً، بينما رمقها رامي بإزدراء وقال  
بتحكم قبل أن يمسك بيد شقيقته ويذهب مسرعاً:  
\_ربنا يجعلها آخر الأحران.

سمعت ثناء ما قاله لتعيد الجملة في ذهنها وقالت  
بحنق:

\_ آخر الأحران في عينك يا بعيد.

\_توالت الأيام وبعد أن أسترده مصطفى صحته  
وعافيته قرر أن يثار لإبنته عن طريق أخذ حقها  
بالقانون برفع دعوي قضائية ضد راجح  
الأنصاري ، وبالرغم نصيحة شقيقه طارق له إنه  
تحري عن المحامي المدعو عادل البهنساوي  
وجد إنه محامي لن يأخذ العدل مبدأه بل يبيع  
ضميره من أجل حفنة من المال، تغلل مصطفى  
بقلة حيلة هذا الوحيد الذي تقبل قضيته من  
المحيطين حيث كلما ذهب إلي محامي وسمع إسم  
حامد الأنصاري فيعتذر علي الفور ويتحجج  
بأنشغاله في قضايا أخرى، و هذا العادل تقبلها  
عن صدر رحب خاصة يربطهم معرفة وصلة  
قراية بعيدة.

وقبل أن يذهب إليه أخذ إبنته وتوجها إلي قسم

الشرطة وقدم بلاغاً رسمياً سردت فيه روح للضابط كل ما حدث معاها بالتفاصيل، والذي جعل والدها يتخذ تلك الخطوة قبل أن يذهب إلي المحامي فهذا علي سبيل الإحتياط وربما ولج الشك بداخل قلبه بعد كلام شقيقه.

و بداخل غرفة مكتب قديم و أثاثه الخشبي المهترأ و نافذة خشبية تآكل مقبضها الحديدي من الصدأ، يجلس خلف المكتب هذا المدعو عادل البهنساوي كما مدون علي القطعة الرخامية المتآكلة، يمسك بين يديه ملف ورقي يتطلع علي أوراقه باهتمام زائف، قائلاً:

يا أستاذ مصطفى صورة البلاغ الي قدمته في المدعي عليه بتهمة الإعتداء علي الأنسة روح بنت حضرتك ملهوش أي لازمة من غير أي دليل يثبت أن راجح حامد الأنصاري أعتدي علي بنتك.

رمقه مصطفى بإمتعاض ثم تساءل:

تقصد إيه يا متر ، يعني هافضح بنتي ونروح نتبلي علي الناس من غير دليل. !

إبتسم عادل بسماجة وهو يجفف قطرات عرقه بمحرمته المنسوجة من القطن، فقال:

لاء طبعاً ما أقصدش كده لاسمح الله ، يعني الي فهمته من كلام روح بنتك في المحضر إنها معاها دليل قوي يُدين ابن حامد الأنصاري.

نظرت روح بتردد إلي والداها الجالس مقابلها ،  
 فأوما لها بنظرة طمأنينة قائلاً:  
 \_معانا الدليل الي يوديه هو وعيلته في ستين  
 داهية.

و مع آخر حرف تفوه به السيد مصطفى بكل  
 طيبة و عفوية قابلها هذا الذئب الدنيئ بإبتسامة  
 إنتصار و زفر بأريحية ، فميزان العدل الذي  
 يُزين الجدار خلفه لأيمت لأعماله بصلة ،  
 ضميره في سُبات عميق لن يستيقظ منه بل هو قد  
 باعه بثمن بخس لكل ظالم مُتجبر يعث في  
 الأرض فساداً ويأتي له لكي يدافع عنه ويخرجه  
 من أي كارثة أقترفها حيث يقوم بإستغلال كل  
 ثغرات القانون بكل الطرق الملتوية.  
 أخرجت روح من حقيبتها هاتف من الطراز  
 الحديث ويديها مُرتجفة من التوتر ، كاد يسقط  
 منها لكن أنقذ والداها الموقف وأمسك به و وضعه  
 أمامه فوق المكتب قائلاً:

\_أفضل ساعدتك ده الموبايل بتاع الي ربنا  
 ياخده كان معاه في وقت الي حصل.  
 أمسك به الآخر و أخذ يحدق به يقول:  
 \_هو ده الي صور عليه الي عمله فيكي ؟.  
 أنتابتها حالة من القشعريرة من سؤاله الذي يدل  
 علي حماقته ، بدأت عبراتها بالتجمع في مقلتيها  
 ، فأجابت بصوت متحشرج:  
 \_أيوه هو ، لما فوعت من الإغماء الي كنت فيه

قعدت أدور علي موبايلى ملفتهوش ، لاقيت  
موبايله واقع جمبي.

أنحني بجذعه جانباً ليلتقط حقيته الجلدية ، و  
وضع الهاتف بداخلها ، ثم نظر إليهما وبدأ  
بالنفاق يتحدث:

\_أظمن يا أستاذ مصطفى إن شاء الله حق بنتك  
هيرجع وإبن حامد الأنصاري مش هيطلع عليه  
نهار غير وهو مشرف علي البورش مع  
المجرمين الي زيه ، و ده بعد ما أقدم للنيابة  
الدليل ده ومعاه التقرير الطبي الي يثبت حالة  
الإعتداء.

(مشهد من الفصل الأول)

وبعد مغادرتها المكتب، كشر هذا الضبع عن  
أنيابه الكريهه، أمسك بهاتفه وقام بالإتصال علي  
رقم طالما يتمني أن يصل إلي صاحبه بشتي  
الطرق حتي يحظي علي سخاءه الذي يفضي به  
علي من يقدمون له الخدمات الهامة ولا أهم من  
تلك الفرصة الذهبية ولا بد من إستغلالها.

\_ألو، حامد بيه الأنصاري؟.

\_أيوه، مين معايا؟.

تحمم وبز هو وفخر أجااب:

\_أنا عادل البهنساوي المحامي الي ماسك قضية  
روح مصطفى السيد رفعها أبوها ضد إبنك.  
\_والمطلوب مني أي إن شاء الله، بص يلاه أنا  
مبتهددش وروح قول للي إسمه مصطفى أعلي ما

في خيلك أركبه وشوف حد ثاني غير إبنني يلبسه  
عملة بنته الفاجرة.

\_ إهدي كده ياباشا وروق أعصابك، يعني أنا لو  
ضدك أي الي هيخليني أتصل بيك عشان أحدد  
معاك ميعاد نتقابل ده غير معايا حاجات تهملك  
أوي ممكن بسببها يروح المحروس إبنك في  
ستين مليون داهية ومهما عملت، القضية لبساه.  
\_ وأي طلباتك بقي يا حضرة الأفوكاتو؟  
تهللت أساريه وقال:

\_ كده بقي جبت من الآخر والمفيد، طلباتي دي  
مش عايزة مكالمة في تليفون، أنا أجيلك لحد  
عندك أشرب فنجان القهوة وتسلمني وأسلمك.

صباح الخير حبايبي شكراً لكل الي بيتفاعل سواء  
بالتصويت أو الرأيكت أو كومنت وبالنسبة للناس  
الي يتقرأ الفصل في صمت ليه كده؟، زي ما  
بقدملك محتوى بيعجبكم وبتستمتعوا بالقراءة فأقل  
حقوقني إنكو تقدروني بتفاعلاتكو ده بيبقي تقدير  
وتشجيع ليا لكن أكثر حاجة بتزعلني وتقل  
نفسيتي عن الكتابة لما ألقى التفاعل دون  
المستوي الي كنت أتوقعه ولا عشان النوفيل  
مفيهاش مشاهد رومانسيه وحب وغرام؟؟  
أنا كتبت تنويه في البداية إن النوفيل دي قصة  
حقيقه حصلت والمره الجايه هيكون الفصل  
التاسع مع الخاتمة هنزلكو فيديوهات البنات

صاحبة القضية ومنكو ناس كثير شافت الخبر  
والفيديوهات الي سجلتها الصحافه معاها عشان  
توصل صوتها وقضيتها للنائب العام والحمدلله  
لسه من قريب عرفت إنه تابع قضيتها وأصدر  
قرار بإنتساب الطفلة للشاب المعتصب وعلي ما  
أظن سجنوه بسبب تهمة الإغتصاب، كان نفسي  
ياخد عقاب رادع ويكون عبرة لكل الي يفكر إنه  
يلمس شعرايه حتي من أي بنت أو ست أو حتي  
طفله لأن الموضوع تفاقم بشكل بشع ووصل لزنا  
المحارم الي هو المفروض أمان البنت والي  
يحميها هو الي يعتدي عليها اللهم أحفظ بناتنا  
ونسائنا من شر شياطين الأنس والذئاب البشرية  
وقبل ما أختم كلامي متنسوش التفاعل يلا  
وروني غلاوتي عندكو  
أترككم في حفظ الله أخواتي وربنا يحفظكم من  
شر الفتن والإبتلاءات ويحميكم ويحفظ أولادكم  
أمين.

## الفصل التاسع

\_ينتظر أمام مكتب المساعد، ينظر في ساعة هاتفه بتأفف حتى صدح رنين جرس التنبيه فنهض ذلك المساعد قائلاً بإبتسامة مُصنّعة:  
 \_أفضل يا أستاذ عادل، حامد بيه في أنتظارك. نهض هذا الذي لا يستحق إسمه والسعادة تنبلج علي ملامحه، يعلم ما سيغتنمه من تلك الفرصة الذهبية، علي يقين بأن حامد الأنصاري علي إستعداد دفع مبالغ طائلة من أجل نجله المتهور وألا يمكث في السجن لثانية واحدة.  
 طرق الباب ثم قام بفتحه وأرتم علي ثغره إبتسامة سمجة قائلاً:  
 \_ مساء الخير يا حامد بيه.  
 أشار له الآخر بالدخول:  
 \_أفضل يا متر.  
 جلس علي الكرسي أمام مكتبه وقال:  
 \_أنا عارف وقت حضرتك ضيق، فمش هطول عليك كثير.  
 تنهد حامد وقال:  
 \_يبقي أحسن، أفضل هات الي عندك.  
 تبدلت الإبتسامة من السماجة إلي المكر والدهاء، فقال:  
 \_الي عندي يساوي قيمة ولي عهدك، أو نقدر نقول حريته وسمعته وسمعة عيلة الأنصاري.

رجع حامد بظهره إلي المسند الخلفي وقال:  
 \_مش لما أشوف الي معاك يستحق ولا تكون  
 إستغالة وأبقي زي الي بصطاد سمك في ميه.  
 وضع حقيبته أمامه علي الطاولة الصغيرة وقام  
 بفتحها وأخرج منها هاتف مُغلف بكيس بلاستيكي  
 ذو سحاب ضاغط وظرف ورقي مُغلق و  
 وضعهما علي المكتب لكن في قبضة يده.  
 هز حامد رأسه وقال بإستفهام:

\_أي ده؟!

أجاب الآخر بثقة بالغة:

\_ده موبايل إبنك الي نسيه في مكان الي عمل  
 في عملته و عليه فيديو بالي عمله، والتاني ده  
 ظرف فيه تقرير الدكتور الي بيأكد إن البننت  
 أتعرضت لمحاولة إعتداء فقدت فيها جزء من  
 عذريتها والي يثبت التقرير ده الفيديو الي في  
 الموبايل، يعني أدله بتكمل بعضها.  
 أطلق الآخر زفرة وكان جبل قد أنزاح من فوق  
 صدره، نهض وذهب أمام خزائنه الألكترونية و  
 وضع كفه فوق الشاشة حتي تطابقت البصمة  
 وفتحت الخزنة، أخذ من داخلها ظرف كبير ثم  
 أغلقها وعاد إلي كرسيه مُلقياً أمام عادل الظرف.  
 نظر الآخر إلي الظرف وقال:  
 \_كام دول؟!

أجاب حامد:

\_ خمسين ألف جنيهه وليك زيهم لما أتأكد أنك  
مش تكون ناسخ من الفيديو الي علي الموبايل  
نسخ تانيه.

نصف إبتسامه علي ثغر عادل الذي قال:

\_ أبقى مغفل ومجنون لو عملت حركة زي دي،  
لأن أنا مش عايز فلوس، أنا عايز أكون المحامي  
الخاص لسيادتك.

قهقهه حتي تردد صدي ضحكاته وتوقف لتتحول  
ملامحه إلي الجدية، قال بتهكم:

\_ وأنت بقي يا محامي بير السلم، عايزني أخليك  
المحامي بتاعي!

رمقه عادل بثقة يخالطها نبرة تهديد قائلاً:

\_ أنا سامع أن حضرتك ناوي ترشح نفسك نائب  
في البرلمان، وموضوع زي موضوع المحروس  
إبن ساعاتك لو وصل للجهات العليا هيحطو علي  
إسمك علامة إكس بالأحمر.

وأختتم كلماته ببسمة إنتصار وتشفي، فأحتقن  
وجه الآخر ليكثر عن أنيابه وقال:

\_ طيب والي بلغك المعلومة دي مقالکش إن  
بنفوذتي ممكن أخلي أسمك الجميل ده يتشطب من  
نقابة المحامين؟

نهض و وقف فوضع يديه في جيوب بنطاله قائلاً  
بزهو وفخر:

\_ يبقى حضرتك متعرفش مين هو عادل

البهنساوي.

أطلق حامد زفرة كدليل علي نفاذ صبره، فقال:  
 \_ خلاصة الموضوع ده وكلمة ومفيهاش نقاش،  
 تاخذ مليون جنيه ومسمعش صوتك تاني ولو  
 عايز تكون محامي لحد واصل ممكن اعرفك  
 علي رجال أعمال وأنت وشطارتك بقي.  
 أنشقت بسمة عارمة علي وجه هذا الذي يشبه  
 الثعلب في دهائه وكالعقرب في غدره، جلس  
 علي الكرسي بأريحيه وقال:  
 \_ يبقي كده متفقين، والموبايل والتقرير بين  
 أيديك.

تناولهم الآخر بقبضة قوية وأتجه نحو المدفأة،  
 فقام بسكب سائل علي الحطب ثم أشعل عود  
 ثقاب وألقاه لتندلع النيران رويداً رويداً، وبكل  
 قوته دفع الهاتف والظرف لإحراقهم قائلاً:  
 \_ خلي مصطفى السيد يبقي يروح يدور علي  
 مين الي عمل كده في بنته.

\_ و في منزل السيد مصطفى دوي رنين جرس  
 المنزل وكانت منال تقف أمام الموقد تطهو،  
 فتركت ما بيدها وأدارت المقبض لتتنفأ النار ثم  
 مسحت يديها في منشفة جافة قائلة بصوت  
 جهوري:

\_ حاضر يالي بترن الجرس.  
 ذهبت لترتدي خمارها وفتحت الباب فوجدته  
 طارق شقيق زوجها، قالت له بترحاب وحبور:

\_يا أهلاً وسهلاً ، أفضّل يا طارق.

دلف وبيديه يحمل أكياساً مُعبئة بالفاكهة المختلفة:

\_السلام عليكم.

أجابت الأخرى:

\_وعليكم السلام ورحمة الله وبركاته، ليه التعب

ده، ده أنت جاي في بيتك مش عند حد غريب.

وضعهم علي المنضدة المجاورة لباب المنزل

وقال:

\_دي حاجه بسيطه عشان روح و رامي.

\_حماتك بتحبك، لسه مخلصه الأكل، أدخل

أغسل إيديك وبعدها ادخل صحي أخوك عقبال ما

أعرف.

قالتها وأتجهت نحو المطبخ، فقال:

\_أومال فين روح؟.

تنهدت بحزن وأجابت:

\_كالعادة حابسة نفسها ياقلب أمها في أوضتها،

الموضوع بقي صعب أوي خاصة بعد ما عرفت

بحملها الي ماكان علي البال ولا خاطر.

\_ده أبتلاء من ربنا وعليها بالصبر، أنا عارف

الموضوع صعب جدا بس مش بإيدينا غير نقف

معاها ونجيب حقها من ابن ال..... الي عمل

فيها كده، وعقبال ما ده يحصل معدش ينفع تقعدو

هنا في البلد.

\_أصدك نسيب بيتنا زي الي عاملين عملة  
ونهرب!\_

كان صوت مصطفى الذي خرج للتو من غرفته،  
أقترب منه طارق وقال:

\_مش هروب، بس مينفعش تفضلو قاعدين هنا  
أولاً زمان المحامي الي وكلته بدأ في الإجراءات  
وطبعاً زمان حامد الأنصاري عرف، فشيئاً  
طبيعي مش هيسيبك في حالك وتجنباً للمشاكل  
والأمر الثاني كلها شهرين ولا ثلاثة وبطن روح  
هتظهر وأنت عارف أهل البلد مورهمش حاجة  
غير الكلام وبنتك حالتها النفسية مش متحملة  
كلمة من حد ومحتاجة رعاية و دكتور يتابع  
حالتها، تقدر تقولي هاتخرج وتدخل إزاي والبلد  
كلها أوضة وصالة!\_

وقبل أن يجيب شقيقه، سبقته زوجته وقالت:  
\_طارق عنده حق يا أبو روح، أنا كنت لسه  
الصبح في السوق والنسوان كل ما تشوفني  
يغمزو أبعض ويتكلمو وأنا لو رديت عليهم مش  
هخلص غير وإحنا في القسم، والواحد مش  
ناقص مشاكل ولا حرقه دم.  
جلس مصطفى علي أقرب كرسي بقلة حيلة  
ويأس قال:

\_وأنا أجيب فلوس لسكن ثاني منين، كل مرتبي  
يا دوب نصه أقساط والنص الثاني أكل وشرب  
ومصاريف البيت.

ربت شقيقه عليه بمؤازرة وقال:  
 \_متشلس هم وأنا موجود.  
 إرتفعت زواية فم الآخر بتهكم وقال:  
 \_عايزني أروح أقعد مع أخواتك الي باعو  
 وأشتري في ضنايا كأني مُت.  
 أخرج من جيب بنطاله سلسلة مفاتيح خاصته  
 وقام بأخذ مفتاح منها قائلاً:  
 \_عندي شقة كنت شاريتها السنة الي فاتت في  
 أسكندرية، بأجرها كل موسم صيف.  
 تفهم مصطفى مقصد شقيقه فقال:  
 \_و شغلي الي هنا ومدرسة رامي؟  
 أجاب الآخر:  
 \_إحنا حالياً في الأجازة، و قبل الدراسه إن شاء  
 الله هابقي أسحب لك ملفه وأقدم له في مدرسة  
 قريبة من الشقة، وبالنسبة لشغلك خليك هنا أيام  
 الشغل وفي يومين الأجازة أطلع علي أسكندرية  
 أقعد معاهم.  
 تدخلت منال قائلة:  
 \_وأنا موافقة.  
 رمقها مصطفى بضيق فأردفت:  
 \_كلام أخوك كله صح، ولو عندك حل تاني  
 شور علينا، وأسكندرية غير هنا علي الأقل ما  
 أصتبحش بوش العالم الي هنا وأسمع تلسين من  
 الي يسوي والي ميسواش.

قال طارق:

\_ ولما تجهزو حالكو عرفوني ومتلقوش الشقة  
مفروشه من كل حاجة وفيه سوق قريب، وأنا  
هابقي معاكو، بس ياريت يكون الكلام ده قبل ما  
الأسبوع ده يخلص عشان كلموني من الشغل  
ولازم أسافر.

نهض مصطفى وتوجه إلي المرحاض، أشار بيده  
بعدم إكتر اثن وقال:

\_ أعملو الي تعملوه.

زفرت منال بامتعاض وقالت:

\_ شوفت يا طارق، أهو كده من ساعة لما قام  
بالسلامة وأنا مش عارفه هو عايز أي بالظبط.  
أجاب عليها:

\_ متلقيش أخويا وأنا عارفه، أعذريه الصدمة  
مشوشه علي تفكيره ومع الوقت هيرجع أحسن،  
أنتي بس خليكي جمب روح هي محتجالك أنتي  
أكثر واحدة، وربنا يطمنا عليها ويقومها  
بالسلامة.

\_ آمين يارب، وينصرها علي الظالم ابن ناهد  
ويحرق قلبهم زي ماقهرو بنتي و حرقو دمننا  
كلنا.

\_ وقبل أن يعدوا للرحيل، ذهب مصطفى إلي  
مكتب المحامي لمتابعة الإجراءات لكنه تفاجئ  
بالباب مُغلق، قام بالاتصال عليه فتلقى رسالة

مسجلة بأن الهاتف مغلق، تعجب لأن هذا الوقت هو موعد عمله في المكتب، أخذ يضغط علي زر الجرس ويتبعه بطرق الباب عدة مرات حتي ظهر له من خلفه رجل ذو مظهر بسيط يقول له:  
\_الأستاذ عادل مش موجود.

عقد مصطفى حاجبيه و تساءل والقلق يسري بداخله:

\_هو ساب المكتب لصاحب البيت وسافر بلاد بره.

أزدرد ريقه وهو يشعر بجفاف حلقة من مايسمعه للتو:

\_إزاي!!

أجاب الرجل:

\_والله يا أستاذ كل الي أعرفه قولتهولك.

ويشاء القدر وتأتيه مكالمة هاتفية من رقم غريب،

أجاب علي الفور:

\_الو، مين معايا؟

أجاب المتصل:

\_مش مهم تعرف أنا أبقى مين بس حبيت أقولك

أبقى فكر مليون مره قبل ما تقف أدام حامد

الأنصاري أنت وبنتك، والمحامي العره الي أنت

وكلته باعك و الأدله كلها خلاص بح.

صاح مصطفى بغضب:

\_أنت مين؟!

لكن لم يتلق أي إجابة سوي إغلاق الخط في وجهه، فأطلق الآخر السباب والشتائم.

\_ عاد خالي الوفاض يشعر وكأن الدنيا تهبط عليه بسوطها بدون رحمة، ذهب إلي الطبيب الذي دون له التقرير فأنكر معرفته به وبابنته وكاد يجن جنون الآخر، تأكد أن يد حامد الفاسدة قد وصلت إلي الطبيب أيضاً، ما هذا يا الله أراد أن يجلب حق ابنته بالقانون وها هو الذي ردد القسم بنصرة المظلوم وتحقيق العدل قد خالف وعده ونصف الظالم مقابل المال، فما أبشع أن ترتكب مثل هذا الذنب بل في حد ذاتها كبيرة من الكبائر فهي فتنة هذا العصر وآخر الزمان الذي نعيشه حالياً، قد أنقلبت الموازين عبثاً فالظالم هو من صاحب الحق والمظلوم هو الجاني، الباطل من يمسك باللجام ويقود بلا هوادة لكن هيهات، رب الحق يترك ما يحدث لييري مدي إيمان وصبر المؤمن إختبار دنيوي للظفر بالجائزة الكبرى و هي جنات الفردوس، فيا صاحب الحق لا تيأس ولا تكل ولا تمل، عدل الرحمن أقوى من جبروت أي ظالم كان علي وجه الأرض و التاريخ يشهد علي مر الزمان علي نهاية كل جبار عتي و فاسد، لاتنسي فرعون وكسري و النمرود و كل ذي نفوذ وسلطة تجبر علي الخلائق بدون خوف من خالقه فكان مصيره محتوم، جزاءه العذاب الأبدي دنيا وآخره، فكن

علي ثقة بربك وأذكره دائماً وقت الشدائد، قم  
بمناداته من أعماق قلبك و سيهديك إلي طريق  
الحق والنور وتجد إنصاف يجعلك تخر ساجداً  
باكياً من فرط سعادتك، الحق نور والنور صفة  
الرحمن فلا تخاف.

\_وبعد يومان عاد والد روح من عمله بوجه  
مُكفهر و كأنه يحمل من الهموم جبلاً غير  
الكارثة التي حلت بابنته.

أستقبلته منال زوجته متسائلة عن حالته المُزرية:

\_خير يا مصطفى ، حصل أي ثاني؟.

جلس أمامها علي الأريكة مجيباً بخزي:

\_و هيجي منين الخير طول ما ولاد ال.....

مالين البلد من ظلم و أرف.

جلست بجواره وهي تعقد وشاحها علي رأسها  
قائلة:

\_هو المحامي قالك حاجة جديدة حصلت في  
قضية البيت؟.

وضع كفيه علي رأسه المُنكس لأسفل من الحزن

و الوهن ، أجاب بحسرة أب يشعر بالظلم:

\_المحامي ربنا ينتقم منه أو يبتليه بمصيبة طلع

بيضحك علينا وباعنا لحامد الأنصاري وأداله

الدليل الي كنا هنقدمه للنيابة عشان يجيبولنا حق

بنتنا ، حتي تقرير الطب الشرعي الي قالي

هيستلمه بنفسه روحت أسأل عليه لاقيت الدكتور

بينكر كل حاجة ، فهمت إن حامد والمحامي

أشتروه بالفلوس هو كمان.

شهق بألم ليردف بصوت مختنق:

\_ بنتنا ضاعت يا منال ، حق بنتي ضاع ومش

عارف أعمل أي ، مش عارف هارفع راسي

إزاي أدام الجيران ولا البلد ولا في الشغل.

ربتت علي ظهره بمواساة قالت:

\_ متقولش كده يا أبو روح ، ماعاش ولا كان الي

يخليك تحني راسك ، بنتك مظلومه ومجني عليها

، روح بنتي العالم كله يشهد بأخلاقها.

رفع رأسه و حدق بنظرة خذل وتفهقر قائلاً:

\_ معدتش قادر أستحمل نظرات الناس ليا في

الشارع ولا كلامهم الي من تحت لتحت ، الي

يقولي ربنا يقويك ويعينك يا مصطفى ، والي

يقولي أنا عندي عريس لبنتك يستر عليها ، و...

قاطعته بصياح و هي تبكي في آن واحد:

\_ قطع لسان كل الي يجيب سيرة بنتي بكلمة كده

ولا كده ، والي يقولك حاجة أقف أدامه وأقوله

أخرس بنتي أشرف بنت في الكفر والبلد كلها ،

وبإذن الله هناخد حقنا من ابن حامد الكلب هو

وأبوه وعيلته الي فاكرين نفسهم بلطجية ومحدث

قادر عليهم.

كان هذا الحوار الذي يقطع نياط القلوب تحت

مرأي وسمع التي تقف خلف باب غرفتها

الموارب ، و بصيص من نور الردهة ينعكس

علي عبراتها المنسدلة ، تمسك بمقبض الباب

وكانها تعصره بقوة حتى أبيضت مفاصل أناملها  
الرقيقة.

\_وبعد مرور ثمانية أشهر وربما أقل ، كانت  
أيام كالدهور لتلك البائسة التي تحملت مراحل  
حملها من وجع وآلام وحالة نفسية مزرية، تلجأ  
للأعمال المنزلية لتلهو ذهنها عن التفكير الذي  
ينتهي ببكاء مرير وحسرة قلب ملتاغ.  
وفي اليوم المُنتظر تقف أمام حوض المطبخ  
تجلي الصحون، جاءت والدتها من الخارج تحمل  
لوازم المنزل في أكياس وأن رأتها في المطبخ  
صاحت غاضبة:

\_بتعملي أي عندك؟ ، مش نبهت عليكي ترتاحي  
يابنتي قبل ما أخرج وقولتلك ملكيش دعوة بأي  
حاجة ولا عايزاني أدوخ بيكي علي المستشفيات  
زي المرة الي فاتت. !

أغلقت روح صنبور الماء وقالت:  
\_يا ماما أنا كويسه، و زي ما أنتي شايفه دول  
طبقيين بللهي نفسي فيهم، يعني عجبك قعدتي في  
الأوضة والتفكير الي هيמותني.  
تركت ما بيدها وأخذتها في عناق قوي تربت  
عليها قائلة:

\_بعد الشر عليكي يا ضنايا، أنا خايفه عليكي  
والدكتور آخر مرة حذرك من الحركة لحد  
مايجي ميعاد ولادتك.

قالت روح:

\_لسه فاضل عشر أيام يا ماما.

أمسكت وجهها بحنان وقالت:

\_طيب روحي خدي لك دش عقبال ما أحضرلك

غيار و بعدها هنتغدي، أنا جيت لك سمك بلطي

وجمبري مشوي الي بتحبيه.

إيتسمت برغم ماتشعر به من الآم لاتكترث لها أو

تحاول إخفاءها حتي لاتقلق والدتها:

\_تسلميلي يا ماما ربنا مايحرمني منك.

أجابت منال:

\_ويباركلي فيكو يا ولادي.

أذعنت لأمر والدتها و ولجت إلي داخل الحمام،

قامت بفتح الصنبور لضبط حرارة المياه فهي

تفضلها دافئة قليلاً، وبمجرد أن أستدارت لتشرع

في خلع ثيابها أنتابها الألم مرة أخرى وكان أقوى

من سابقه، تأوهت وهي تضع يدها علي بطنها

المنتفخ فتفاجأت بسائل ينسدل من أسفلها علي

فخذيها، وهنا شعرت بالذعر فقامت بمناداة

والدتها:

\_ماما، يا ماما؟.

ركضت منال علي صوت إبنتها وقلبها يتأكل

قلقاً، أدارت المقبض فوجدت إبنتها تقف منفرجة

الساقين قليلاً وأسفلها علي الأرض نقاط مياه بها

قليل من اللون الأحمر، شهقت وهي تضرب علي

صدرها:

\_روح، أنتي بتولدي.

وبعد أن أرتدت كلتاها ثيابهما إستعداداً للذهاب  
إلي المشفى، وأخذت حقيبته بها لوازم و ثياب  
للمولود ولإبنتها، وقفا أمام البناء في إنتظار  
سيارة أجرة حتي توقف أحدهم فقالت له:  
\_بالله عليك ياسطا ودينا مستشفي..... بنتي  
بتولد.

أجاب السائق مُترجلاً من سيارته ليفتح لهما  
الباب مسرعاً:

\_متفلقيش يا حاجة إن شاء الله هنوصل بسرعه.  
دلفت روح أولاً وتتألم بأنين:

\_مش قادرة يا ماما، بموت، أه.  
رنتت عليها منال بعد أن جلست بجوارها  
وأنطلقت السيارة:

\_أستحملي يا ضنايا، كلها خمس دقائق ونبقي  
هناك.

أخرجت هاتفها وقامت بالإتصال:  
\_ألحقتي يامصطفي البننت بتولد، أنت وصلت  
ولا لسه.

أناها صوته:  
\_أنا لسه واصل حالياً ورامي معايا، أنا جايلكو  
حالاً، سلام.  
\_سلام.

أغلقت المكالمة وأردفت بصوت منخفض:

\_ يارب هون عليها وقومها بالسلامة هي والي  
في بطنها.

وبعد دقائق توقفت السيارة أمام المشفى، فترجلت  
منال تساند إبنتها التي ما زالت تتألم وبدأ أنينها  
يعلو، رأتها الممرضات في ردهة الإستقبال  
فأسرعن بجلب كرسي متحرك يستخدم في تلك  
الحالة الطارئة، أجلستها إحداهن عليه:

\_ علي مهلك يا حبيبي، متخافيش.

فقال منال للممرضة:

\_ بالله عليك يابنتي خلو بالكو منها دي بكرية.

أجابت الممرضة:

\_ متفلقيش يا حاجة إن شاء الله الدكتور هيشوفها  
و يقرر تدخل العمليات دلوقت ولا لسه شوية  
وإحنا معاها متخافيش.

وصل مصطفى وبرفته إبنه رامي الذي قال:

\_ ماما، روح كويسه؟.

أجابت عليه والقلق يكسو ملامحها:

\_ أدعيلها يا حبيبي لسه واخدينها دلوقتي.

قال مصطفى:

\_ طارق لسه باعت لي حواله بخمسة الاف جنيه

عشان مصاريف الولادة وأنا معايا زيهم كنت

عامل جمعية مع زمايلي في الشغل عشان

الظرف ده.

جاءت إليهم الممرضة قائلة:

\_ حضرتك والدة مدام روح؟.

أجاب مصطفى بدلاً منها:  
 \_ أنا والدها يابنتي، هي بخير؟  
 أجابت الأخرى:

\_ متقلّش يا حاج، إحنا محتاجين شوية حاجات  
 مش موجودة في صيدلية المستشفى هتلاقها في  
 الصيدلية الي علي ناصية الشارع، أتفضل  
 الطلبات أهي.

ألتقط منها الورقة وذهب مسرعاً لشراء ما بها.  
 وبعد مرور ساعة أمام غرفة الولادة، خرجت  
 المريضة تحمل رضيعاً محاطاً بغطاءٍ قطني:  
 \_ ألف مبروك بنوتة زي القمر، ربنا يباركلكو  
 فيها.

حملتها منال علي ساعديها، تردد:  
 \_ بسم الله تبارك الرحمن، ماشاء الله.  
 قال مصطفى باللهفة وخوف:  
 \_ بنتي عاملة أي دلوقت؟  
 أجابت بإبتسامة تطمأنه:

\_ هي الحمد لله بخير هنطلعها دلوقت.  
 \_ وفي الغرفة، بدأت تستيقظ من المخدر الذي  
 حُقنت به وقت نزول المولودة، وجدت والديها  
 وشقيقها يحدقون بها وظهرت الإبتسامة والسعادة  
 علي وجوههم.  
 فقالت منال:

\_ حمدالله علي السلامة يا قلب أمك.

تابعها زوجها:

\_ حمدالله علي السلامة يا روعي.

أقرب رامي وأمسك يدها يمسد عليها بحنان:

\_ حمدالله علي السلامة يا أجمل وأحلي أخت في الدنيا.

بادلتهم البسمة وأجابت:

\_ الله يسلمكم، هي فين يا ماما؟.

أستدارت والدتها لتجلب الصغيرة من مهدها ثم

ألتفت لتعطيها لابنتها:

\_ بسم الله ماشاء الله كلها أنتي يا حبييتي.

وبرغم سعادتها لكن كأني أم قلبها ينفطر كانت

تتمني أن تكون حفيدتها من زواج شرعي وليس

من واقعة إغتصاب، لكنها حاولت إخفاء هذا

حتي لا تزيد هموم ابنتها أكثر.

جاء الطبيب وبرفقته الممرضة:

\_ أي الأخبار؟.

أومأت له روح وقالت بصوت مُرهق:

\_ الحمدلله يا دكتور.

فقال منال:

\_ ربنا يباركلك يا دكتور.

أجاب:

\_ ده واجبي يا أمي، والفضل يرجع لربنا.

ردد الجميع:

\_ ونعم بالله.

تدخلت الممرضة قائلة لروح:  
 \_ها نويتي تسميها أي ولا لما باباها يجي هو  
 الي يسميها؟  
 تبادلت روح النظرات بين والدتها و والدها،  
 فقال:

\_والدها مسافر وهي قاعدة معانا.  
 فقال الطبيب:  
 \_ما إحنا لازم نسجل الطفلة ولو حد من أهل  
 باباها حتي موجود.  
 فقالت منال:

\_أبوها يتيم وملهوش حد غيرنا.  
 وبرغم تفهم الطبيب لإجابته فقال:  
 \_عموماً إحنا هنكتبها إخطار بولادتها عندنا فيه  
 ميعاد الولادة وختم المستشفى وإمضائي،  
 وهابعتة لحضراتكو وأبقو سجلوها في أي مكتب  
 صحة أو وحدة صحية تابعة لمكان السكن بس  
 لازم الأب يكون موجود أو قريب ليه من الدرجة  
 الأولى أخ، أب، عم.  
 أو مأت له منال قائلة:  
 \_إن شاء الله يا دكتور.  
 قال الطبيب:

\_خلاص كمان نص ساعة هاجي أظمن علي  
 العروسة الصغيرة ومامتها و معايا الإخطار، عن  
 أذنكو، وألف مبروك.

قالها وذهب تاركاً جميعهم في حيرة ومصيبة  
 أخري وهو إثبات نسب الصغيرة!  
 \_وفي اليوم التالي في شقة الأسكندرية، تتمدد  
 روح في مضجعتها تتأمل وجه صغيرتها النائمة  
 بجوارها تتحدث معها بصوت يكاد يكون  
 مسموعاً حتي لاتزعجها، فتقول:  
 \_ذنبك أي يا حبيبتي إنك تيجي الدنيا الوحشه  
 دي، عارفة إن ده أختبار من ربنا وأنا راضية  
 بيه بس مش هقدر أستحمل لما تكبري وأشوف  
 في عينيكى نظرة إتهام، مش هقدر أستحمل حد  
 يجرحك بكلمة أو يعايرك ويقولك أنتي بنت  
 حرام.

صمتت بعد أن أنتابتها حالة من البكاء، فتساقطت  
 بعض قطرات عبراتها علي وجه الصغيرة مما  
 جعلها تملمت بضيق، مسحت القطرات من  
 وجنتها المياس الممرية ثم أردفت بنفس وتيرة  
 صوتها المنخفض للغاية:

\_أنتي مش بنت حرام، أنتي بنتي أنا وبس و الي  
 يفكر يجي جمبك هاكله بسناني....  
 قاطع كلماتها طرق علي باب الغرفة، فأسرعت  
 بتجفيف عبراتها وأعدلت في جلستها، قالت:  
 \_أفضل.

فُتح الباب ليظهر لها عمها طارق مبتسماً:  
 \_ممكن أدخل؟.

بادلته البسمة وقالت:

\_ طبعاً يا عمو ، أتفضل.

وكادت تنهض فأشار لها بالبقاء قائلاً:

\_ والله ما أنتي متحركه سنتي واحد، خليكي

مكانك أنا جاي أتظمن عليكى وعلي الكتكوتة

الصغيرة وماشي علي طول.

قالها وجذب كرسي ليجلس بالقرب من التخت:

\_ ها، عاملة أي دلوقت؟.

أجابت والحزن ينبج في نبرتها:

\_ الحمدلله.

رفع الحقيبة التي بيده وقال:

\_ أنا أول ما أبوكي أتصل عليا إمبراح وبلغني

إنك بتولدي، حاولت مع المدير يديني أجازة بأي

طريقة، وأنا جايلكو في الطريق عدت علي محل

هدوم للأطفال عاجبني شوية حاجات أشترتهم

لحبيبة قلب عمو يارب يعجبوكي.

وأخرج لها عدة أثواب صغيره مختلفة الأشكال

والألوان.

\_ تسلم يا عمو ربنا يخليك، مكنش ليه لزوم ماما

جايه لها هدم كثير.

أجاب طارق وهو يضغط بأصبعيه علي وجنتها

مازحاً:

\_ بس يابنت ملكيش دعوة، دي هدية عمو طارق

لـ، هو أنتو سمتوها أي صحيح؟.

أعدلت قليلاً في جلستها وأجابت:

\_سمتها حياه.

ردد ماقالته:

\_حياه! ، إسم حلو.

تبدلت ملامحها فجأة ولم تستطع السيطرة علي

نفسها من البكاء، فأنفجرت قائلة:

\_بابا راح يسجلها في الصحة معرفش، لازم

أبوها أو جدها أو عمها الي يسجلوها.

أقترب منها ليعنقها بحنان وقال:

\_أهدي يا روح، متعيطيش إن شاء الله كله

هيتحل وهتاخدي حقك من الكلب الي عمل فيكي

كده.

فقال بصوت باكي:

\_حقي ضاع يا عمي، المحامي الي بابا كان

موكله باع الأدلة لحامد الأنصاري و زمانه

أتخلص منه عشان إبنه ميتسجنش.

ربت عليها وهو يجز علي فكه من نيران

الغضب الذي يشعر بها، يريد أن لهذا الحامد

الظالم و يشبعه ضرباً هو وإبنه ومعهم المحامي

المتأمر، نظر إلي الصغيرة النائمة وقال:

\_حقك مضعش يا روح والدليل موجود.

أنسحبت من بين زراعيه وقالت:

\_إزاي؟.

أشار لها بعينيه نحو رضيعتها وقال:

\_تفتكري حامد يقدر ينكر جريمة إبنه لما نعمله

تحليل ال DNA ونثبت بالنتيجة دي بنته، يعني دلوقتي إبنه متهم في قضيتين الأولى الإغتصاب والتانية إثبات النسب لو في حالة أنكرو ومعترفوش بالبنت.

توقفت عن البكاء عندما رأت هناك شعاع نور وأمل يضيئ دربها، أشرقت إبتسامة علي محياها ونظرت إلي إبنتها التي ما زالت نائمة في هدوء وسلام، فأردف طارق:

\_متخافيش يا روح هنفضل كنا جمبك و لو وصلت أن نخليها قضية رأي عام مش هتردد ولا لحظه لحد ما حقك يرجعك يا بنت أخويا.  
\_ولدي عمرو ومروة الذي مر علي زواجهما عدة أشهر كان الحال بينهما كالماء البارد تارة وتارة أخري كثيران الآتون التي تصهر كل مايقابلها.

كان صياحها يدوي في كل الأرجاء وهي تتحدث مع زوجة خالها:

\_بقولك يا ماما كنت بروء الدولاب ولاقيت في هدموم المحروس إبنك شريط برشام منع الحمل، البيه كان بيستغلني بقاله شهور وبيحطهولي في اللبن أو العصير وأنا كنت زي الهيلة فكراه بيهتم بيا وبصحتي.

أجابت ثناء عليها:

\_أستهدي بالله يا مروة ومنتكلميش معاه لحد ما نطلعلكو دلوقت أنا وأبوه و نتأكد منه هو بيعمل

كده ولا لاء.

صاحت بغضبٍ أكبر:

\_ أنتي لسه هاتدفعي عنه وبتحامي له يا مرات خالي! ، علي أساس البرشام هو الي بياخده، واضحة زي الشمس الباشا مش عايزني أخلف منه عشان لسه بيفكر في حبيبة القلب الي مش قادر ينساها، كفاية عمري ما أنسي قهرة قلبي ليلة دخلتتا وأنا في حضنه يقولي بحبك ياروح، كان هاين عليا أولع فيه وفي نفسي.

\_ والله كنتي هتريحني.

كان هذا عمرو الذي عاد من عمله للتو،

فأستشاطت الأخرى حنقاً:

\_ سامعه يا مرات خالي إبنك؟.

\_ خلاص يا مروة، زي ماقولتك روجي أقعدي بعيد عنه وملكيش دعوة بيه وأنا مستنية خالك بيصلي وطالعين لكو حالاً، يلا سلام.

\_ سلام.

قالتها وهي تزفر نيراناً كالتنين ثم ألقت بهاتفها علي الأريكة ولم تكثرث لنصيحة حماتها بل كادت تنفجر من الغيظ عندما دلف لغرفتهما ببرود وأبدل ثيابه وخرج ممسكاً بالمنشفة القطنية وقال وكأن لم يحدث شيئاً:

\_ حضرلي الغدا عقبال ما أتوضي وأصلي.

صاحت به وركضت نحوه:

\_تصلي! ، أنت الي زيك يعرف ربنا. !  
 قبض علي زراعها بعنف وقال:  
 \_بطلي غلط فيا بدل ما أمسح بكرامتك الأرض.  
 رفعت في وجهه شريط الحبوب وقالت:  
 \_لما الأقي ده في دولابك وناقص منه نصه  
 عايزني أقولك أي! ، لو أنت مكاني ولاقتني باخد  
 من وراك البرشام ده ومش عايزه أخلف منك  
 ردة فعلك هاتكون أي؟.  
 ترك يدها وأراد أن يجعل الموقف في صالحه:  
 \_وأنتي مين سمح لك تفتشي في دولابي من  
 ورايا؟.

أجابت بقهر وغضب:

\_مكنتش بفتش، كنت بروء الدولاب وسبحان الله  
 ربنا كان عايز يكشف خداعك ليا طول الشهر  
 الي فاتت، عماله أروح لدكتور للتاني ومهنش  
 علي أضايقك وأقولك تعالي حلل عشان نعرف  
 المشكلة عند مين، أتاريك منيمني في العسل  
 وبتحطلي الزفت ده، وكل ده عشان لسه عايش  
 علي ذكري الهانم الي لسه بتحبها، ولو مش قادر  
 أوي كده علي فراقها مطلعتش راجل ووقفت أدام  
 ابوك ليه وأتجوزتها. !

وحين ألفت بإهانتها له في وجهه لم يشعر بنفسه  
 وهو يلقتها صفة قوية علي وجهها جعلتها تسقط  
 علي الأرض، وفي تلك اللحظة دخلت والدته  
 ويتبعها والده بعد أن قامو بفتح الباب بالمفتاح.

نهضت مروة لترتمي في حضن خالها تبكي  
 بغزارة:  
 \_إبنك ضربني يا خالو.  
 ربت عليها عبدالحكيم وهو ينظر لإبنه بغضب  
 مستطير، فقال:  
 \_خدي مروة وأنزلو تحت يا ثناء.  
 وقبل أن تنطق الأخرى صاحت مروة:  
 \_أنا مش هقعدها هنا لحظة واحده أنا هاروح عند  
 ماما.  
 ربتت عليها ثناء وقالت:  
 \_ده شيطان دخل مابينكو يابنتي وهيروح لحاله  
 تعالي معايا تحت، وخالك هياخذك حقا.  
 رضخت مروة لكلمات زوجة خالها وذهبت معها  
 وبمجرد مغادرتهم المكان، أقترب عبدالحكيم من  
 ابنه ونظراته لا تنبأ بخير وإذا به يهوي علي  
 وجهه بكفه قائلاً:  
 \_أخس عليك وعلي ربيتك، من أمتي وإحنا بنمد  
 إيدينا علي حريمنا! ، أنا وأمك متجوزيين أكثر  
 من ٢٥ سنة وعمرى ما مديت إيدي عليها مهما  
 حصل وكذلك أختك، ويوم ما أكون غلطان  
 بعترف بغلطي وأتأسفها وأخدها في حضني  
 وأحابي عليها لأنها ملهاش غيري وأنا مليش  
 غيرها، الست فيهم يابني زي الأزازة بالظبط لو  
 كسرتها مش هاتعرف تصلحها تاني ولو عرفت  
 هاتفضل عايشة معاك وجواها شروخ منك مش

هتعرف تنساها، أنا مش هكلمك علي موضوع  
 حبوب منع الحمل الي بتحطهها، لكن الي أقوله  
 لك بلاش تظلمها، وإدي لنفسك فرصه معها  
 وأبدأو من أول وجديد، هي بتحبك وأستحملت  
 كثير منك ولو فاض بيها هاتسيبك وعمرها  
 ما هترجعلك ويبقي لا طولت الماضي ولا  
 الحاضر وهاتعيش وحيد بين الذكريات الي  
 هتاكلك لحد ما هاتموت من جواك وهاتبقي  
 عايش مجرد جسم من غير روح.

وحين ذكر تلك الكلمة الأخيرة، ردد عمر قائلاً:  
 \_روح! ، ما أنا فعلاً عايش جسم من غير روح،  
 أنتو الي أجبرتوني علي كل الي حصل والي  
 بيحصل.

\_إحنا اخترنا لك الصح، مشينا بالعقل والمنطق  
 الي لو كنت خالفته وعلت الي في دماغك  
 وكملت معاها كنت مش هاتستحمل الي حواليك  
 وهتطلقها، مش هينوبك غير عذاب قلبك وأنت  
 الي بنفسك بتسيبها، فبدل ما تشكرنا أنا وأمك إن  
 اخترنا لك الأصلاح ليك ولحياتك جاي بتلومنا. !  
 \_بس دي حياتي وأنا حر فيها.

\_لاء مش حر، حياتنا كلنا مرتبطة ببعض، الي  
 هيصيبك هيصيبنا ولو مكنتش باصص لنفسك  
 حظ في دماغك إن عندك أختك الي كان هيقف  
 حالها لو كنت كملت جوازتك الأولانيه، الناس  
 يابني مبيصوش للي جواك ملهمش غير الظاهر،

كلامهم زي السهم بيرشق فيك واحد ورا التاني  
 لحد ما ييقاش فيك حتة تستحمل فيها كلمة كمان  
 فيا، خلاصة الكلام أعقل وعيش حياتك مع  
 مراتك وحبها زي ما بتحبك يمكن لما تجيب منها  
 حتة عيل يملي عليكو البيت حب وحياة جديده  
 تخليك تنسي أي حاجة وجعاك، وهتلاقي نفسك  
 عايش عشان إبنك ولا بنتك الي ربنا هيرزقك  
 بيهم، يلا روح أتوضي وصللي ركعتين وأستغفر  
 ربنا وتعالى معايا ننزل صالح مراتك وياريت  
 مسمعش عنكو غير الخير وإلا هتلاقيني واحد  
 تاني غير أبوك الي تعرفو غير قلبي الي  
 هيغضب عليك.

تنهد عمرو بأسف، فأقترب من والده وأنحني  
 أمامه ممسكاً بيده ليقبلها وقال:

\_ أنا آسف يا بابا، حقك عليا.

ربت عليه والده وقال:

\_ الأسف وبوس الأيد ده خليه لمراتك بس لما  
 تطلعو شقتكو.

وقام بغمزته.

وبالأسفل قام عمرو بالإعتذار لزوجته أمام والديه  
 فتركوهما بمفردهما، فقام بمعانقتها وقال:

\_ حقك عليا مش همد أيدي عليكى تاني،

وبالنسبه للحمل...

قاطعته واضعة سبابتها علي شفتيه وقالت:

\_ أنا مش هاغصبك علي حاجه، إحنا ندي لنفسنا

فرصة قبل الخطوة دي عشان نقدر نربي إبننا في  
 جو كل حب وحنان مش كل يوم خناق.  
 أمسك يدها وقام بتقبيلها وقال:  
 \_ كل الي طلبه منك فرصة أو شوية وقت.  
 \_ وأنا أو عدك هبدأ معاك من أول وجديد  
 وهخليك تحبني زي ما بحبك.  
 حذق في عينيها بصمت مُرتسماً شبه إبتسامة  
 علي محياه.  
 \_ وفي منزل حامد الأنصاري، تتجمع عائلته  
 حول المائدة فصدح رنين جرس المنزل، قالت  
 ناهد:  
 \_ أومي يابت شوفي مين علي الباب، شكلها  
 الوليه أم صبحي بتاعت الجبنة كنت قايلالها  
 تعدي عليا.  
 تأففت الصغيرة وقالت:  
 \_ ماتقولي لراجح يقوم ولا أنا عشان الصغيرة  
 في البيت ده.  
 نظر إليها شقيقها بسخرية وقال:  
 \_ أصدك عشان أنتي الهفأ الي في البيت.  
 قال حامد لهما بتوبيخ:  
 \_ روعي إسمعي كلام أمك وأنت بطل تغيظ في  
 أختك ولما تخلص أكل عايزك في كلمتين.  
 ذهب الصغيرة وفتحت الباب لتجد أمامها  
 رجلين، إحدهما قال:  
 \_ بابا موجود يا حبيبتني؟.

أتاها صوت والدها من الداخل:

\_مين عندك علي الباب؟\_

صاحت الصغيرة:

\_عمو مصطفى ومعاه واحد غريب.

نهض حامد و بيتسم بدهاء قائلاً:

\_ياتري جاي ليه المرة دي يا مصطفى!\_

وبعد أن أستقبلهما إلي داخل غرفة إستقبال

الضيوف، كان مصطفى ينظر إلي شقيقه فأشار

له طارق بأن يتحدث، فقال الآخر:

\_بص يا حامد من غير لف ولا دوران، أحنا

جايين النهاردة نحل الموضوع بشكل ودي برغم

لو واحد تاني مكاني كان زمانه دبلك إبنك علي

الي عمله في بنتي.

صاح حامد بغضب وإعتراض:

\_نعم يا أخويا!\_

تنهد مصطفى و أكمل حديثه:

\_إبنك لازم يكتب علي روح بنتي عشان نسجل

بنته.

حرك حامد مقلتيه في محاولة إستيعاب ما يقوله

الآخر، فتدخل طارق وقال:

\_أيوه روح كانت حامل من إبنك ولسه والده من

يومين، والبنت مش عارفين نسجلها.

نهض حامد و وقف كالثور الهائج:

\_هو أنتو معرفتوش تثبتو حاجه علي إبنني في

القضية الي فاتت جايبين دلوقتي تلبسوه في مصيبه أكبر! ، أنتو عايزين مننا أي تاني يا ولاد ال....

قاطععه طارق وهو يحاول كظم غضبه وقال:  
 \_من غير غلط يا حامد يا أنصاري، إحنا جايبين نلم مش نبعتر ولا بنتبلي علي إبنك، وإن كنت فاكِر إتفاكك مع المحامي القدر الي باعنا ليك وسلمك الأدله الي زمانك أتخلصت منها في وقتها، ربك مرضاش بظلم بنت أخويا المسكينة وأدالها دليل أقوي تقدر تثبت بيه وساخة إبنك، وبحنة تحليل و ورقة نقدر نودي إبنك في ستين داهيه ودول مش تهمة واحدة، أنتين إغتصاب وإثبات نسب.

قال مصطفى:

\_مجيتنا عندك عشان منوصلهاش للمحاكم والفضايح أكثر من كده الحل بسيط مشوار صغير للمأذون إبنك يكتب كتابه علي بنتي و ناخذ إثبات مؤقت ويجي معانا يسجل الطفلة ومش عايزين حاجة تاني منكو.  
 جز حامد علي أسنانه وصاح كالعاصفة:  
 \_بنقول أي يا راجل يا خرفان أنت، قول بقي معرفنش تعمل مصلحه في الموضوع الأولاني فروحت تخلي بنتك تحمل من أي داهية وتيجو تلبسوها لأبني وقال أي عايزين تسجلوها بأسمه ويبقي ضمنته ورث مالوش أول ولا آخر.

قال مصطفى بإستنكار:  
\_ورث أي ومصلحة أي.  
فقال طارق:

\_خلاص يا أبو روح، متتعيش نفسك معاه في  
الكلام هو دماغه أصلاً في حته تانيه مش في  
مصيبة أبنه، بس أنا أحب أوضحك حاجه يا  
حامد تفهمها لإبنك، أنا المرة دي الي هتصدر له  
بنفسي وبالقانون برضو و لو وصل الأمر نوصل  
الموضوع للإعلام وتبقي فضحتكو بجلاجل،  
وخلي الناس تشوف سيادة نائب الدائرة بتاعهم  
الي المفروض يجبلهم حقوقهم ويدافع عن  
المظلوم يبقي هو بذات نفسه ظالم هو وأبنه،  
ومش بعيد تبقي قضية رأي عام.  
قهقه حامد بسخرية لاذعة فتوقف عن الضحك  
وقال بإستهزاء:

\_الي عندكو أعملوه وأبقو قابلوني، المحاكم  
أحبالها طويلة وأبقي حليني لو عرفت تثبت أي  
حاجه علي أبني.

قال طارق وهو يستعد للذهاب:  
\_بالعكس لو الموضوع وصل للنائب العام  
ساعتها أنت الي هتيجي تبوس الأيادي أنت  
والصايغ إبنك، يلا يا أبو يا روح نمشي.

غادرا المكان تاركين إياه ينفث نيراناً وشيطانه

يرسم ويخطط له آلاف المصائب التي بإمكانه يفعلها ويتخلص من عائلة مصطفى لكن كما قال له طارق وضعه الحالي كنائب برلمان مُهدد بالزوال والفضائح لو وصل الأمر إلي الجهات العليا والأعلام معاً.

\_ولم يمر أكثر من يوم وبدأ حامد يعلن الحرب من تهديدات و وعيد إلي مصطفى وعائلته، كما وصل تهديده بأن يمكن إرسال إحدى المسجلين خطر ويختطف الرضيعة ويتخلص منها ويحرق منزلهم عن بكرة إبيه، فكانت التهديدات عبر هواتفهم من أرقام مجهولة غير مُسجلة حتي لا تكون دليل إدانة علي هذا العتي الظالم.

هنا لم يستطع طارق أن يظل مكتوف الأيدي فقام بالفعل بتنفيذ وعيده لحامد، ومن خلال دائرة معارفه توصل إلي إحدى الصحفيين الشباب في جريدة شهيرة يتابعها الآلاف علي مواقع التواصل الإجتماعي، وليس هذا فقط بل قام بتوكيل محامي ذو صيت و جعل روح تسرد له كل ما حدث معها من تعدي وتهديدات، طمأنهم و أعطاهم وعد لا رجعة فيه إنه لن يتخل عن تلك القضية مهما حدث حتي لو تلقي تهديدات من المدعو حامد، وسيجعل بعض المحامين الذين يعملون لديه في مكتبه بالعمل عليها أيضاً والإسراع في الإجراءات حيث لا تأخذ القضية وقت كبير في المحكمة.

وجاء اليوم وقد أتى طارق وبرفقته الصحفي  
لمقابلة روح و أخذت تسرد كل التفاصيل ويدونها  
الآخر كتابةً مع التسجيل الصوتي، وسرعان ما  
نُشر هذا الخبر في الجريدة تحت عنوان  
"إعتداء إبن نائب البرلمان علي فتاة البحيرة"  
وأسفل العنوان تفاصيل المقابلة والتي يقرأها الآن  
حامد وهو يجلس خلف مكتبه، كان يرتشف  
قهوته وعندما رأى ذلك الخبر قذف بالفنجان علي  
الأرض وأخذ يصيح بالسباب والشتائم، فلم يتمهل  
إستيعابه لما قام بقراءته ليأتيه اتصالاً هاتفياً،  
أجاب عليه:  
\_الو.

.....  
\_لاء يافندم بالتأكيد في سوء تفاهم ساعتك، شكل  
الواد الصحفي أتلغبط في الحروف وال.....

.....  
\_يا فندم أنا أبني أصلاً مش هنا بيكمل دراسته  
بره.

.....  
\_تحت أمرك يافندم، حاضر، مع السلامة.  
وبعد إنتهاء المكالمة ألقى بالهاتف علي الأرض  
ويجز علي أسنانه التي أصتكت معاً.

## الفصل العاشر و الاخير

تتوالى الأيام وبدأت القضية تأخذ مجراها، كما  
 أنتشرت في جميع الجرائد بقضية فتاة البحيرة  
 وما جعلها تنتشر بسرعة النار في الهشيم هو أن  
 الجاني ابن نائب في البرلمان وبرغم كتابة إسمه  
 بحروف رمزية فقط لكن هذا ليس بكافي إخفاء  
 هويته مما دفع منافسيه وأعداءه في مجال العمل  
 وعلي الصعيد السياسي بإستغلال الحدث  
 لمصالحهم، بينما مصطفى وعائلته متابعين لكل  
 ما يحدث حيث قابلو العديد من المصاعب بسبب  
 نفوذ هذا الظالم وكم من التهديدات التي واجهت  
 المحامي المسئول وصلت إلي تعرض حياته إلي  
 الخطر، تأجلت القضية شهر تلو الآخر خاصة  
 بعدما قام حامد بتهريب نجله إلي خارج البلاد  
 قبل أن يُصدر قراراً بمنعه من السفر وذلك قد  
 جعل الإجراءات تتخذ مساراً بطيئاً للغاية.  
 وفي يوم قرر هذا الشيطان الذهاب بنفسه إلي  
 مصطفى في عقر داره بالإسكندرية.  
 بعد أن فتح الباب و تفاجئ بوقوف الآخر أمامه  
 وجهاً لوجه، أنشقت إبتسامة ثعلب علي ثغره  
 قائلاً:

أي يا مصطفى، مش ناوي ترحب بضيفك  
 وتكرمه ولا من ساعة ماسبت البلد نسيت  
 الأصول. !

أجاب الآخر وهو يرمقه كأنه حشرة أو يري  
شيئاً مقزراً:

\_ لاء يا حامد، منسيتش بس غيري ميعرفش  
الأصول من الأساس، عموماً أتفضل.  
وأشار له بالدخول، فولج و يرتسم إبتسامة  
صفراء ثم أخذ يتأمل أركان المنزل البسيط لينتبه  
علي صوت مصطفى وهو يشير له بالدخول في  
غرفة الضيوف:

\_ أتفضل يا حامد، بيه.  
فأكمل بسخرية بعد أن لاحظ نظراته لأثاث  
المنزل وجدرانه:

\_ معلش بقي البيت مش أد مقام سيادة النائب،  
بس الحمد لله غني بنفوس أهله الطيبين الي يعرفه  
ربنا ويخافه قبل ما يفكرو يأذو حد أو يظلمو.  
جلس حامد بعجرفة و أخرج سيجاراً من جيب  
سترته الداخليه و قداحة وأشعلها فأخذ يسحب  
دخانها ليزفره في الهواء بعنجهية و غطرسنه  
المعتادة، فقال:

\_ و غني النفس عمك أي أنت و بنتك و عمال  
تفضحو نفسكو في الجرايد و هربانين من البلد  
زي المطاريد.

أجاب عليه بكل ثقة و عزة نفس:

\_ بالعكس أنا ما أتفضحتش، أنت و إبنك الي  
أتفضحتو، أنا صاحب حق و بيطالب بحق بنته، و

مشيت من البلد عشان الي ماذيش نفسية أهل  
بيتي بللسان الناس الي نفوسها مريضة زي  
أمثالك، فمهما كان كم الخسائر مش هخسر أكثر  
من الي حصل ولا خايف علي جاه ولا منصب.  
أطفاً السيجار في طبق من الخزف موضوع  
أعلي الطاولة أمامه، أعتدل في جلسته رافعاً  
وجهه لأعلي قليلاً مُتحدثاً:

\_ من غير شعارات وأخلاق مبتأكلش عيش والي  
زيك متمسك بيها بيعيش ويموت كحيان، أنا جاي  
لك المرة دي وبسألك تاخذ كام من الآخر؟  
كاد يجيب عليه لكن قاطعه دخول إبنته وهي  
تصيح بغضب:

\_ مش هناخد حاجة وأقسم بالله ما هسيب حقي و  
لا هخلي إبنك يتهنى لحظة واحده ويدوق العذاب  
الي أنا شوقته علي أيده ومازالت بعاني منه، ده  
غير بنتي الي مش عارفه أعملها شهادة ميلاد  
زي أي طفلة.

وقف حامد ليبدأ تهديده و وعيده قائلاً:  
\_ ومش خايفة لتصحي في يوم متلاقيش بنتك! ،  
أو شفتكو المتواضعة دي يتولع فيها و كلكو  
ياتموتو من النار يتخانقو وأخلص منكو. !  
صاحت منال التي دلفت للتو:

\_ لاء بقي، ده أنت مش ظالم ومفتري بس، ده  
أنت بجح وعينك عايز يندب فيها مليون  
رصاصة، جاي وتهددنا في بيتنا.

ألتف إلي مصطفى وقال:

\_أي يا مصطفى؟ ، سايب حريمك يقلو أدبهم  
علي ضيوفك. !

رقمه مصطفى بتهكم وسخط قائلاً:

\_أنا مبيضيفش الي زيك، مبستتضفهمش، أنا  
سمحتك تدخل عشان عايز أسمع وأعرف آخرك  
أي، وزى ماتوقعت فاكرنا طامعين في مالك  
وبنعمل كل ده لأجل قرشين، لكن وربنا المعبود  
ضفر بنتي الي بينكسر منها ولا كنوز الدنيا  
تساويه و القضية هاتفضل شغاله زي ماهي و  
بدل المحامي عشره إن شاء الله لو بعث الي  
ورايا وأدامي و لو وصلت إن أمد إيدي وأشحت،  
أعملها وأخذ حقها وأخلي راسها مرفوعة و أبنك  
ال..... يترمي في السجن يتربي ويتعلم الي أبوه  
معرفش يعلمهوله.

جز علي أسنانه لايريد أن يطلق غضبه ويرتكب  
حماقة تأخذ ضده، أغلق زر سترته وأستعد  
للمغادرة فقال:

\_أفكر إن جيت لك لحد عندك و عرضت عليك  
الي يخليك تتقي شري، متجيش تتحايل عليا  
عشان أرحم أي حد فيكو، ومن غير سلام.  
قالها وذهب وفتح الباب وقبل أن تخطو قدمه إلي  
الخارج أوقفه مصطفى وقال:

\_وياريت متنساش أنت يوم ماجيت لك أنا

وأخويا و عرضت عليك نحلها ودي وأنت أنكرت  
ورفضت، ساعتها أخويا قالك قابل الي هيجصل،  
فمتجيش تعيط في الآخر لما تشوف إبنك مشرف  
في أبو زعل وسط المجرمين الي زيه.

لم يجيب حامد بكلمة واحده بل صفق الباب خلفه  
بقوة وبداخله يشتعل كنيران المراحل المتأججة.

فتح مصطفى زراعيه لتركض إليه إبنته وترتمي  
علي صدره، يضمها بحنان ويغمرها بالأمان  
قائلاً:

\_متخافيش يا حبيبتي، كلنا جمبك و محدش  
هيقدر يمس شعره من بنتك وربنا يقدرني وأجبلك  
حقك وحقها.

\_يؤسفني يا أستاذ عمرو أقولك إن نتيجة  
التحاليل الي أدامي كلها بتقول إستحالة إنك  
تخلف.

قالها الطبيب، فأستقبل عمرو ما تفوه به الآخر  
بعدم إستيعاب فقال:

\_يعني أي إستحالة، إزاي؟  
أجاب الطبيب بعدما وضع الأوراق من يده علي  
المكتب:

\_أنا عارف كلامي صدمة كبيرة مش هتقدر  
تستوعبها وأنت لما جيت لي الأسبوع الي فات  
طلبت منك التحاليل عشان أتأكد و الي شكيت فيه

طلع صح وهو عندك تشوهات في الحيوانات  
المنوية بنسبة ٩٥٪ وهابقي اضحك عليك لو  
قولتلك فيه علاج لحالتك، نسبة التشوهات كبيرة  
وصعب جدا نعالجها.

أزرد ريقه بصعوبة وكأنه يبتلع علقم شديد  
المرارة، جاء في ذهنه علي الفور أيعقل هذا  
عقوبة آلهية مما فعله مع محبوبة قلبه! ، أم ذنب  
زوجته التي جعلها تعاني لأشهر وهي تعتقد إن  
لديها مشكلة في الإنجاب! !  
نهض بثقل وما يحمله علي عاتقه كالجبل، فقال  
الطبيب:

\_يا أستاذ عمرو، أنت راجل موحد ومؤمن  
بربنا مش عايزك تياس، يا عالم ممكن نلاقي  
علاج لحالتك فعليك بالصبر.

رمقه الآخر بنظرات تيه وألم فقال:

\_شكراً يا دكتور، عن إذتك.

وقبل أن يغادر أعطي له الطبيب ملف تقارير  
التحاليل الخاصة به، وبمجرد مغادرته للعيادة  
أمسك بالملف وألقاه في وعاء النفايات المجاور  
للمبنى، وعينيه يملأها الحسرة والندم.

\_لاء يعني لاء ياروح.

قالتها منال، فأقتربت روح من والدتها بتوسل  
قائلة:

\_يعني يرضيكي قعدتي في البيت الي تعبتني  
نفسياً أكثر من الي حصل لي. !

\_ هو أبوكي أثر معاكلي أو مع بنتك في حاجه؟.

زفرت بسأم وأجابت:

\_ أبدأ بالعكس كل حاجه أنا محتجاها بيجهالي  
سواء أنا وبنتي ومن غير ما أطلب منه، بس يا  
ماما أنا زهقت وعايظه أشغل نفسي عن الي أنا  
فيه، ومنها أساعد بابا في الحمل الثقيل الي شايل  
له.

كانت الصغيرة نائمة وأستيقظت وهي تبكي،  
حملتها منال لتهددها وتربت عليها حتي غفت  
مرة أخرى، وقالت بصوت منخفض:

\_ أنا يابنتي خايفه عليكي، أولاً عشان الي ربنا  
ينتقم منه هو وابنه وجالنا لحد البيت بيهددنا  
ممكّن يعمل فيكي حاجه، وتاني حاجه إحنا مش  
في البلد يعني في منطقة غريبه علينا ومنعرفش  
فيها حد.

\_ أطمني يا ماما، جارتنا الي تحت أم چني من  
يومين كنت بتكلم معاها وعرفت إن فيه محل  
عطور ومكياجات محتاجين واحده تشتغل عندهم  
ومش شارطين مؤهل أهم حاجه تكون منتظمه  
ومتفرغه.

تنهدت منال بحيره وقالت:

\_ طب وبنتك؟.

أجابت:

\_ بنتي أبقي إعملي لها رضعة في البرونة وأنا

لما هاجي هارضعها أنا وهي خلاص ماشاء الله  
 قربت تتم السنه وبتاكل.  
 \_براحتك يابنتي، بس أبوكي لو أعترض مليش  
 دعوه ومتقوليليش أقنعه.  
 \_متقلقيش أنا هاعرف أقنعه.

وبالفعل أخبرت والدها عن رغبتها في العمل لم  
 يستطع الرفض خاصة إنه يعلم حالتها النفسية،  
 فتمني أن يكون عملها يشغلها عن تلك الدائرة  
 التي تحاوطها من بداية الحادثة وحتى هذا الوقت.  
 قدمت أوراقها الشخصية إلي صاحب المتجر  
 وكان رجل في بداية الأربعون عاماً، أخبرها أن  
 كل ما يريد هو الإخلاص في العمل والأمانة  
 وهناك عدة كاميرات بداخل وخارج المحل تُسجل  
 كل حركة للوافدين وللمغادرين، وأي مشكلة ما  
 تعود إليه أولاً وتخبره.

و في يوم ما عادت من العمل فوجدت عمها في  
 إنتظارها و برفقته فتاة يبدو من مظهرها تعمل  
 في مجال الصحافة، بعد المصافحة وتبادل  
 السلام، قالت الفتاة:

\_أزيك يا روح، أنا مها الحريري صحفية في  
 جريدة.....، قرأت من قريب مقال عن قضيتك  
 وعملت بحث عنك وتقريباً وصلت لكل حاجة  
 عنك وعن ابن النائب حامد الأنصاري، بصي  
 يمكن طلبي هيكون صعب شويه بس ده الحل  
 الوحيد عشان توصل قضيتك للناس كلها وهم

أنهم يشوفوكي صوت وصورة.  
 حدجتها روح بعدم فهم ثم نظرت إلي عمها الذي  
 قال:

\_أستاذة مها تقصد إنها هتسجل معاكي لقاء  
 بالصوت والصورة تحكي فيه كل حاجة وهي  
 هتنزله علي قناة الجريدة الي بتشتغل فيها وكمان  
 هتشيرو علي عدة مواقع في السوشيال ميديا  
 وبكده ممكن صوتك يوصل لأكبر المسؤولين  
 وجمعية حقوق المرأة وبالتأكيد كل ده في صالحنا  
 وهيدعم قضيتنا ضد حامد وإبنه.

وقعت في حيرة تخشي الظهور للعلن، وهل هذا  
 في صالحها أم سيسبب إليها مشاكل أخري!.  
 خرج والدها من إحدي الغرف وقال ليطمأنها:  
 \_واقفي يابنتي ومتخافيش وزى ما قولتلك إحنا  
 معاكي لحد ماتاخدي حقك مهما كانت الوسيلة،  
 مش هيجي أكثر من الي جرا لك.  
 وهنا تحدثت الصحفية بابتسامة إليها قائلة:  
 \_بحيث كده بقي نبدأ التصوير.

وأخرجت من حقيبتها كاميرا رقمية وقامت  
 بوضعها فوق إرتفاع ثابت وبدأت بتشغيلها،  
 أخذت تلقي عليها الأسئلة وروح نُجيب وتسرد  
 كل ماحدث وفي نهاية اللقاء قالت لها مها:  
 \_و في نهاية اللقاء ياروح تحبي توجهي رساله  
 لمين؟.

نظرت نحو الكاميرا وأجابت:

\_ أحب أوجه رسالتي للقاضي الي هيكلم في  
قضيي، ياريت تعتبرني زي بنتك، وتحكم بالعدل  
وتجيب لي حقي من الي ظلمني وحق بنتي ألي  
جت للنديا من سنه ولحد دلوقت ملهاش شهادة  
ميلاد.

\_ أنتشر هذا اللقاء في خلال أيام علي جميع  
مواقع التواصل الإجتماعي، ففي منزل حامد  
الأنصاري كانت ناهد جالسة أمام التلفاز وجاءت  
إليها إبنتها وهي تمسك بهاتفها:

\_ ماما، إلحقي يا ماما.

رمقتها والدتها بضيق وقالت:

\_ في أي يا آخرة صبري.

جلست بجوارها و تضع شاشة الهاتف أمام  
ناظريها:

\_ أتفرجي وأنتي هاتعرفي.

بدأ الفيديو بالعمل وكانت تري وتستمع و وجهها  
يشد من حُمة الغضب قائلة:

\_ آه يا ولاد ال.....، بقو عاملين تفضحونا

وتفضحو إبني.

أخذت الهاتف بعنف من يد إبنتها ونهضت ذاهبة  
إلي زوجها النائم لتوقظه

\_ حامد، يا حامد، أنت يا لي نايم علي ودنك  
وشاطر تقولي أنا روحتلهم وخوفتهم ومش  
هيعملو حاجه.

أستيقظ بفزع من صوتها الجهوري:  
 \_ فيه أي يا ناهد علي الصبح، حد يصحي حد  
 بالشكل ده؟.

أعطته الهاتف وهي تصيح:  
 \_ خد شوف المصيبه، البت البجحة بدل ما  
 تداري علي مصيبتها رايحه تفضح نفسها  
 وتجرسنا أدام العالم صوت وصورة.  
 وبعدها شاهد دقيقتان أوقف العرض وتناول  
 هاتفه من فوق الكمود جواره، وقام بمهاتفة  
 المحامي الخاص به:

\_ أيوه يا محامي الغبره، أي الي بيحصل ده؟.  
 تفهم الآخر سبب غضب موكله فقال:  
 \_ والله ياباشا أنا لسه متفاجئ النهاردة زي زيك.  
 صاح حامد وكأنه ثور هائج:

\_ تتصرف وتوصل للجريدة الي عملت اللقاء ده  
 وتروح للبت الصحفيه دي وتقولها تحذف الزفت  
 ده من كل حته أنتشر فيها إلا وقسماً بالله أقفلهم  
 الجريدة دي خالص.

أجاب الآخر:

\_ أمرك يا حامد بيه، أعتبره حصل.  
 \_ لما نشوف آخرتها.

أغلق المكالمه، وهو يزفر نيراناً فقال:  
 \_ بدأت الحرب يا مصطفى أنت وبنتك، خليك  
 راجل بقي وأستحمل، هخليك تعرف لما حامد

يقول كلمة بيبقي أدها!

\_ و لدي عمرو في عمله، كان منهمكاً جاء إليه  
 زميله الذي يقطن معه في نفس قريته.  
 \_ عمرو ألق، مش دي روح بنت عم مصطفى  
 الي كنت خاطبها؟.

أمسك عمرو الهاتف وأخذ يشاهد المقطع ويستمع  
 إليها بقلبٍ مُدْمِي ومقهور، تساقطت عبراته رغباً  
 عنه وهو يستمع لكلماتها التي ذبحته وهي تسرد  
 ما حدث لها وتخليه عنها في أكثر الأوقات  
 إحتياجاً له، همس من بين دموعه:

\_ سامحيني يا حبيبتي، سامحيني يا روح.  
 \_ أنتهت لتوها من البيع لإحدي الزبائن، نادي  
 عليها صاحب المتجر فذهبت إليه، وجدته  
 يحدجها بنظرات مُبْهَمة لكن قلبها أخبرها بماهية  
 تلك النظرات الخبيثة.

قال لها بدهاء ثعلب ماكر:

\_ مبسوطة معايا ياروح، أصدي مبسوطة من  
 الشغل هنا؟.

أجابت بقليل من التوتر:

\_ الحمدلله يافندم، هو فيه حاجه حصلت أو حد  
 أشتكى لك مني؟  
 نهض من خلف المكتب ويحوم حولها كالذئب  
 قائلاً:

\_ لاء، بس أنا شايف شغلانة البياعة في محل  
 دي مش لايقه علي واحده في جمالك و حلاوتك.

رمقته بعبس من كلماته التي تفوه بها فقالت:  
 \_معلش حضرتك، تقصد أي؟  
 وقف أمامها وما زال يرمقها بنظرات شهوة برغم  
 مظهر ثيابها محتشم وحجابها الطويل، لكن كل  
 هذا لن يؤثر علي مرضي القلوب أمثاله.  
 أقترب منها أكثر وتحدث بفحيح:  
 \_نتجوز عرفي و هاعيشك ملكة.  
 ابتعد عنه و نظرت له بإزدراء قائلة:  
 \_أي الي أنت بتقوله ده؟ ، أنت شايفني أي؟  
 جلس علي كرسي أمامها وأجاب:  
 \_أوعي تكوني فكراني عبيط ومعرفش حكايتك،  
 كل الناس شافت الفيديو بتاعك الي بتحكي فيه  
 عن الواد ابن النائب بتاع بلدكو الي أغتصبك  
 وحملتي وخلفتي منه، ولا عارفه تاخدي حقك ولا  
 عارفه تثبتي نسب بنتك، فالأحسن شوفي  
 مصلحتك وأهو هديكي قرشين تجيبي لبنتك كل  
 الي نفسها فيها.  
 هزت رأسها يميناً ويساراً بالرفض:  
 \_وأنت فاكر إن هوافق علي المسخره دي، أنا  
 واحده متربية والي حصل لي ده إبتلاء من ربنا  
 وإن شاء الله هاخذ حقي.  
 نهض مرة أخرى وأمسك بعضديها قائلاً:  
 \_صحصي معايا كده وفكري بالعقل، أنا  
 عارف إنك مش هترضي نقضيتها كده فأنا قولت

تعالى يا واد على نفسك وأكتب ورقتين عرفى،  
وكل الي أنتى عايزاه هيكون عندك.  
جذبت عضديها من قبضتية، وصاحت فى وجهه:  
\_ أنت واحد مش محترم ومعندكش أخلاق زيك  
زي الي ظلموني.

قهقه وتعالى ضحكاته فقال:

\_ أنا لو زيهم كنت سمعت كلامهم لما بعنولى  
واحد كان بيدلى فلوس نظير إن ألبسك قضية  
سرقة أو أخلى أأجر واحد يتهجم عليكى وأخذ  
تسجيل بالمشهد ده من تسجيلات الكاميرا  
وأدهولهم وهم بقى هينشرو بمعرفتهم ولا  
يهددوكى بيه والله أعلم.

أنهارت باكيه وأخذت تصرخ:

\_ أنتو عايزين منى أي! ، حرام عليكو سبونى  
فى حالى.

شعر بالذنب نحوها وأستحقر ذاته كيف له  
يرفض عرض الطاغية و يطلب منها ما يسميه  
زواجاً بل هو زنا تحت مُسمى زواج عرفى.  
أقترب منها وقال بنبرة شفقه:

\_ حَقك عليا يا روح، أنا....

قاطعته وهى تبتعد وتأخذ حقيبتها:

\_ لو سمحت أبعد عني، وبالنسبة للأيام الي  
أشتغلها عوضى على الله، وحسبى الله ونعم  
الوكيل فى كل واحد ظلمنى وجه عليا.

\_كانت تتجول في الشوارع تبكي علي حالها،  
ماذا عساها أن تفعل!، ما الذي بيديها لتبعد هؤلاء  
الشياطين عنها!، يا الله لا أعلم إلي متي سأتحمل  
هذا الوضع.

وصلت أمام البناء التي تسكن به فأوقفتها فتاة  
قالت لها:

\_لو سمحت؟.

أستدارت لها تجفف آثار عبراتها:

\_فيه حاجة؟.

إبتسمت لها الفتاة بود صادق وقالت:

\_أنا أسمي ندا وساكنة في العمارة الي قصادكو،  
بشوفك كل يوم الصبح وأنا راичه الجامعه، و  
عرفت إسمك و.....

صمتت لاتعلم ماذا تقول فقالت روح:

\_أصدك شوفتي الفيديو الي بحكي فيه قصتي. !  
أومأت لها الفتاة وقالت:

\_أنا والله ما حابه أتطفل عليك بس لما عرفت  
حكايتك زعلت جداً ونفسي أساعدك حتي لو  
بالدعم المعنوي، أنا طالبة في آداب علم نفس، و  
درست وعرفت أزاى أقدر أساعد أي حد واقع  
في مشكله أو في أزمة زي الي حصلت معاك،  
يعني من الآخر أعتبريني صديقتك.

بادلتها روح بشبه إبتسامه وقالت:

\_تسلميلي يا ندا وشكراً علي إهتمامك، أنا....

قاطعها صياح يأتي من الشرفه في الطابق الثالث  
 في البناء المقابل:  
 \_بت ياندا، واقفه عندك بتعملي اي؟  
 رفعت رأسها لأعلي وأجابت علي والدتها:  
 \_ثواني يا ماما وطالعه.  
 تحققت السيدة من ملامح روح فتذكرت الفيديو  
 التي رأته، ثارت بغضب:  
 \_أنتي واقفه مع البت دي ليه، أطلعي يلا مش  
 ناقصين شبيهه وفضايح، ربنا يستر علي ولايانا.  
 نظرت ندا إلي روح بإحراج شديد:  
 \_أنا أسفه يا روح، ماما متقصدهش خالص.  
 أوقفتها روح بإشاره من يديها:  
 \_أطلعي لها يا ندا، مامتك عندها حق.  
 وتركتها وركضت إلي الداخل حتي لاتري  
 دموعها المنهمرة للتو.  
 فتحت باب الشقه بالمفتاح خاصتها، لتجد  
 صغيرتها تحبو نحوها وهي تردد كلمة:  
 \_مم، مم.  
 أنحت نحوها وحملتها وأحتضنتها بقوة ثم ذهبت  
 بها إلي الغرفة حتي لا يراها أحد وهي تبكي،  
 أخذت تحكي لابنتها يومها العسير وكيف  
 ينظرون إليها الآخرون.  
 صدح هاتفها بالرنين، وجدت المتصل الصحفية  
 مها الحريري، أجابت عليها:

\_الو.

\_ مساء الخير يا مدام روح، أنا مها الحريري.

\_ أنا مسجله رقمك يا أستاذة مها.

\_ أنا بكلمك عشان أعتذرلك، والله ما بأيدي، جت أوامر للجريدة ولرئيس التحرير بحذف اللقاء الي سجلته معاكي من كل المواقع الي أنتشر فيها.

\_ ولا يهملك يا أستاذة مها، ده كان متوقع يحصل وياريت تيجي علي أد كده.

\_ متقلقيش يا روح، أنا مش هاسكت هوصل قضيتك للمسئولين وإن شاء الله هنجبلك حقا.

\_ بلاش أحسن، أنتي عملتي الي عليكي كفاية لحد منهم يأذيكى وأنا ميرضنيش حد يتأذي

بسببي.

\_ متخافيش ياروح، أنا متعوده علي كده، شغلنتنا كلها مخاطر ومغامرات، أحنا هانعمل الي علينا

والباقي علي ربنا.

\_ ونعم بالله، شكراً يا أستاذة مها.

\_ العفو يا حبيبتى.

أنتهت المكالمه، أفرغت روح بكل ما بداخلها في زفرة قوية وقالت:

\_ يارب.

\_ مضت الأيام وبدأ أنتقام حامد لعائلة روح،

حيث تفاجأ مصطفى بإحالاته علي المعاش

المبكر، وعندما علم صديقه في العمل بذلك قام

بعرض المساعدة عليه بأن لديه إحدي معارفه  
لديه شقة للإيجار بسعر مناسب له ولأسرته في  
محافظة القاهرة ، كما هناك في المنطقة مصنع  
صغير لصناعة الأحذية وحقائب اليد.  
رفض مصطفى في البداية لكن أصدقاءه قالو له  
يجب عليه أن يأخذ أسرته و يرحلو من  
الأسكندرية فحامد الأنصاري لن يتركه طالما  
مستمراً في رفع القضية علي نجله.  
علم أشقائه بوجوده في القاهرة، فذهب شقيقه  
سليمان له وتظاهر بالإطمئنان عليه، و عندما بدأ  
الحديث في موضوع روح قال لأخيه:  
\_بص يا مصطفى يا أخويا الموضوع شكله  
كبير ولا هتعرف تاخذ حق ولا باطل مع حامد  
الأنصاري، ده أيده طايله وله نفوذ ممكن توديكو  
في داهية.

قال مصطفى بعده:

\_صاحب الحق ميخافش يا أخويا، وفرضنا  
وأنتازلت عن حق بنتي وده إستحاله يحصل،  
بالنسبة لبنتها الي ملهاش شهادة ميلاد لحد  
دلوقت؟!

تحمم سليمان وقال بتردد:

\_ما هو ده الموضوع الي جاي لك فيه، وأرجو  
أنك تفهمني، زي ما انتو عارفين إن ربنا ما  
أرادش ليا الخلفة وموضوع التبني هنا صعب  
وحرام، فممكن يعني...

صمت لثوان ثم أردف:

\_ ناخذ بنت روح نسجلها بأسمي أنا و رحاب  
مراتي ونربيها، علي الأقل البنت تكبر تلاقي لها  
أب وأم وجو أسري تتربي فيه صح.  
كانت روح بداخل غرفتها و تسمع حديث عمها  
الذي جعلها تصل لذروة غضبها فأنفجرت و  
خرجت كالعاصفة التي تقتلع الأخضر واليابس  
أمامها.

\_ علي جنتي، بنتي مش هتفارقني وأنا الي  
هربيها حتي لو أبوها ما أترفش بيها، هاكون  
أبوها وأمها، فلو كنت جاي عشان كده فالزيارة  
أنتهت.

وقف سليمان غاضباً وقال:

\_ أنتي بتطرديني يا بنت.

ونظر لشقيقه وأكمل:

\_ سامع بنتك يا مصطفى وساكت!

قال مصطفى بهدوء لإبنته:

\_ أدخلي أوضتك يا روح.

ورغمًا عنها ردت بإنفعال:

\_ يرضيك يا بابا الي بيقوله! ، مش كفاية الي

عملوه فيا هو وأعمامي! ، أنا بعد كده مش

هاسكت لأي حد عايز يأذيني أو يأذي بنتي،

فاهمين؟.

أسرعت منال نحو إبنتها التي أنتابها حالة هياج  
عصبي هستيري وخشيت أن تدخل في غيبوبة،

أحتضنتها وربتت عليها:

\_ أهدي يا قلب أمك، أهدي يا حبيبي، تعالي  
ومتخافيش محدش هيقدر يجي جمبك ولا جمب  
بنتك.

ثم نظرت إلي زوجها وقالت:

\_ خد أخوك وكملو كلامكو علي أي قهوة، أنا  
مش مستغنية عن بنتي.

فقال سليمان بحنق:

\_ أنا ماشي يا أم روح، وشكراً أوي.

وغادر مسرعاً، فقالت منال بتهكم:

\_ العفو يا أخويا، الله يحرقكو زي ما حرقتو  
دمنا، عيلة و.....

قاطعها مصطفى بتحذير:

\_ منال.

رمقته بسخط وقالت:

\_ أنا هادخل أنام جمب بنتي أحسن.

\_ مرت الشهور وكبرت الصغيرة حتي تجاوزت  
العامين وبضعة أشهر ومازالت القضية مستمرة،  
في كل جلسة يحكم القاضي بالتأجيل فتارة بسبب  
عدم كفاية الأدلة وتارة أخري بسبب عدم وجود  
المدعي عليه أو الجاني حتي يقومون له بعمل  
تحليل الحمض النووي، لكن كما نعلم ما زال  
هارباً في مكان لا يعلمه سوي والده فقط حتي  
والدته لم يخبرها زوجها، يخشي بأن تتلفظ بمكانه  
أمام أحد من الجيران.

وبينما لدي عائلة روح، كان الحال كما هو عليه  
لكن إبنته كانت حالتها تزداد سوءاً، تتعرض  
للهمز واللمز من الجيران، و كلما تذهب إلي أي  
مكان تجد الأنظار تحاوطها من بين شفقة ومن  
بين نظرات لم تفهمها.

فاض بها الأمر حتي لم تعد تتحمل لاسيما عندما  
علمت من عمها طارق بأن القضية قد أُغلقت مما  
جعل اليأس تمكن من روحها، تركت المنزل  
وأخذت تسير بدون وجهة تاركة أسرتها وإبنتها  
بعدما أحتضنتها كأنه الوداع الأخير.

( عودة إلي الزمن الحالي )

\_وفي غرفة المشفي....

كانت نيهال فريد تستمع إلي كل ما سردته لها  
روح عن قصتها المأساوية، فقالت بحزن:  
\_ياه يا روح، برغم صغر سنك بس الي عشتيه  
ولا بألف سنه.

أرتسمت شبه إبتسامة ساخره علي محياها  
وقالت:

\_أنا بقيت عايشه روح من غير جسد، نفسي  
أموت قبل ما بنتي تكبر وتقولي بابا فين.  
أقتربت نيهال منها وأمسكت يديها بحنان وقالت  
لها بإبتسامة امل وتفاؤل:

\_أنا معاكي لحد ما قضيتك توصل للعالم كله.

\_الي قبلك حاولو ومقدروش يوقفو ضد التيار

## زي حلاتي.

ربتت علي يدها وقالت بتحدي:

\_ببقي متعرفيش نيهال فريد. !

\_عادت روح إلي منزلها بمساعدة نيهال التي  
جلست مع والديها لتطمأنهما عليها وأخبرتهم أنها  
سوف تتبني قضية روح في برنامجها التلفزيوني  
الشهير، رفض مصطفى متعللاً بكفيه فضائح  
أكثر من ذلك ولم يتحمل عبئ الانتقال لمسكن  
آخر أو ترك عمله الذي حصل عليه بصعوبة  
لكن زوجته وشقيقه طارق كانا يدعمان هذا  
القرار ربما تكن الفرصة الأخيرة.

أنفقت نيهال مع روح علي ميعاد تسجيل اللقاء  
في منزلها سوف تعرضه من خلال البرنامج و  
سوف تستضيفها علي الهواء مباشرة وقت إذاعة  
الحلقة و برفقتها والدتها وعمها طارق لكن  
مصطفى رفض الظهور.

-يُعج المنزل بالعديد من المصورين ومسؤولين  
إعداد البرنامج... وفي زاوية بالردهة تتسلط بقعة  
من الضوء علي تلك المرأه الشابه التي تجاوزت  
الحادية والعشرون منذ أيام قليلة.. تجلس علي  
فخذها طفلة صغيرة تحمل من البراءة ما يجعلك  
لا تبرح النظر عنها ، فهي كالملاك الصغير جاء  
إلي عالم من الجحيم.

صاح صوت مخرج البرنامج:

\_يلا يا أستاذة نهال هنبتي التصوير.  
نظرت المذبةعة إليها واضعة يدها علي كتفها  
لتطمأنها، فقالت:

\_جاهزة يا روح؟.

أومأت لها روح بنظرة تخبرها لا أملك سوي تلك  
الفرصة حتي تصل صرخاتي إلي القانون لكي  
يجلب لي حقي وحق إبنتي التي جاءت عنوة إلي  
هذه الحياه المليئة بوحوش ضارية علي هيئة  
بشر، لايفقهون معاني الرحمة والشفقة.  
صاح المخرج مرة أخري ليعلن بدأ التصوير:  
\_كله يجهز... ٣ .. ٢ .. ١..

إبتعدت شفيتها لتخرج كلماتها بنبرة هادئة من  
قلب مقهور:

\_أنا إسمي روح مصطفى السيد ... عندي ٢١  
سنة ... حكايتي بدأت من ثلاث سنين.  
\_وبعد يومين، بداخل الأستوديو الخاص  
بالبرنامج تجلس روح و والدتها وعمها في  
إستضافة نيهال التي بدأت بالحديث بعدما  
عرضت اللقاء المُسجل سابقاً:

\_أعزائي المشاهدين اللقاء الي أنتو شوفتوه قبل  
الفاصل الإعلاني مكنش حكاية عادية، دي قضية  
بقالها أكثر من سنتين تم التعتميم عليها في صالح  
الجانبي و ده بسبب نفوذ والده الي فاكر بسلطته  
أنه فوق الكل، وإحنا في برنامجنا زي ما  
متعودين بنجيب حق المظلوم والظالم ياخذ

جزاءه، روح مش مجرد حالة أو حكاية دي  
 قضية كل بنت بتتعرض للأغتصاب وللتحرش  
 وللأسف القانون مبيحكش علي الجاني بعقوبة  
 رادعه بالعكس أخره سنه، أتنين، ثلاثه، ويمكن  
 ميتحكش عليه بعد ما محامي المتهم يدور له  
 علي الثغرات الي تخرجه من القضية، وفيه الي  
 بيزور للمغتصب إنه تحت سن القانون ومينفعش  
 يتحكم عليه زي الشاب البالغ للسن القانوني،  
 ومتنسوش قضية الطفلة زينة الله يرحمها ولا  
 غيرها ولا غيرها من الضحايا من إغتصاب  
 وقتل، وفي حكايتنا النهارده مش مجرد قضية  
 إغتصاب وبس، بل وإثبات نسب ومن مكانا هنا  
 بنناشد النائب العام بإتخاذ القرار اللازم في  
 سرعة القبض علي المتهم و عمل ليه تحليل  
 الحمض النووي لإثبات نسب الطفلة البريئة بنت

روح.

أنتقلت الإضاءة من نيهال إلي روح، فقالت

نيهال:

\_ أهلاً وسهلاً بيكي يا روح.

أجابت روح ببعض من التوتر:

\_ أهلاً بحضرتك أستاذة نيهال.

\_ وفي خلال عرض الحلقة قد أتى إتصال هاتفي

لحامد الذي يشاهد الحلقة ووجهه يشتعل من

الغضب، وكان يقول:

\_ يا ولاد ال.....، يا ولاد ال.....

رن الهاتف، فأجاب:

\_ الو، مين؟.

أعدت فجأة في جلسته وقال بنبرة جاده

ورسمية:

\_ أهلاً بسعادة الباشا.

\_ أنا مش هو يا حامد، أنا مدير مكتبه وحببت

أبلغك إنه من بكره تعتبر نفسك مستقل من

نيابتك عن دايرتك في البرلمان، وهيتم ترشيح

أعضاء تانيين لمنصبك.

صاح حامد غير مصدق:

\_ أنت بتقول أي؟، معناه أي الكلام ده؟.

\_ أفتح التليفزيون وأنت هاتعرف، إحنا عارفين

الي إبنك عمله من زمان وكنا بنحاول نغطي

ونعتم علي الموضوع نظير خدماتك الي بتقدمها،

لكن الموضوع خرج من إيدينا ووصل للنائب

العام وهو بيتفرج علي البرنامج دلوقتي، فياريت

تقدم طلب بإستقالتك أكرملك وأحسن لك، سلام.

أغلق الهاتف ولم يصدق، أنتابته حالة من

الإختناق وضيق في التنفس، يحاول فك رابطة

عقه بصعوبة، يريد مناداة السكرتير لكنه لن

يستطع، حاول النهوض والسير نحو الباب

مستنداً علي حافة مكتبه، لكن خانة جسده وهوي

علي الأرض

دوي صدي الحلقة في الأرجاء وتناولها الكثير

علي مواقع التواصل الإجتماعي حتي أصبحت  
كما يقولون ترند شهير بهاشتاج

# (حق \_ روح \_ لازم \_ يرجع).

وتناولت العديد من البرنامج قضية روح في  
حلقاتها و الكل يطالب بسرعة القبض علي  
المغتصب والحكم عليه بأغلظ عقاب رادع حتي  
يكون عبرة لكل شاب تسول له نفسه ويتعدي  
علي ما هو ليس ملكه أو حق له.

وبالفعل بعدما أصدر قرار النائب العام بإلقاء  
القبض علي راجح الأنصاري، و وجدوه في  
إحدي القرى النائية لدي إحدي معارف والده  
الذي لم يتحمل الصدمة ودلف المشفي بعد  
إصابته بذبحة صدرية حادة.

قامو بأخذ عينة من راجح ومن الصغيرة والقيام  
بتحليلهما، وبالفعل ظهرت النتيجة بعد يومين أو  
ثلاث من الإجراءات الروتينية و هي أن حياة  
إبنة راجح الأنصاري بعض تطابق حمضهما  
النووي، وأخلي سبيله بعد ذلك و لكن هناك  
خطوة أخيرة والتي تتم الآن في قاعة المحكمة  
وأمام القاضي الذي يقول:

\_ مدام روح، دلوقتي معاكي مايتثبت إن راجح  
حامد الأنصاري هو والد إبتكك حياه، لكن عشان  
يتم تسجيل هذا في شهادة ميلاد رسمية للطفلة  
لابد من وجود عقد زواج رسمي موثق بينك  
وبين المدعي عليه ، وفي تلك الحالة هتسقط تهمة

الإغتصاب عنه إذا تم الزواج.

قالت روح للمحامي الخاص بها:

\_إستحالة ده يحصل، إزاي! وحقي؟.

أوما لها المحامي وأجاب:

\_للأسف يا مدام روح سيادة القاضي كلامه

صح، عشان نثبت نسب بنتك رسمي بشهادة

ميلاد لازم نحلها ودي وهو راجح الأنصاري

يكتب عليك رسمي وبالعقد نسجل الطفلة وممكن

تطلقي منه بعد كده.

صاحت والقهر ينهش قلبها الملتاع:

\_طب وحقي؟.

نظر لأسفل مجيباً بحزن وأسف:

\_ده قرارك أنتي في النهاية.

أغمضت عينيها وهي تكبت عبراتها بصعوبة،

تلفتت من حولها تنظر إلي عمها و والدها و

والدتها وثلاثتهم يرمقونها بقلة حيلة، فهي الآن

في مأزق وحالة تراثي لها، ألقت نظرة علي

صغيرتها النائمة بين زراعي والدتها والألم

يزهق روحها لاتعلم ماذا ستقرر، هل تتنازل عن

حقها وحياتها التي دُمرت علي يد شاب مدمن و

عديم الأخلاق والتربية و فوق هذا وذاك لم يتم

معاقبته بل ولسخرية القدر لا بد أن يصبح

زوجها!

ما أصعبه إختياراً يا الله، تقدمت نحو منصة

القاضي ومستشاريه بخطوات و دقات قلب تدوي  
في أذنيها، وقفت بصمود تزدرد ريقها، تفوهت  
بإقتصاب:

\_أنا عايزة العدل. !

\_تمت بحمد الله .

روح بلا جسد  
(قصة مأساه لم تنتهي)  
بقلمي: ولاء رفعت علي